

程際巽撰彙纂初編十卷

光緒乙未冬新裝
於掃塵齋



啟者此編僅据子儀孝廉見
付之本粗為排次原本移寫
既頗艸率倉卒付雕體例亦
未盡一伏覲

海內與侍郎交舊讀此集有
校出遺篇缺題謫字者不惜
郵函相告

或寄示祁溥甫尚書
何子貞太史皆可


以備

重事釐定俾成足本無任跋
切之至

平定張穆謹啟

道光二十五年十二月刻工竟
版存楚喜齋

程侍郎遺集初編序



先大父宰歙徧交其邑之名儒而戶部侍郎春海程公
之考蘭翹學士以僮子從父後肄業斗山亭特為大父
賞拔學士家極寒大父召入署躬督教之衣食視諸子
不數年諸經注疏皆精熟為文灌辟精粹試必冠曹舉
乾隆丁酉拔貢入成均連掇魏科保直

內廷聲望斐然顧艱於嗣晚乃誕公公丰儀玉映父母
珍若連城七歲就傅每日讀書不過二時而寒燠悔靈
氣候失和皆輟課曹顧厓少宰大父庚寅分校南闈所
得士也時官侍講先君子從之遊與學士同邸每抱持

公問以書不能答則徧檢輿僻不經之字相詰難蓋好
奇不羣幼性爾也比學士卒於山東學政任所
高宗純皇帝特簡歛人之官清要者俾徃經紀其喪因
以少宰嗣司校事少宰延先君子同往至則為庀其行
篋握公手送之登車年十有一矣已而先君子會試入
都見學士舊僕訊以門戶近况則言公子發憤力學入
邑庠大被宗師賞異出應試小賦名雋綺麗歎為絕倫
逮乙丑再赴禮部試公亦偕計吏來京師風雅淹博輦
下共推為才子又越七年遂與先君子同舉進士入翰
林公嘗贈修穆詩曰君祖授我嚴獎誨若子姓君嚴我

同譜欣契挫其敬蓋寶錄云公負奇氣博觀強誦於經訓
史筌天象地輿金石書畫士遁太乙脈經格學莫不窮
極要眇究析發皇之而精神所到卓絕岸異必然可傳
於後者則其有韻詩文也詩初好溫李年長學厚則昌
黎山谷兼有其勝又際會清宴無金華流離之事傷其
耳目故形之篇詠者率排畧妥帖力健聲宏琅琅乎若
鸞鳳之嘯於穹霄也穆於癸巳之春初侍公直園情好
之洽久愈摯不三五日必召過飲投巾振袂談議交錯
寒士之被禮者殆無與比嘗請公自訂其詩公曰吾詩
險而未夷能飛揚而不能黯淡思力所及者腕每苦其

不隨更讀書十年殆可相質邪嗚呼熟意所業之遂止
於斯歟丁酉夏穆將歸應鄉試行有日矣公置酒相餞
漏過午拳拳不放別乃穆甫出都門公遽感暑疾久不
瘳祁淳父尚書日往省之沈頓之頃尚以穆試事為念
遺言乞儀徵相國銘其墓而尚書書之次年穆將南游
迂道入京師哭公公子德威以遺稿相授塗乙潦艸首
尾多不完或篇題殘挽乙酉以前之作竟無一字存疑
公尚未清本藏之別筭德威未檢獲也謀更事搜采成
完秩荏苒未遑而德威又以措交庫款赴粵東卒於劉
仲寅觀察署中觀察名晟昌公視學貴州所拔貢生公

一

歿後所以賙恤其家者有加德威卒命其弟送柩返歙
買山營壙并葬公及金夫人兩世三棺其孤孫嫠婦之
寄遇京師者則祁尚書為經營擁樹之觀察又議以幼
女妻德威之子而娶其女為己子婦迎公全家入黔相
依以久嗚呼師恩友誼人有同情當公賓客填咽之時
詎知身後巨卿乃此兩人哉穆幼聞先君子之所以稱
公者長而公之相待略如大父之待其先德知己之感
永永弗諼也今年春尚書謀刻其遺集曰此為初編續
有哀錄補梓易耳穆既恐殘斷之稿并歸蕭落又懲
夫嫁名譌誤者之厚誣公也乃偕公門人何編修紹基

排比爲賦一卷詩四卷又凡稿州之失題者及詩餘試帖共爲一卷碑志哀誄駢儷雜著之文五卷總題曰程侍郎遺集而叙其緣起如此以訓公知兼志余痛云道光二十有五年端蒙大荒落三月既望平定張穆序

龍泉寺檢書圖記

附錄

歙縣少司農師程公既卒之明月儀徵相國師阮公約同人集龍泉寺檢其遺書先一日基以告於公之孤德威德威泣而言曰先公於辨論經史六書古義及天文地志杞記最夥詩古文詞亦爲之甚勤顧不自存省其僅未散失者襍置書篋中往往無首尾題識它日從容

整理稍就次第當乞阮公鑒定今苦山迫促未遑也顧辱公及諸君子存錄之盛心不可以負有戰國策地名考二十卷遂寫粗畢矣德威斬焉衰經不敢躬詣明日將浼宗人鎮北先生持正於阮公同人既集鎮北持書來公披繹久之歎曰疵類有未滌者然既博且精矣聞尚無副墨本余雖欲爲審訂未忍遽攜持去屬鎮北還於其孤且謂曰諸君其急爲校讐使無遺恨余雖老幸及爲覆眎而弁言以行胡拙明禹貢雖指全謝山地理志稽疑後此其盛業矣並其它著作當成大集司農其可以不朽烏乎京師才士之藪魁儒碩生究樸學能文

章者輻湊鱗比日至有聞至於網羅六藝貫串百家又巍然有聲名位業使天下士歸之如星戴斗如水赴海在於今日惟儀徵及司農兩公而已然儀徵以文章經術受

三朝殊遇敷歷封圻入躋宰輔儒生勲績彪炳人寰司農繼先公蘭翹學士後兩世入直

書房督學典試頻膺使命

嚮用甫殷迄未足以行其志儀徵公所著研經室集十三經校勘記等書手付剞劂又刻宋本十三經注疏皇清經解諸巨冊普惠天下學者司農則詩文各種既

未寫定即此二十卷成書亦未知付梨何日儀徵公久得末疾日有歸志承學之士謂京師中儒林祭酒繼儀徵者惟司農乃司農年不中壽偶櫻涇疾遽歸道山儀徵公年踰七旬神明不衰且勤勤焉檢其遺書流連而太息之噫資秉之異學術之大精神意量包涵斟酌之閑且遠司農視儀徵亦幾如驂之靳矣信屈殊勢豐吝殊形脩短異數如是其不相侔也豈非天哉豈非天哉儀徵少年通籍蚤負隆譽由乾隆至道光六十年間海內覃經講學之儒皆其先後所師友或其門下士或其再傳弟子司農之起後二十餘年乾隆時老師宿儒未

及見者已多矣然基久處京師所及交若劉丈申甫潘
丈少白陳丈碩士陳秋舫龔璉人魏默深陳碩甫江鐵
君徐廉峯管異之陳東之徐君青鄭浣香俞理初羅茗
香汪孟慈陳頌南張彥惟許印林張石州沈子敦黃蓉
石諸君大抵皆兩公所識習而矜賞者也基自為弟子
員出司農之門及成進士改庶常儀徵公實為館師兩
公居相鄰基與璉人孟慈頌南諸君過從游侍鞅跡輒
相屬今司農已矣儀徵既告歸邗上文選一樓如靈光
魯殿因念基所及交諸君者前後數十輩或既逝且老
其尚未至於此者或浮沈郎署或留滯公車或汎濫江
湖如有著述早付殺青天時人事茫茫汗汗知誰為後
死當檢其遺書者哉讀斯圖不禁為吾師雪涕向天深
悲之而復幸之也道州門人何紹基謹記

程春海先生集序

嘉慶九年先生年二十來鄉試江寧始相見讀其詠史詩若干首先君子呼曾亮曰汝見程公子詩乎渠長汝者一歲耳及道光十一年先生來主講鍾山書院相見益親夜過其邢氏寓園月出園中竹石如沐池光盪人面坐水檻中盡讀其所作於別後者而幼聞得名以黃蝶詩及前見者俱不復存矣是時總督陶文毅公政寬簡民吏樂逸多興復湖山寺觀而葆益舟觀察尤好爲主人泛酒船至燕子磯飲絕壁下還過嘉善石壁訪梅花水夾蘿峯飯半山亭聽銅溝水聲循定林寺古道歸

以為常先生及曾亮數人皆其座中客也復至京師為先生戶部屬官遇我一如其舊山館野寺未嘗不偕偶召賓未嘗不與也有所作必見示時命同作然嘗十不副一而先生則於詞無所窮其稱情輔意足以射聲叩景如高貴者無所志而不就也丁酉夏忽見語曰吾庭中樹鴉數百夜噪而飛拔巢去此何祥也未幾而病呼余與訣余雖悲猶以為倘不至若是後十餘日竟卒自先生去江寧其同游者任階平王竹嶼汪均之皆已死而觀察亦歸殯京師鞏駙馬之墓側先生往哭甚哀及余與徐蓮峯哭先生去哭觀察時未三四年今蓮峯又

亦久死先生之卒已十年矣悲夫戶部尚書祁公以其孫幼孤遺集或散佚屬張石州大令編而校之曾亮不可無一言綴於末也先生平居無時去書其學實事求是而能創獲新義阮相國何子貞編修及石州已詳言之故惟述少長離合南北游處之歡以見略勢分而篤古誼如先生者殆不可多見以誌吾哀至所作深博雄偉讀者當自得之非言詞所能贊也雖然先生之異乎流俗者豈獨其詩文哉人嘗屬曾亮以事而匿其情漫為請於先生覆書曰吾子而有是言豈某生平有不見信於深友者乎不然則子受給也其行已情深而義方

雖他事類如此傳曰直諒多聞古之益友又曰夫惟大
雅卓爾不羣先生殆無愧斯言夫殆無愧斯言夫道光
二十六年六月上元梅曾亮撰

誥授榮祿大夫戶部右侍郎兼管錢法堂事務春海程
公墓志銘

儀徵阮元撰

壽陽祁寓藻書

公諱恩澤字雲芬號春海程氏東晉時有爲新安太守
者居篁墩又遷歙南代有隱德曾祖筠祖步矩郡生員
父昌期乾隆庚子進士第三人及第上書房行走翰
林院侍講學士母項氏總兵穆木女公幼穎異毀齒經
傳皆成誦尤好讀古書遇疑意必考問釋然而後快鄉
先達曹文敏公金輔之先生皆語學士曰此子逾冠所

學不可量矣乾隆六十年學士卒於山東學政任公甫
十一歲哀毀力學及長補學生員益博綜經史從外祖
學騎射能挽強弓最後乃從凌仲子先生遊及其間奧
先生曰天人並至博而能精將來所成者大也嘉慶甲
子鄉試中式舉居京師益勤於學天算地志六書訓
詁金石皆精究之辛未會試中式 殿試二甲改翰林
院庶吉士散館授編修道光元年
命在南書房行走

召諭曰汝父蘭勣先生品學朕昔年最敬汝之聲名朕
亦皆知宜更守素行今戶部侍郎祁公寓藻同

召見親聆

聖訓出語同朝皆榮之旋奉

敕校刻 養正書屋集是年充四川正主考二年補春
坊中允校刻

御製詩文初集三年放貴州學政補翰林院侍講轉侍
讀五年補春坊右庶子冬補侍講學士次年調湖南學
政回京

詔充春秋左傳纂修官補國子監祭酒九年項太夫人
卒丁憂歸歛十一年起服入京仍在 南書房行走十
二年以候補祭酒未與考差

特放廣東正主考十二月

命在上書房行走課惠親王學王敬禮師傅出于至誠講學爲詩古文書法皆日有進甚相益

上與王論公爲人有和而不同之日十三年

超擢內閣學士兼禮部侍郎冬充文淵閣直閣事十四年

授工部右侍郎兼管錢法堂十五年會試知貢舉調戶部右侍郎管錢法堂充 殿試讀卷官閏六月

諭程恩澤部務較繁著無庸在上書房行走十六年復充 殿試讀卷官十七年充

經筵講官夏受暑醫逾月病愈深遽以七月二十九日卒明日遺疏入

上嗟嘆悼惜久之

諭曰程恩澤由翰林洊升卿貳前在南書房上書房行走有年人甚謹飭辨理部務克盡厥職近因感受暑濕賞假調理方冀速就痊愈益資委任茲聞溘逝殊堪軫惜伊子程德威著加恩賞給舉人服闋後准其一體會試公學識超於時俗六藝九流皆好學深思心知其意本工篆法益熟精漢許氏文字之學官貴州學政時與布政司吳榮光勸士民育粟蠶其利大行於民又重刻

岳珂五經以訓士及奉

詔刻春秋左氏傳與祁公共議推本賈服不專守杜氏一家之學平日好士說士技若已有典試廣東期取實學之士知曾釗之名必欲得之釗久丁憂公不知也書榜大失望然所得佳士亦甚多出闈後與學海堂學長吳蘭修等遊白雲山名士會者數十人有蒲澗賞秋之圖所著述惟國策地名考二十卷已寫定本其餘多未成書實不自料其遽折詩文雄深博雅稿亦盈篋其孤方治喪待錄成卷帙就有學者擇之當成佳集公又多藏書宋元以來子史雜錄博覽強記金石書畫亦多考

訂苟有叩者必舉以應元入京與公居相近尚有暇相講習元偶校毛詩有椒其馨椒字訛本是馥字其訛久在六朝罕可相語者持以示公公獨深會其意謂詩莛芬孝祀韓詩作馥芬孝祀馥字毛韓兩見形聲不謬於六書爲加一證公又謂近人治算由九章以通四元可謂發明絕學而儀器則罕有傳者乃與鄭君復光有修復古儀器之約又嘗深究開元占經謂道光十五年木火同度當有火災人驗其言而躓之吉地案發因水之故曹文正問公古有之乎公曰水齧王季墓見棺之前和呂覽載其事所撰國策地名考如謂孟津在河北非

今孟津縣亦非古河陽縣蒲反非舜都乃衛蒲邑以嘗
入秦仍歸故謂之蒲反諸條皆確不可易公之歿也年
僅五十有三朝野皆悼惜之金夫人以道光元年卒二
年繼娶劉夫人孫一名新寵公於元例稱門人且仲子
先生爲吾友學術相契因爲之志銘曰公之爲人和而
不同厓岸內峻德氣外冲兩世 內廷在位靖共聲名
品學守之惟公公學之大啟於凌氏約禮博文實事求
是研究經義及於子史即以其學望之於士嗚呼天命
限公不祿

帝諭飾終

賞延世篤遺書未定集之可讀我鐫此銘永貞宰木

程侍郎遺集初編卷一



歙程恩澤春海著

杻賦并序



激懷園會筍齋後土阜有嘉樹三居者過者皆罔識其名予初亦嘗焉繼綜其華實枝葉審諦之定為北山之杻按杻兩見詩一見周禮一見爾雅屢見山海經詩毛傳云杻櫨也即用爾雅文疏云葉似杏而尖白色皮正赤按木皮少正赤者恐是子正赤之訛為木多曲少直枝葉茂好二月中葉疏華如棟而細蕊正白正名曰萬歲或謂之牛筋或謂之憶材可為弓弩幹也郭注雅云柎棣細葉材中車

輞關西呼柎子一名土樞其注山海經從同同說文作

槽 別有憶

三輔黃圖曰枌詣晉宮闕名曰萬年樹 太平御覽

同皆柎也而本草經及李氏綱目不載豈以其非藥味

歟廣雅埤雅爾雅翼亦不載審此柎非難識之物自三代以來書屢見則無古今之異西都南都皆賦之則無南北之殊然自宋以後著錄漸少豈非顯隱有時人與物忽不相值耶遂作賦曰

有物於此蔭於堂背其枝羽喬而句其榮釵析以碎曼理文身若錯繪綺而被繪畫也子有稜而方一裹一縣四核一房生青纍纍孰赤煌煌將零坼苞若蓋重囊臣

愚不識敢詢圃場或僂言於側曰此夫藟侶棟而素纖者歟葉侶杏而益纖者歟萬歲之名聞者頌者所意悅者歟共汲之山華林之園枌詣之宮周秦漢以來所具瞻者歟或採車輞致遠而利往或奠弓幹揚武而捍患有虬其條琅然振風有倩其景月宵瓏瓏曹一世而眇知則不相尋於斧釜外多曲而委蛇棍剛柔而積中願託根於魁父之邱思指名之洵洵故夫梓以為羣棟以為爻樞以為偶聞諸北山樵者之口夫是之謂柎也

南邨耦耕圖賦 并序

鄧子湘皋與其兄子振顯鵬齊名友愛至篤子振不欲

其弟爲知縣畫聽雨圖以寄蓋取坡公慎勿苦戀高官
職詩意湘皋亦作耦耕圖以見志乃爲賦之其詞曰
客飢阻以旅餐兮干通侯而東南
晷汚萊而不歸兮又
較道乎長安資媿髡而索納兮
選髡徒而阻之思孟晉
以迨羣兮或差誰而取之出即
脫乎簿尉兮又奚棄乎
令長視已事以志墨兮定物遂
而民向文豹欲潔其羽
毛兮宣鶴亦厲其高響安能以
身之察察兮試紫水之
滄泱惆悵而私自憐兮委銀艾
若泥塗吾將老於耕墾
兮吾將息乎詩書矧吾仲之清
羸兮託長鏡以爲命考
豐年之瓦盆兮有倡于而無和
聽天屬既畀予有兄兮

獨奈何其舍旃前曜靈已虛擲
兮後俄景其益遄累別
緒而成疾兮况家紛之仇離予
不從仲以歌舞兮仲日
邁其難支朝三圭而夕萬鍾兮
予不以易此耽樂也丹
吾轂而覆公餗兮予又安知其
以市惡也莽無垠兮天
宇倏鴛鴦兮來下仲有書兮促
歸感淮雨兮資之許圖
蒼茫兮雨浪浪書不盡言兮圖
之詳季發緘以嘔噓兮
探予心而鑄辭緬舊盟於合鋤
兮夢已接乎東菑乞丹
青以抒懷兮聚伯亞於冷風之
圻仲發緘亦當嘔噓兮
胡與予心若相期系曰季才俊
兮迺慎進兮仲知命兮
季益信兮返井通兮耦兩翁兮
在南邨之宮兮

六義賦居一賦

以宣德抒情炳焉三代為韻

賦者鋪也鋪采摛文體理聯翩詩有六義二以賦詮不歌而頌釋之於元宴古詩之流解之於孟堅登高九能得其一歷樞五際含其全慮質言之無文故儷色以相宣其在姚唐之世覆燾明德頌聲並作皋夔在側無風可采無雅可飭無以比星雲無以興作息取懷而與賦之彌力固有太師六詩是序篇之異體貴乎綱文之異辭主乎緒宣聖合之延陵未能分張逸敏之通德莫能舉紀其篇什得詩人之制度導其性情悟詩人之機杼總四始而兼包恒意悅而情抒且夫方類擬心若拒若

迎環譬託諷橫生側生興隱於比故述傳正其名比隱於賦故諸篇揭其精莫多於賦附物以切情莫顯於賦抗辭以揚聲如彼絢采喜素功之獨成如彼合樂許黃宮之特鳴附庸於詩拓疆以逞濫觴於騷導源以永其心也包宇宙而恢宏其質也譬龍虎而彪炳荀況蔚為詞宗禮智於焉似續宋玉乖乎麗則風釣幾於斥屏研京與都主文以譎諫薦雄似如陳誼而猛省是故存周後之十家刪秦雜之九篇圭陰七子之骨江左六朝之研其間方聞之士綴學之賢稔歷太沖之十讀過桓譚之千謝莞爾而雕蟲工形似而削鳶必其思風言泉悉

無邪之旨禽族草區補多識之編求之古人蓋亦罕焉
故夫賦之激勸百而諷一賦之源牽兩而掣三必比類
以興物斯言腴而味醇罕譬倫品之繁則命意也銳託
志風雲之會則屬思也潭美德容於三頌紀王化於二
南大雅之音不吳不教小雅之音如怨如悵樂心在周
得詞伯而可誦香草在楚合童蒙而共探緯以纂組飾
以鉛黛貫以明珠節以雜佩結想涉於義文託體尊於
恒岱既上薄而下該遂承流而津逮博趣於申公魯齊
探妙於韓嬰外內稽之周室攷之漢代是則擷六義之
精而傳其美愛者也

律中夾鍾賦

天杓攜卯氣自卯出三微始卯陽達陰室自下上上氣
迺選律明堂爇朗鉤房密栗天發其聲神洩其吉受以
夾鍾能事乃畢蒼帝行德儀彼青鳳環顧四隙殊未通
洞黃宮既萌旅牙既衆奏地達物其奈凝凍承以夾鍾
微氣胥貢灰飛神穀卯氣之中圓銅范乾橋衡倒插五
一而生四九而乏以數準氣氣入我法緹室度几囿於
个夾位卯豈卯隨應而洽高高大火地歆天欲時乃種
莢菜荅享甲祀天之宮冠以夾鍾尊王首春其聲逢逢
靈府好生如天之容藩決不羸速於蟄龍周長夷則時

雨既雨羽乃生角二間攸度羽既動角甘澍如注木艸
以茂歲乃大穫是謂星德佐助宣布八舉三政一時畢
賦惟春之中水火更故瞻雲預知曰十宮數

弓調而後求勅賦

以士愿慤而後
求智能為韻

緬睽威之始作仰南弧而得指情性秉諸柘櫛血氣資
乎觚兕合之以九七五之規服之以上中下之士既輕
迅而慄悍恒紆角而戾理良工憫之披曲導獸匡軫以
正淵畏不頓定大園於三尺引千鈞於一寸內通犀以
樹質外荆蘄以積健穹然可藏昭然可獻勅出於調命
中以愿考之弓人厥惟成憲則有赤黑揚聲之榦青白

豐末之角筋小簡而能伸漆大和而無澇朱昔之膠既
陳水凍之絲亦濯蓄粟條其斲擊纏約侔乎疏數材美
巧合含貞抱慤被絃春和奠體冬朔故夫一石之榦擐
物以垂加以戴牛二石而奇被以剗獸三石不辭燥濕
既平究應相隨若柝斲之不均與過劑其安危則將措
其角而憺其筋恒有力而反而若夫蹙剗之材激矢以
走體激而句獨至無取橋無贏以致遠引無傷以洞厚
榦再液方敵角之疆筋三侔方正榦之揉若逆撓而終
紕與負弦而掣肘則雖薄其激而長其淵勢欲前而轉
後九和之弓剛柔是求弓亦不剛手亦不柔臂與簫違

而菱解盡其絳指與肥合而側骨極其適宜其動若霆
驚靜若蛇修故若月圓張若水流昔有采翹秦岱之阿
三觀陰陽而後竭其智放矢西霜之山飲羽石梁而後
謀其利此其人皆藝成於道精留於器始於搏園終於
猛鷲蹲金甲而皆穿豈鐵室之可避故觀於繁弱鉅黍
必竹秘之所鉅蘭薰雪白必忠信之所增儒者佩弦與
韋如木從繩修身弓以自警射已鵠而上升合四時於
六材收百行於九能是故以弓求之古之王弧以射求
之古之蠶蠅以士求之豈非古之顏曾哉

月中桂賦

以月裏仙人
親手植為韻

桂花氤氳滿天闕東海聞香西海沒誰家露苑生好風
一夕珊珊入明月月既沈兮又起桂長生兮不死刻瑤
葉兮樛枝綴黃花兮赤裏宛虹雙楯闌白昉兩階配銀
蟾抱綺根元兔銜瓊蕊葉葉枝枝自相覆花南花北皆
秋水惜素娥於昔年渺乘鸞而上仙安二八之水輪張
四五之明弭有金如粟有玉如煙有子如珠有露如泉
悵春妍之莫當倚秋樹而自憐秋芳不及春仙子可如
人韃弱才勝腕枝卑慣等身濃熏含鳳喙柔苔結鯉鱗
影婆娑以互締陰宵窅而相親昔聞夜夜碧輪滿今見
朝朝瓊樹新霓羽宮商月中有豔錦翻林舞垂手羗獨

立兮高寒若有人兮寡偶錯金翠兮藏明翦雲霞兮入
牖頌日月圓兮月仄桂蒼蒼兮不改色桂苑兮桂枯月
娟娟兮去雕飾人間習見桂花黃都道天邊桂花黑孤
芳冷豔持贈誰多謝靈修日灌植

金蓮花燭賦

令孤子直當大中之時爲承旨之職翰林殊寵承旨尤
貴是時三內皆置院然宏孝以後恒御大明之宮則內
相之居必在銀臺之門矣蓮燭乍徹院吏咸驚美矣哉
後世若晁文元蘇子瞻者庶幾昉焉懿夫玉李全低桂
波初浸銀獸虛嚴金徒轉沈帝梧黜以雲布宮槐炕以

森蔭荃宰刺閨之時蘭宵視草之任斯時九微龍暝三
條鳳沁中涓無蠟紙之燒詞客罷鐙檠之吟則有寶炬
華蓮出自絳霄清禁灼象口以吹虹絳金衣而赤中肪
凝素豹玉削青蟲丹蕉外捲綠桂心通珍麩淬粉哆葉
承銅帶芍藥以腰黃倒芙蓉而掌紅夜永則房房墜露
天高則朵朵消風名曰嶽井之蓮是謂燧林之燭長明
豹尾之前雙倚螭頭之曲秉紫袖以歲鞋照青蒲而藻
綉枝枝聯鳳咏之珠寸寸警雞鳴之玉天上齊傳人間
忽引驚霆碾路飛龍接軫誅蕩閭開紆迴齋盡未聞清
蹕祇傳天敕四照璣圓當懷月吳擎出大明之南平看

宣政之北斜通史館之旁暗度宏文之側省中之池鳳
將棲門下之臺鸞已息乞聞蘭火之芬驚見秀華之飭
始知文昌與帝座聯暉太乙共長庚齊色於是彩樹轉
珠珊鞭鞞鞞扉雙啟院鈴才動梁燕猜明宮鸞警夢
影過花迷陰移柳送暑暖冰融博虛響眾門意蕊之晨
板耿鏤窗之務閒怯丹蛾之春瘦憐火鳳之宵還注虬
膏而灑灑雜蜚液以漵漵香屑玉皇之案寶裝才子之
山莫不殊飛細碎花拆連環銀黃兩豔荷紫雙頰碧落
則星榆白白紅牆則錦樹斑斑爾迺寶燄干霄餘光掣
電宮香在衣清露如霞燭龍迴檣木之標金雀轉觚稜

之面歷歷聞鐘沈沈閉院翦雨當窗刻詩臨硯想地炬
之盛儀偉火城之隆眷何時東壁之餘明來自南薰之
別殿

雪夜入蔡州賦

以相公新破
蔡州回為韻

蔡爲唐心膂之疾距東都六百里而強與鎮州曹鄴兩
節度地遠而勢相望其土曠而堅其民悍而伉其用羸
子之軍其據縣壺之壯自希烈訖元濟三十年于茲官
軍未嘗抵城下而與抗一旦愬來愬來逞胸中之甲仗
攻之于九地之下九天之上疏其山河子弟而喫休
其降將始則奪文成度興橋銜枚篝火諸將請所向繼

則東行六十里至張柴秣蓐而供張七十里至栗渚裂
裘而裹纊軍中知有常侍幾不知諸鎮與丞相矣于是
飲飛肉飛具迺梯衝亂起鴨鷺雜以雨風大雪若席揣
封太空銀虬踏波倒歎玉虹組練千百若茶若蓬三軍
之首盡白萬里之燧不紅士曰李公撫我若春融不知
有冰稜而轉覺絮蒙是不在蔡人意計之中方將酣酒
覆貂行賞錄功常侍伊何胡然入我宮方倚董重質爲
長城而一羽之書一言之諾遂解甲而來同諸鎮有勇
有怯有杜有攻方觀望巨鼃張孛設置豈知龍伯遠蹠
已釣之于滄溟之東兵刃不殷帥鼓未聲獲其元戎易

于撥麴宜傳石梁之箭宜挂扶桑之弓宜藏太室之名
宜繪陵煙之棠而夫已氏曰是役也裴公不出督師則
諸將不濟汲水之津不去中監則諸將無鬥志而甲卒
怒噴不用韓宏爲坐鎮則王李二帥角鬚鬚而齒斷斷
烏公李公國之純臣五代七伐一甄兩甄銀盃誓師鞞
刀告身李文通拔鐵山殷城齧光州之脣李道古出穆
陵之關克申州而薄重圍是皆戰有前死之名鋒有無
窮之新坐褫虎豹之皮飛截龍虬之鱗彼李愬者雖成
大功而實因人解之者曰客固未揣夫兵家形家之言
也夫秦州者尚鬥難制韓地伊大爰有却波之沃鵠歌

之作棠谿之銳龍泉之砥激水帶洄曲之阻信陽枕三
關而臥申之以桎梏之險加之以熊羆之佐是故築沱
口之城善戰如光顏而幾爲之挫入申州之郭奮武如
道古而莫或之破蔡人一呼羣虺相和先聲之來賁育
胥愾然而李常侍者以一旅之師奪萬夫之旆得秀琳
得李祐而後扼張柴之宮斷洄曲斷朗山而後拒如林
之脅恃其威信義勇激厲萃會故翹關超距之倫置死
地而後生各騰驤而沛艾斯時昏昏在中旣旣在外兩
不相聞皆不知何地何年而定強蔡嗟乎平淮西者度
之謀也入蔡州者愬之籌也愬不得度無以分洄曲之

憂度不得愬無以操采入之矛昔阿童之渡江尚表異
于石頭矧陰平之出奇實士載之鑿幽嘉常侍之良圖
謂公侯其好仇故前史之文涑水之筆皆大書李愬之
入蔡州若昌黎之製碑寫平淮之壯猷固當首舉裴公
者定過劉蕭規第一房謀最優然且詳述愬功諸將罕
傳若夫磨日月之寶光置雕蟲之末流則騰于彼婦之
口轉致貽文昌之羞是不善讀韓碑者之爲之也若持
此以誇愬功是何異行人之得牛故觀其沈幾英斷飛
行化裁效韋虎之讓功異廉頗之牙欵士之歸也若父
若兄軍之捷也如霆如雷爰金甲而拜尊負弩矢而趨

陪使蔡人知上下之分登裴公于上將之臺回思敗朗
山而不憂勝吳房而不摧雪虐風饕地素天皚不戮一
人不翦一材卒能唾手探九成績而回是日也趨場屯
谿子之眾獨柳待藁街之魁晴旭卷旂常之巔長劔劃
激汝之洄蔡之人壺士一城皇之人簞膠萬杯皆以手
加額而言曰蒼生待命三十年矣今始見李常侍之來

羅浮蝶賦

借刻黃玉衡

博羅之南羅浮之山合沓迤邐嵌岑嶄品錦石萃其隈
玉水流其間雲葉振其衣螺翠結其鬟爰有仙闕飛宇
瑤局瓊窟赤花如日碧花如月靈姬花胚柔植花骨是

生異胥惟山之厥爾乃非孔非翠非綺非組珠壓玉垂
之腰銀泥金錯之羽六銖鳳子之衣十色鴛雛之杼翦
絲則冰條忽豔濯錦則江波如舞斂立若隻張舉若雙
帶後綺交須前玉樅疊紫脂印重齡粉腔宿露不禁受
風欲降出花兮熒熒入花兮冥冥乍合隊兮童童忽孤
翥兮星星則有羊城麗姬龍戶珠人函以白藤之潔飼
以黃葵之新承以綠瓊之鉤覆以霧綃之中任因依于
中闈絕慕思于比鄰至若嶺嶠間關飄零阻難悵淮南
之木落怯越北之春寒桂無金而螽死桐謝鳳而香殘
遂乃纏綿夜脫殼穀朝看惆悵繡幙匝匝雕闌懼娶倪

之竿木避蟬娟之綺紈弄文采之輝輝觸羅網之漫漫
與羈人而蓬轉共秋女而淚彈然而雄雌一去意感千
里御風而行抱香而止幻罔兩以作身遇雲將而成體
終適虛于夢中不委蛻于籠底當紅棉之開日值素柰
之發時入枕柳之舊苑過蟻螻之新埤喜仙衣之乍被
之所如伊誰得而羈之

槃圓盂方賦

以天施地生其
益死方為韻

散館一等三名

伊荀況之警道言符應之自然既疊矩以重規亦體方
而鏡圓其樞在水遂漸被乎垓埏其解在水遂充溢乎

地天若以為君者器也以有定準無定而宙合范其全
民者水也以順行入紆行而真宰斡其旋惟槃盂之賦
形固象坤而法乾原夫古皇之制作也先陶旋之搏埴
後雕幾之措施以金為質而寒暑燥溼不改其節以玉
為理而圭稜肉好各得其宜品儕于魯壺紀甌珍比于
龍勺雞彝其大用則申盟敵以昭盛典其小用則捧盥
櫛以昭少儀惟此器之抱式必思所以實之乃有人焉
辨端倪于造化營生成于天地知夫圓徑一而周三方
徑一而市四方者取以立制圓者取以行智日月炳乎
空親上者圓而神井疆畫於野親下者方其義圓顯方

趾各受中以全生圓冠方屨亦取物而爲類惟遇器而
尚象斯規爲而不易且夫水之爲物也地六以成一
以生方以擴其流圓以劑其平其圓也以鯁淵麋澤爲
槃而輪旋載轉盡其勢其方也以壺口龍門爲孟而矩
句磬折滙其盈是則水本具方圓之性而不擇鉅細以
俱程故觀其井華始溢汲綆初垂滿還盜爾情則瀏其
去孤孱與和較正逆防與華離抵玉于山而流還方記
沈珠于淵而源向圓隨既不決于西東乃咸遂其經畫
或捧器而盪清亦挈瓶而傾白方以比行既如璋而如
圭圓以觀德亦如琮而如璧彼宥坐者取諸歆而盈缶

者利用益昔者湯聖日濟則文其辭武成踐阼則垂刀
謨惟沐浴于醴粹斯福應而咎死民之歸也如激箭之
躍金壺民之止也若流丸之抵甌甗故能渾鑿柄于環
橐握大中于斗樞惟上之行既蘖曲而括正斯下之應
若獻爵而酬觚我

皇上理符心架道協謨觴仰
聖政之彌隆知

聖學之日光登斯民于軌則咸歸極于康莊時圓而圓
時方而方夫乃知不器者道之體從善者性之常將比
戶而可封亦表其受範之良而已也

河以榮光賦

以題為韻
借刻趙光祿

陶唐氏天珍在握地脈通和有龍銜甲有鳳巢阿當丹
陵之紀瑞正黃水之盈科引度懷陰潤物被無涯之澤
求年進福導川賡有翳之歌布青幕于三壇雲將展敬
湛朱絲之二鼓海若恬波身帳初臨盼龍門之截薛彤
車未渡望砥柱以差幾翠氣摩天已送如萍之日金塵
糝地全收如帶之河依然紉縵之華昭昭旦復遠矣淵
涓之勢浩浩星羅爾其色煥五章氣成三霽揚舲未極
蕭索輪囷弭節而歸滂沱滴赤螭跋舞餐餘建木之
霞蒼兕沉浮呼出樽桑之日佇想珠宮貝闕幻瀛女以

成樓依稀翠葆金支逐馮夷而鼓瑟受芝泥與玉牘綠
圖輝委宛之編沈元貉與黃狐丹采耀支祁之室溜盤
九曲藏寶霧於句陳飪建三門散靈氛于太乙夾岸折
琉璃之燈壺口濤回連峯浮菡萏之花華山掌出其源
也索昆侖于雪嶺考積石于金城賀卜比星辰之燦巴
顏揭日月而行阿拉坦有黃金之號噶達素有北極之
名指白海以如瓜望氣者徑三百里觀紫山而似玦占
休者度一千程彼泐澤之重源潛流電激及于闐之二
派積潦沙鳴由蔥嶺以抵牢蘭之海自驪軒而至鄯善
之營考屯田于元鳳年間功成灌溉稽古瀆于白龍堆

外力任縱橫惟觀濶之有術斯遇聖而先清訪天瓢之
舊脈紀帝室之新榮其委也南馬津而改陸北徒駭而
乘漳一綫注胎簪之派屢遷非碣石之陽獻策已踰乎
賈讓程勛遠邁乎許商息竹箭于淇園有雲敷碧靜桃
花于瓠子無漲飛黃集福宣房既鱗恬而鳥沐明裡斗
野更玉美而芟長觀夕照于青徐無邊脫咎望春風于
淮海不盡飛糧既安流而順軌旋建社而臚祥或徽徽
而溢目或爛爛而浮光接尾銀潢奪天孫之錦段歸墟
碧海混鼉伯之珠芒於是澄寶鏡而源真治金隄而委
具無設關沈鎖之防有挽索連檣之務西涵濛汜登壇

受亥既之珍東塞岫鏡擊汰入庚靈之渡

聖天子紺蓋修虔元圭錫祚禹甸澄清堯雲布護抗八
眉而論德松梁騰赤岸之雲逢五老以呈圖棗野煥丹
霄之霧莫息壤之田疇罷吾山之草樹如川

帝壽願呈光被之書若礪侯封還獻河平之賦

一官一集賦

以詩名官職看雙好為韻
借刻趙光祿

簡穆之裔人工屬詞養也早慧賜於上墀景倩似矣仲
宣期之爰有勺約之賦閣齋之詩緜蠟鳳之舊采訂雌
霓之新知起家即署厯官度支霞上天而光艷珠出浦
而華滋步雲除而緩緩編蘭檢以遲遲普通大通之間

海寓甯清選樓飛蓋元圃吹笙擢為先馬之職幸著雕
龍之名東陽沈侯南鄰劉生悅輦共繡鏡琰同聲既遷
中書乃別昭明螭頭清秘鳳尾縱橫青鏤選管紫荷接
纓上觚稜而端牘入瑣闥而飛英依烏列屋銓曹一官
玉山朗澈水鏡高寒宵營虎爪晝領鷓翰庶子風流實
采華殫佐史寅恭墨館銅刊裁成錦段脫盡金丸臨海
非遙一麾往觀餐雲玉峴之表行藥楸溪之干烏歸林
而避影泉觸石而妨冠括蒼以南赤城以北吟老花紅
題多蘇黑人誦長官之詩身忘司牧之職既登少府來
歸王國尚書之臺地官是飭鈞稽水衡蓋藏庾億亦有

高吟不遑退食昔插羽於淵蛸實雕蟲而篆刻今曳履
於層霄更傾壺而灑墨斯人也使其沈淪草澤落寞林
巒悅志嵩少遊心涓磻一詠一觴一樵一竿則將連章
綴萑累帙紉蘭或襲烏衣之世蔭極蟬冕於台端九遷
而至八翼而搏年未荀美品踰謝安茂豐功於彝鼎收
盛名於琅玕則將汗牛腰而鬥富指鱗角以同看然而
時艱者意懣遇蹇者心降似鮎魚之上竹比螻螿之緣
椿既含香而粉署還染翰於松窗效蓬心於蒼岫專棠
雨於朱幢祇今寂寂春山沈沈暮江賸斯文之百卷撫
愁緒而盈腔舉生涯之瑣尾付韻語之瑄琰金貂兩兩

牙管雙雙愴神詞鬱望遠眸瞻豈欲耀才於東觀報最
于南邦哉故觀其紀集以官由齷逮老起武皇之天監
終簡文之大珣中間簪笏升沈衣裳顛倒鹿去蕉空鴻
歸葉掃出不過文翁治郡入不過孔光削草泛宦海之
鷗波炫文林之鳳藻風愈轉而愈高花再榮而再槁其
集伊珍其官肆好後有作者感其遇而思其人誦其文
而憐其抱可也

美人香草賦

以託物起興志潔行芳為韻
借刻趙光祿

泛楚水之沄沄度湘花之漠漠葉鄂渚而秋飛雁衡陽
而暝落斯時瑤瑟雙停荷舟兩泊雲外靈修山中杜若

怨王孫之未歸時不待兮隕穉惠嬋娟之冒來野萋萋
而何託乃有人焉飄搖彷彿揄長穀與蜚織耀諸于與
繡襦擬西尋夫宓妃怯消盤之澤波將南從夫有娥悵
玉筐之未拂彼緡綸之二姚又理弱而辭訕徂清夜兮
迢遙抱幽懷兮沈菀羌無意于蹇修聊寄情于庶物則
有紫蕙丹蓀青蘿白芷漚鬱淑郁紛溶綺靡紅壁沙版
之間翠翹曲瓊之底搏之為枕函結之為珮藥或葺蓋
於清波或紉裳於中沚呼龍象而耕烟喜芝田之脈起
衣乍染而三年履才霑而十里若乃時及熙春霏英未
定綿羽在樹晴絲橫徑哀重露以拖藍醮柔烟而弄龍

來此豸之吳姪召姬娟之楚媵柳梭含黛之眉梅貼勻
黃之頰水靜妝明風多步凝逐蝶緣隄尋釵俯磴貽椒
申視爾之思贈勺動將離之興羣宜笑而含睇藉芳菲
以通志思連臂以踏春願回車而拾翠何谷一叢何人
一穗葉葉緘情花花締媚疑金鳧之抱熏似么鳳之騫
翅常依垂燕之髻永襲驚鷺之帔及其微霜既零野燎
初蕪匪艾匪蕭誰采誰擷逐秋蒂之翻風共孤蓬之卷
雪見暮雀之戕莖任寒蛩之齧節偏近紅閨還依繡閣
朝憐梨厭面之稀夕覺脂山之缺鬢冉冉而懸絲粉星星
而減潔忽漫登樓相將掩鏡金甃苔生銀除水迸彼綠

轉而黃回懼芝蘭之改性此袖薄而天寒卻明珠之致
聘倚修竹而言愁指長松而比行空流盼於蘅蕪憶當
年之華盛君子觀於棲枯集菀之趣爭妍競寵之場將
棄蕉萃以招姬姜將進蘼蕪以退蛇牀收百和而盈室
畫雙蛾而鬥長託芙蓉以爲媒恐鷓鴣之不芳昔三閭
之賦詩心容與而相羊過氛氲兮上馳抱明月兮何嘗
折芳馨兮遺所思望美人兮天一方

應

制元夕觀鐙賦 并序

皇上御寓之三年乘震執規以順陽和大舉禮樂之盛

儀凡所以聯上下之意協臣民之慶莫不賅備而元夕
設鐙樹陳百戲焜燿於

禁禦得與觀者尤所榮幸小臣橐筆侍從銜

恩飲膏日浹月深茲復趨陪於圭組金紫之采延頸跂
踵快心眙目沃穆歡咳不知所云承

命受簡用賦斯事小文末學無以闡述惟就賓主問荅
之辭以張中外同樂隆平邛治之景象云爾謹拜手稽

首賦曰

擊壤老人曝榮而嬰撫塵而遊方春令節上元將娛乎
駢空之肆與冠蓋之州覩金支之華秀覽百戲之夥够

迺啟於青藜丈人曰恭聞

聖天子牟盧六合徵召五臚

新政新命照灼丹宸兵銷穀殖海鏡河軌民氣衍衍萬
方送喜於時青陽告辰鶴雲東行萃九寓之樂思以諧
乎陽伯大謠之樂聲東市有銀花之樹西市有金羊之
鐙南市有攢星之樓北市有結綺之棚火戲電礮飛爆
雷鷹拖鈎拔河尋橦走繩魚龍曼延雲霞蔚蒸爾乃明
月照夜助以白雪士女炫服錦車塗醴燦燭琳圃出入
金穴斲鬢黃髮踏歌弭節跡才踵乎閭巷心又馳乎觀
闕關竹肉而竟逐暹燭龍而中輟晶表木其遞耀鑒秋

毫而未徹故夫周處風士之記宗懷歲時之書綵山珠
幕之麗芳茂蒲桃之殊莫不窮瑰璋之極形通數宵而
畢臚子大夫照書之暇盍往觀乎青藜丈人乃盱衡而
荅曰上元然鐙權輿於太乙神祠僕相羊於叶藝倉果
掩層霄而上之嘗以上元之夕獨涉乎石渠天祿見長
樂之繁富殊人世之軌躅子徒眴轉於銅駝金市而未
攀躋夫馭娑宣曲也方今

聖天子坐乎璇題玉英之宮召翼宿使舉樂驅鷄噉而
命黎融盛羽衛之上儀聚五色而宣八風陽景西匿光
在鐙樹彩游表道繡罽雲布擊場空寬橫以柱柅於是

三河健兒脈勇氣怡嗔拳卞戲觚頂交頤乳贖鬥酣威
讜老羆秋千高踞竝歌齊俯人方角技彼且笑語樂聲
唼囉來自朱波佞童冶謠作態媿耍印度二八繡襦持
斧同工異曲俱解羽舞劉吃施努俛翻反據兩兩拍張
連臂若狙立駿馬於明駝教解數而跳踉走巨鯁而燕
輕試木熙而上翔紛字舞之陸離排絳紗而耀光班文
鴛以相顧列翡翠而重行爰乃暮靄彌望圓蟾欲湧列
炬娛夕析樞峻聳棍匝以方圓藏頃刻之奇花昂龍
首以領珠散雉尾而成霞神綠千純芝蓋九葩焯芙蓉
於掌中倒珊瑚而槎枒或粲粲若飛星或耀耀若金蛇

或累累若編珠或零零若翦紗或穆穆若落英或傑僂若繫瓜或闕戶而下虹或貫月而成槎綠管并舉細音穆羽間以鹽散節以鍾呂火鳳來下頰蚪對處既奮萃而成劇倏驚人以風雨列歎迅走如矢脫絃萬雷動地萬鏡飛天萬燧繞林萬燭照田赤埃之氣蒸於赤泉黝黝沈沈鬱為祥烟乃復珍臺別館華炬載更法駕移蹕丹天炳明虬膏瀾翻蜃液激清惟上穹之需雲隨所遇而象呈若僕所言十分而未得其一端目可治而口不能名也且夫有淳耀博大之德以出納夫火政而節宣其赫曦於是乎無灾燁之虞得改燧之宜陳

火戲之義蓋在斯也我

國家亶宇開拓伊古無偶於是乎具羌歌與蠻舞提鷄婁而曳鳳首示甌脫之雁臣俾奔走而恐後我

國家大武三曾人習擊刺於是乎寓兵機於蹙鞠程勇力而相試嘆干城之足用美綺帛而寵賜又況豐年穰穰紅粟盈倉

天子儉德素風捐珠犀而抵琳琅惟欲洽

文母之歡心乃怡豫而愷康澤四海以琴蕭錫臣鄰以篚筐於是乎值傳柑之嘉時進雷抃於臨光也青藜丈人陳說未畢擊壤老人乃翹首而頌曰侯其禕哉當堯

舜之時日明光華星辰爛陳亂縵卿雲或或鬪鬪持以
喻

禁苑之景光與不夜之良晨洵異代而同春也夸於市
人異見異聞相與娑娑乎九衢不知東方之既昕

山梔花圖賦

恩福堂師園中梔子花夏曠未放經秋涉冬花
盛繁師有句命澤同作因賦

雪姢姢兮六出
蘊藟支掩其嫵兮於山之隅其心孔齡
兮其房則孤苑兮斂兮夏冉冉兮兩架歎兮長顛頷兮
臍兮體兮蕊穠穠兮秋增枚兮冬茂菱兮唯有美之當

階與眾卉而異芬
塊獨得其清逸兮通疏伽之遠聞
犯巖威而弗瘵傷兮豈恃幕帟之輪囷
樹本既其厚兮雖飲際而彌新
諒不棄遺於君子兮惜堂堂之芳晨
際搖落而采擇兮懼醜謙之就湮
亂曰心同而面殊兮知臭味之無差
池詠風露而未央兮將貽夫子所思

程侍郎遺集初編卷二

詩

橡繭十詠

並序

黔郡州十三富郡二曰黎平曰遵義黎平以木遵
義以繭繭不以桑以橡然非勑於遵義人也乾隆
間守陳君實教之於是食繭利凡數十年春秋繭
成歌舞祠陳君如生道光三年冬澤試遵義旋過
橡林間風策策然葉鱗鱗然記所歷郡皆有橡不
以繭今過平越都勻土益沃宜橡因嘆曰處處有
橡處處可繭也富獨遵義乎過鎮遠見方伯吳荷

屋先生廉訪宋仁圃先生頒令甲勸民種橡詞懇
懇著街亭時夕陽爛如駐馬讀之過思南選校官
某鞞劄出則方伯廉訪督使巡上下游購橡子教
播種期三年成食繭利嗟乎居尊官親民爲謀百
世利思深哉可謂君子儒矣黔土瘠黔民勞勞無
所獲遂積廢不自振曉之曰利在某不信視某地
民遽然顧牆角畦稜有美蔭皆金錢其黠者慮利
與害俱且權之曉之曰有百世利無一日稅也則
又慮購繭器織具紛然貨未入先貸曉之曰如購
種法皆官爲夫民驕子弟也官慈父母也驕乃惰

慈乃罔以罔起惰惰乃勉皆可學而能也數歲利
必若遵義富甲西南維矣澤職在文字詠歌之可
乎分題十各繫四十言附長篇一則舊冬作也道
光四年秋九月上澣貴州督學使者程恩澤撰
種樹

橡隨在可植三年枝葉蔚可飼蠶飼後休一年
老則充薪炭新肆出仍飼蠶

種樹三年成三年莫嫌遲今日一九沉它日千鈞絲將
絲比薪炭何啻萬倍爲黃金在枝頭巧者能取之

嘗繭

以綫貫秋繭懸密室溫以火蛾出配乃孕不斷
火子易出

害繭如害花蛹臥小天裏不知春風來但覺臥欲起雄
雌皆蛾眉生子眇難視一朝能上高萬緒從此始

春放蠶

子既出承以椽枝葉於筐能自上即取枝葉縛
之樹

越孃急蠶食意欲親乳哺黔孃忘蠶功一任飽風露得
繭大於壺不顧越孃妬回頭笑嬾婦歌舞博紈素

秋放蠶

春繭就暖蛾自出配乃孕以絲兩頭繫兩蛾巨
椽樹間即育子著枝葉

秋蛾似胡蝶置之高樹巔一繩繫兩雌其情不相連出
殼葉漠漠裊絲頭娟娟當其未成時晝夜防未然

毆蠹

害蠹者鳥也蠹也春秋之晝須毆鳥秋夜須毆
蠹野蠹先於柘館故古有為蠹毆雀之官

鳥曰予口甘豈惜人之寒鳥栖蠹又來蠹乎良獨難畏
響毆以柝避形毆以竿持謝鳥與蠹竝生天地間

移枝

葉盡蠶未飽翦枝移之它毋驚蠶

葉葉微如絡蠶蠶饑不禁翦枝縛它枝移家綠雲深聲
若驟雨來蕭蕭風一林蠶孃未入山常懷已饑心

煮繭

繭成投熱湯入荻灰汁乃熟繅之蛹不能生也
或曰蛹混沌無知故昔人無揉蛹法

功成赴湯火幸在混沌時繭剛可使柔絲斷難重治水
凍渥以灰古法存於斯齊絜不十年越羅風淒其

上機

絲值蕙繭網值倍絲功成矣如績學然

絲值蕙繭值織成金滿屋燈火連晨星伊軋擾夜讀上
充公姥襦下翦兒女服衣即即不著願換來春穀

利無筭

稼可衣可食地寶也

稼粉可療饑稼斗可染阜老枝薪且炭新肆復蠶飽一
物備衣食地乃不愛寶黔富甲天下居者殊艸艸

永不稅

民趨利避害永不稅乃可與圖始

購種與教織瑣瑣皆官貨焉忍復征權如父謀其兒有
衣耀寒暑有金充棟楣土沃民轉勞民勞勞則思

橡繭歌

遵義野蠶成繭曰青桐繭不知於古為何樹也
癸未仲冬行部過長林間葉焦繭割矣掇其實
知為櫟斗櫟之子名橡孫炎云櫟似檇按櫟
與檇迥別不得以爾雅之檇繭當之因字曰橡
繭作橡繭歌

冬十一月來播州撲頭黃葉風颼颼是何嘉卉繁且稠
云此可婉桑之柔美蔭捲綠春油油彌山彌澤彌甌窶
不煩山奴玉斧修無事紅女青挂鈎葉以為箔枝為幃
結茆承種懸曲樛蠕蠕子子紛相蹂天教寢食得自由

自起自眠登樹頭暝日出曝雨則儂蝕厥新甲棄厥腐
神叢打鼓小姑求宛窳夫人跪樹歐願生脂鳳無生鳩
為歐花豹歐栗鷗竹柝行晝宵乃休何如彩幡長其旂
娟娟風露春復秋兩番割繭十倍收繭熟圓如金彈投
蛾飛大與胡蝶伴杼聲萬家絲萬抽蠶孃樂逸機孃愁
蠶功逸
絲功勞流黃縑素充畫樓可憐龍馬不上鞦蠶與馬同
宮蠶盛則

馬其地乃封千戶侯我來長林采其劉知其櫟斗其實
棊斗可染阜實可漫高士拾之狙公雷不材之木植十
牛卻顧材木翻色羞黔中土瘠民矐昧何不廣植上下
游計其贏羨裨先疇終歲乃無旱澇憂有暉其道夏暘

瘳有依其士絲衣紅積銖系寸成長裘衣被直徧西南

○北湖懷古

松桂林中讀書影忽乘天風北度嶺居柳乃見月三穀
聞道猿猴淚如綆謂陽山李伯康至呼以博張公子來
擁其頸北湖空闊雲破碎十萬秋荷覆春荇可憐壯齒
三十八照見平生已癯瘠時時縱酒助談謔往往篇章
出俄頃不知貶斥塞衢路謂王伍王但覺又魚滿笊箸
任文委瑣不足計夢得將至連州境欲向同僚告目見
颶風掀屋蠱聚血夢得之貶連州必過柳時公在柳小

人竊柄此當議大賢被逐何其猛豈真劉柳語有洩故

遣任文怒加昔公之貶陽山或以為議任文之奸而是

時朝宰半庸妄誰謂先生骨獨硬劉顛柳仆愧公直公

以直謹公則幸長懷柳戾赴資郎時子厚詎料劉郎過

蘇井論宮市與論苛斂當時外議殊不省公貶陽山或

或以為論苛斂大抵任要之公心比赤日千里墮地猶

耿耿彼婉孌者奮箕口使臺中評不得逞不獨李實苦

相厄更遭使家抑不請公赦歸猶待命於憑愚大笑居

士木乞雨來瞻女郎靚有山奇變水清瀉無乃天公界

以靜豈知它日更遠適瘴海昏昏一舟梗祇今湖水半

枯涸

湖當柳之北門外
孔道旁今化為田

遺竅猶傳在便屏

侍郎竅在今
永興縣永興

莽日

惜無專祠踞湖上我來眺古歲在丙炎風吹人不

可耐

快俯深澗酌秋冷曾侯指我已瀦匪

時會刺史
就孔道旁瀦

水引泉築
專祠其上

竝駕茆龍植桃杏公神如水無不在想見波

瀾與公永休談二佛九僊地恐公聞之駕以騁

○湘中兩番雪歌

乙酉臘作

前日送客湘江頭大窗西臨水陸洲嶽麓之雲浩然起
混茫東去一千里中有急雪萬銀鏃一一射入碧波底
斯時曉色青朦朧紅泥寺邊煙樹紅綵旗遙遙逐行客
歸鞍載得十雙璧昨宵寐中聞雨聲瓦溝歷亂跳珠鳴

明燈生暈鑪燄短漸覺寒柝蹒跚行北風撼圍園折竹
曉來晴絮覆華屋瘦桐小石無竒態我欲衝寒訪湘曲
短衰雙漿噤不發銅斗漁郎唱江淥年來戒飲無酒夢
卻喜墨池激不凍肥羔烹後暖雪茶陶黨無妨一筵共
荒齋土銍註爾雅錦閣貂襜醉文鳳人生何地不能樂
况乃千林散花松側聞西陸雪封山又聞黃河冰塞關
津吏蹇茨幾時歇將軍懸甲猶未擐老農既歡土膏沃
安得新晴遣春晝隆鑿鼓中春可憐階前已拆紅梅皴

次嚴麗生同年見贈元韻

楚甸風生軫春城斗轉杓青冥來一鶴丹桂舊同僚學

揜紛綸井文包邃雅姚霜天五劍立月蝟九霞燒異夢
通翰廖前身倚太霄長揚空百賦矮屋困三條冒擲封

侯筆翻吹乞食簫干戈淹蜀碧君旅蜀久曾見教匪之變風雨漱秦

貂易借將軍馬難求博士輶君平甘隱肆高朕許聯鑣

君曾在蜀中主講顧我餐岷芋無緣識孟椒占星當有劄焚硯

未逢苗子使蜀時與君未相遇俟爾博沙聚欣然奉檄招鹽車惜

騏驥瓦注辱盧臬玉骨嶙峋蠹仙髯颯爽飄蓋傾無待

熟盞煖即相邀話到夔門峻重懷石棧遙余入蜀出蜀皆由雲棧未

經三峽故從君問夔門之勝登堂拜尊宿時廉訪公就養驚代讀風謠首遇

揚雲俯情隨伯雪消清竒偏嫵媚高介轉和調游獵談

因管崑崙墮為超承明棄嚴助葉縣得王喬下走儕幽

介中年感舊要卷書頻旅館聽鼓儼僧寮客厭雙弓米

親馨數斗焦黔湘慚刻楮寒暑倦乘蹻遂枉珠璣餉如

看虎豹跳氣吞雲澤月聲帶海門潮君舟徒人欲覓彈冠友

先尋拔俗標引商難荅和眸柱歎微么

訂交詩贈鄧湘臬同年學博

同譜偶然耳對面不相識神交共千里何況几席側早

春造我闈秀眸映火色警詞接軟語握手出胸膈詩名

三十載山海溢殘墨頌倒公諸侯操卷面向北如何賦

窮鳥屢鍛垂天翼古有通榜法原以綱竒特使君不奏

續寸管孰華國誰知高蹈心兼不受吏職苟有田可墾
亦弗首菑食我聞師儒官以道以賢得士乃天下本學
用三代式此地里屈宋豈乏走籍湜徒以利祿誘詩禮
亦非賊壇宇倘能闢來者踵相涉我呼我友助俯仰愧
所植我友昌於道其道去華飭詩文道之餘實具龍象
力文得歐蘇正詩欲杜韓遍萬卷紛在眼萬卷付銷蝕
何必儼前古要自道悃悃我意從同三歎轉默默我別
我友後院鎖不踰闔心知四山外花鳥紅組織我得
我母書慈體康且直幸賴韓康藥共戴陽慶德且念遊
子出家人易惶惑頻款北堂曲告以頤養則傾蓋如白

首此事已堪勒矧更隆我母此意尤悱惻我將盟夫子
海枯石以泐讀君詩若書仰屋三歎息我步嚴子韻投
足畏荆棘君乃步我韻雲棧失其仄豈免過情譽恐是
相親亟曾否過嚴子風雨一鐙黑曾否語行客行客正
遙憶同心而離居後會宜愛嗇愛嗇君子交毋使流俗
測

○題湘皋哲兄雲渠茂才聽雨山房圖

有季有季阻京雒欲往從之足力弱鐙昏夜闌耿不寐
何當風苦雨又虐一家氤氳尚岑寂旅人傍徨何所託
遙知客去酒尊冷獨立空階數寒柝季抱雄心未甘老

思排青雲奮長鋤公車不錄趙元叔虛想承明備著作
州縣之役徒勞耳不圖人縛適自縛何如歸來翦明燭
臥誦新詩起行藥百年奄忽有時盡留此白首相盤錯
箕冠櫺具不復御收束黃鍾入趙鐸賤貧尚恃支離篋
富貴先愁紇干雀圖成寄季涕橫下季曰進止仲引卻
引卻季進豈仲願不能肥季使季削誰知季心遠相印
已揣仲志守且恪深憎軾輟隔雲水久慕沮溺耕荒莫
款門忽到天涯季一笑西疇未渝約長牀大被枕資眠
昨夜雨聲殊不惡

○張蓉裳學博三分水二分竹一分屋圖

芙蓉裳名家槩貧無立錫焉得此屋蓋畫其意所
欲也

洞庭之水吞具區瀟湘之竹天下無牽船岸上即為屋
安用綠窗朱戶誇妍都我來小舞揚其祛但覺福抑瓜
牛廬甃盆作池砌種竹何日一碧雲模餽湖南提學署極小頗
思長沙地清絕應有天上員莊居長沙省中竟無佳宅泮宮先生
古林逋宅不枕嶽當襟湖豈知身外無一壺虛想水竹
斜川蘇彈琴攫深醅則愉吟詩肩聳口則呿巖壑不置
謝幼輿乃使闌干首藉連庭蕪我欲謀之郡大夫為築
回軒容釣徒資邵之際多林於問有安樂行窩乎時蓉裳任

教諭小園深裏匿巾翠明鏡曲照離樓梧詩成琴罷酒

百觚風月與客爭清癯何時眼前突兀見此屋再繪宏

景移家圖否乃往叩浯溪吾寥天一鶴猶可呼

一鶴謂湘皋也

時僕與湘皋有卜居浯溪之想

丁亥春日作

綠蘿巖

玉人曉臨鏡縮作墮馬髻自顧一嫣然光照姊與姊名
流醉歌帽衣再飄風前書味盎胸中俯仰皆可憐茲山
勝以態千古向人拜不假草樹色濃秀發天黛回颺叩
其腹其響若鐘鼓其腹疑有月夜夜白如許桃花日暮
天祇愁化流煙安得棹魚舟守山長不眠

桃源詩

避秦入洞壑世世長子孫如何唐畫詩競指仙之人避
秦即避宋淵明寓言耳如何武陵客日尋壑口水或謂
錯築城投畚鍤者流或謂瞿拾棋曾與仙子遊漁父無
姓氏實以黃道真劉歆非晉人子驥豈前身持以問淵
明不足當一呖高臥北窗下請從羲皇說河湫至夸望
處處神仙家三度過洞戶今年逢桃花桃花爛若錦北
風猛如處一飯不可留耿耿憶前古

桃源偶作

調朱注黛寫煙鬟濃淚渲成石上斑亦有形同吳寸趾

可憐愁煞豆青山

玉源三豎倚丹霞賺得純郎啖落花幸有南軒玉簫在
不教陳跡拾胡麻

粟里柴桑豈足耕翻然欲作洞天行偽書不顧淵明唾
太守漁郎補姓名

陶公不似謝公顛遮莫來尋洞口煙一樣桃花兩番雨
永初而後太元前

澹巖

左揖元道州右揖柳柳侯茲巖者不得兩先生姓字留
得無草木含泣泉石羞兩先生者不得茲巖遊得無神

物悶惜慳其求幾幾二詩老山谷引出千詩鑿山綠我
尋黃九到石屋雙戶訝然差遞而折旋如入暗室薶蒼
煙忽規天光大其圓若啟巨壑側以懸人自壑中規見
天壑口齒齒藤薶牽亦有鳥道容攀緣壑坐臥人百數
千迤其北西幽且偏其勢總與天光聯磊磊落落方圓
返正凸凹百石友各帶詩痕刻星斗但能飲墨便嫵媚
况乃苔青蘚赤風駁雨蝕朽可憐嘉祐迄今日蕪絕前
賢在深黜或者沒字碑中雜元柳後檢不得遂謂兩先
生文未曾有是時春雲鬱沈沈老龍抱珠潛太陰卻覘
黑暗有若泉迸出深竅蟄雷雷亦為之暗冷飈襲衣毛

髮直輭土承屨肌肉活當年曾宿避秦客客去乃爲二
蟒宅蟒亦仙仙不畱蛻吁嗟乎人在甕中若醢雞詩在
石上如鴻泥興來撞石空谷自響答十萬軍聲鳴鼓聲
何人結廬託幽邃道是嚴晨暄燠盛夏舍清淒散仙有
福啖鍾乳旅客亦愛騎青霓昨宵欲來雨未決卻恐馴
狐笑人拙瀟水淡淡橫古愁中有照見元戾柳戾一輪
月

浯溪詩

絕壁照字江清妍影落波底字寫天有臺託之風翩翩
有尊貯酒當客前其壁拒客不可顛卻負曲徑能折旋

不覺攀尊睇沈淵人影字影蒼茫連與臺遠對又臺肩
是曰唐亭秀娟娟萬綠裏之隨江偏迤南招提矗青瑤
有水襟寺橋則穿是曰浯溪聲潺湲色若碧玉刻佩璫
亭寺夾橋高下懸臺北寺南雙壓邊中若堂若廡若船
率聚怪石相牽纏人在畫屏據几筵石無定相隨其緣
左才半之右復全玲瓏瘦皺殊可憐樹爲石偪樹以攀
虎豹擎攫蛟龍捲就中壽樟不計年放雲收雲司其權
雲染樹綠飛溼棉石亦透骨莓苔滿古路可踏溪可沿
繚繞往復心纏繚有盡藏如無盡焉乃知林壑規以圓
面面不同如面然忘其跬步越陌阡若鳥在林魚在川

掩映別有亭三椽尋其故基仍古先壁字最著中興鐫
臺亭溪以玉筋聯友讓得宅留紅箋持正論文出真詮
此外黃米俱騰騫此外柳記殊怪祆此外碎金兼斷璇
上極絕頂下江壖一舉手皆可蠟擅石無完膚石不慙
石言若曰何爻爻卻別蓬藁搜蝸涎大有逸字藴蒼煙
炯如三五離次躔如蛇螭斷謝蜿蜒文人好名思久傳
不計陵谷恒倒顛百千萬年年以還賸有幾字留其堅
人跡不到疑鬼僊豈知一一皆前賢客告余曰盍舍旃
請就茆厂烹清泉共話漫即心志專羣書當戶石鏡便
害馬已去世事捐蕭然雲月同醉眠况乃道州馨粥饘

父母何在在我塵其風如薰道如弦故宜俎豆常吉蠲
百世相感我停鞭華星一珠吟一篇斟酒祝公公叩舷
何必故山方買田但恐策許囊無錢

○春寒

電光灼冰冰欲熱疾雷驅下五更雪奇寒中膚布衾鐵
馬毛蝟縮馬蹄折石魚山頭曉風起漣水波紋蹙成綺
只道冷雲無好春誰知開落半山李行人猶披青鼠裘
居人擁壚酒新芻可憐十日不見日白晝然鐙坐漆室

○洗筆池懷褚中令

宸妃欲閉回心院英國空謀陛下家若聽知幾強諫獠

何須議草上官麻龍鬃豔后貪天醉鵬臆孤臣感日斜
雙管東風萬行淚灑來都作墨池花

鳥語

短竹卑叢錯雜鳴曉窗不顧睡人驚但能悅耳斯爲快
豈料呼春別有情繡闥渠儂兒女語畫船風日管弦聲
若教邂逅陀龍聽石闕深銜過一生

望壺頭山有懷伏波將軍

下澤車款段馬春紅初齊綠初亞征人臨鏡照水田中
有壺頭山影圓壺頭去天才一握聞道靈蛇大如屋三
千年來素帕首想見蒼黎當日哭秀眉將軍真神人牀

下不荅梁伯孫名言誠子反賈禍苾蕙滿載徒埋冤將
軍徑充嫌運遠翻以賈胡遭詬譴將軍主戰不主綏欲
洗劉武威喪師當時二耿亦相厄以後叔庠偏畫竒吁
嗟乎臨軒已覺將軍老何況讒言塞直道英雄莫叩囊
底智百戰終當付秋草將軍稔謀豈不知羞逐少游游
閒兒生不願雲臺畫功狗死不願淳酒婦人手病倒疆
場裏馬革一笑臣挂南斗君不見溪州銅柱森峩峩我
異代銘勛宗伏波梁松柰我昭靈何

嘲北風

澧州道中作

西北峒雲頑且頽怒風驅之黑縱橫包裹億萬石花雪

欲填洞庭使之平老龍羣飛抗而爭半空使風如使兵
屋瓦亂掀如紙輕屑屑珠玉灑灑墜窗破帷裂連五更
曉來一白山崢嶸餘怒在樹猶長鳴倘一夜力埋谷坑
得不馬仆行人驚呼童婦砌僅寸許不滿力士三茶鐺
乃知蜚廉妄庸耳虛作倒海傾山聲嗚呼虛作倒海傾
山聲孰雄孰雌徒其名

澧州

北枕涪與澧南帶澧若道澧涪澧道四經流名維西亂源匯直絡
復橫繞東則江沱注三派曲相抱孤城面面水浮動兀
一島當其夏秋漲東下海瀨澹洞庭九州大徧吸亦難

飽四水得所向若子趨厥媪豈料江沱至神力龍夭矯
四水能弗鬪遇之竟弱小况值圩堰阻青青馥其稻築
捍各競峻屹屹對厥堡水怒不可洩水徑益以宵一怒
復再怒森然出鱗爪齧隄更齧郭其勢便欲沼莫恃丈
良制文良制石為之以分澧漲及我西東棗西東護城隄棗隄皆防四水潰者不與
水爭地何患馮媯勦苟與水爭地盪決等振槁城垣儻
不守田禾亦奚保且聞上游寒沙礫挾木草深渠化淺
覓春泥壅秋潦若使下游暢一白湖天曉今夏四水溢
奔赴疾如鳥飄風帥猛雨夜半助其狡隄泐頽然缺城
危業欲倒老少相踐踏壯者據木杪倚堞手可盥俯堞

膽先掉咫尺即溟渤千里一浩渺雷砰大塊碎鯨喙萬
夫撓幸賴使君力不棄一瓠實止其溺人笑授以黃襪
襪稍稍就安戢一一出流殍萬手指圩堰恨不仆其表
人指天亦怒頃刻大波掃官私園齊開水乃得洩六晝夜水退相
與卜平燥當夫昏墊際悔不疏濬早及夫灑澹後晏坐
食新麪所望賢通侯高踞雙目瞭此利彼必害灼見析
豪秒俾城作鐵室治水去毀擣圩堰可決決黎赤仍不
擾彼有兩黃鵠野富六穰藁即看雪霰集林邑便已浩
下走樂無事濡筆紀豐兆詩成九澧側凍日紅杲杲
大風渡澧水滿天雪意

郭外朔風殊跋扈田閒輭水亦春撞寒煙一雨便沈屋
落葉萬鴉同渡江倦骨入冬翻覺健雄心當酒未全降
馬頭莫惜征衫溼看取年豐雪打窗

贈王大令香杜兼呈鄧湘皋學博

銜卹未得歸墨經行且朽色養未能遂盼斷倚閭母勁
風從西至人獸盡東首幅抑孝子心孤館一鐙久孝子
固良吏慎受慎所授不揣污蟻意乃致讒謗口今豈必
直道弗媚衆即詒况復工爲文世道例獲咎

文章至今日積弱不可強稟賦益以薄風骨何其尪必
有扛鼎力美醜斯可商不乃吹死灰折蔓驅跛牂君筆

鐵鹿盧八角森鋒鏃能績人怒嬉與龍拏烏鷄先秦兩
漢閒其氣宏且剛上取縱得中不失韓柳行誰謂宛轉
絲能敵百鍊鋼

直竹中箭竒羽鏃益厥殺健筆入無閒萬卷成厥大才
識生於學學生於不懈文始須放縱繼乃戒捷快渾渾
其源來江海一蒂芥上明周孔道下與出處對固耻傍
門戶亦必絀佻怪此事出天性悠悠古今會與子行將
別請俟異日話

東海何洋洋子懷鼉賈才安可便廢置尚有黃金臺名
山多餒魂焚溺恣魚灰窮達戀薄祿萬一親顏開得志

行吾學百折不可回否上萬言書長嘯歸去來

斯文吾道閒清切惟畏友與若已者處譬鏡寫我醜吾
拜先生筆欲作每箱口吾拜鄧子詩握管輒棘手前有
大敵在角逐慎其衄脂澤哀駘姿冀冑孟姬首子今去
長沙誰濯我背垢急歸招鄧子促席連邠酉各有名譽
心偃仰看南斗

題孝女張淑先籲天煮藥圖

讀破岐黃書不如揣病情父寒父熱女則明投熱毋投
寒女一議出父乃生代死古所難天公怯其旨血疏上
奏女竟死篋有楚餘草草未出時父病已嗚呼使曹娥

聞之得不先逐婆娑神緹縈贖父書僅以春藁聞嗚呼
淑先女叔先雄豈前身

賀湘皋移居

欲將安樂行窩築其柰茆龍葺不新湘皋寓敝齋屋宇甚陋造膝
喜當交讓樹窺垣時見一方人君下榻敝齋相得甚歡又精醫術時與老親診
視炎歊卻掃同高戶風雪移居又買鄰遮莫張羅官署
冷尚嫌熏灼庾公塵

不由旬地接書堂家貨遷來有底忙祇許琴尊環白醉

漫勞車馬識青楊寄貲已自煩裴冕謂康大中丞假以僦屋貲賃廡

終須對盃光明春眷屬同來料得玉潭新講舍早梅無限待詩

香

歲暮雜感次前韻簡湘皋

眼底茫茫風雨集天涯草草歲華新居州未必工齊語
莊鳥徒勞感越人肯為分金儕北郭屢因撲棗戒東鄰
年來飲徧沅湘水依舊菜蕪甑滿塵

豈有天花落講堂談經習業為誰忙曾披椒檄求芳草
要屏箏琶聽折楊殘客儀形忘謝諫故人風味類思光

謂湘皋青焚鐙火宜相對領略齋廚晝粥香

湘皋以歲暮書感詩見示獎詡過情因疊前韻答之

齋居見說清於水風雪初闌物候新卅載無羶堪坐客

連宵聽雨定懷人謂湘皋之君如蔣詡開荒徑我為東

坡署德鄰坡公有德試杜席門歌瓦枕喧喧多少馬蹄

塵

問奇載酒叩書堂信有磨人子墨忙盡道有才過屈宋

劇憐競爽得王楊謂礪萬金良藥蘇沈痼一割鉛刀愧

步光我自蕭齋拜詩佛夜寒親試玉麈香

詠史仍疊前韻

粟轉梯山連歲腐蝨生甲冑幾回新定知頷頷稱飛將

不是恂恂一鄙人爰劔竄身翻蔽炎涿鞮突網轉驕鄰

若教孤兔輕鷹犬誰掃輪臺徼外塵

出奇休恃陣堂堂銀鷓虛奔底事忙未見兩髀皆脫肉

卻疑左肘屢生楊老謀已竭哥舒翰將種新除斛律光

料得祁連無雪阻西風萬里戰袍香

湘皋見示移居後連日大雪之作即次其韻

風屑稽灰勢未殫臥聞冰箸墮珊珊舉盃欲共天酣醉

命駕光愁海浩漫人逐王恭初著氍毹詩踰東野不言寒

誰知妥竈蘇蘭役別有青腰玉女官謂新納

醉司命日作復用前韻

筒裏錢刀日益殫尚思明酒恣盤珊黃羊亦是尋常饌

郭禪原非耳目官信有日明何可煬不因人熱乃能寒
糟糲抹後朝真去祇恐風多雪復漫

雪後嫩晴倒疊前韻

銀蚪掉尾避蒼官尚作春來數日寒此土已戕旁不冑
岳州今歲多蝗此番我師猶戍折羅漫老梅姪姹歌香
雪後當無遺種矣玉小竹翳髻綴女珊欲趁新晴挈游榼卻愁泥滑馬蘭
殫

追題黃丈東井五老圖應其嗣君支山屬

二老踞亭倚檻話二老藉苜書作界坐石一老風骨最
是漢循吏次公輩朗徹其裏碩厥外讀書成誦瀉水快

為政禽賊不用械不撫所仕塞其兌歸來息園解冠佩

遂與四皓成古會花竹瀟灑地幽隘往往談讌出光怪

二江夏黃侍而介一進酒一杖而艾

支山侍旁持杖杖頭挂艾

四賓

色怡一主對各有真意各天籟紛紛偃倭戀冠蓋鐘鳴
漏盡不知退聞先生風得無悔先生父行我所戴杖而
艾者我所拜老成典型吁可喟試看流星入昴內

題闕畫師嵐觀潮圖

字震山

兩龍伯操繫海練勢自東走飛入西萬雷裂雲萬牛吼
聲自地腹穿天臍况當月皎冬霽震浪花白壓銀河低
喝月月倒行吞月月無影素車白馬欲到未到際但覺

橫空一鏡當頭冷清輝直射雪山透怒流曲卷圓珠騁
其下島岸秋毫見其上星斗動搖頃我曾邂逅錢唐潮
聞道海昌尤怒驕君在海昌觀潮因作是圖歸來仰屋畫不得谷分
屋吟徒喧囂畫水有聲况畫潮天意特遣張僧繇先生
笈裏有龕楮八月枚乘拜其下

闕畫師嵐我與我周旋行樂圖

我未晤雲山不知其人視其友圖中畫乾嘉間名流所作我已讀其
畫即今誰是宋元手我識雲山壯時面火色高頤目如
電才名卅載載食無肉聞道龍鍾鬢垂練自照已非當日
顏彩筆尚轟金琅玕即今誰是宋元手我與我外殊無

偶

乘迅流賀逆風

乘流快意下風又助其駛曾否窺落滌無亦觸坎止風
水力一悟雙槽戛不已三老詛風伯不計上瀨彼上瀨
爭尺寸帆纜互相倚依然背篙叫手繭足交舐風性至
無定旦暮不可恃水萬折必東吾亦欲東耳好山常俯
仰倦鳥同臥起况聞報郵籤日已行百里

沈栗仲同年宰郵縣以弦歌化之邑能鼓雅琴者
四十餘戶其治可想以詩贈之

一夫弦歌千室鳴古有單父東武城三代以還無此聲

此聲能使王侯貞閒暇無事修太平化我鷓鴣哺所生
雲秋之水北入洙上有神父秉周禮攬深醪愉萬事理
偶欲登高臨淶水諸生十百希厥旨路人咸詫問所以
指絲桐曰命之矣茆厂夜月彈流泉杼聲書聲相糾纏
稍涉北鄙便自愧何況洙泗斷斷焉邦君憑軒賡古篇
邦人和之如衆僊趣拜炎陵求練弦翦其青牛剉雙角
夔襄薦技班陸鑄君曾取炎陵梓作琴神農大笑投赭鞭此調不
傳數千年恨君不識袁孝尼恨我不識元魯山于焉于
曲已徧誦廣陵妙散胡可慳不成章我亦不作但欲博
我高堂歡時欲就君學琴進觀君藝何編爛能詩畫書奕劔丸

所可測者器數間不可測者海波瀾廿年同舉今甫面
冰雪同清鐵同鍊悖悖琴德美可眷君山豈受宣平薦
五技都窮臥花縣何當密友羅曲宴三疊胎仙舞深院
座中那有鍾子期祇恐軒輶側冠弁

郴州五蓋山至峻屹其巔有峯益高戴龍湫湫下
坎產石若端溪柳人取而礪不知硯材也刺史曾
君鈺識而寶之以為勝端溪下巖丁亥秋余在長
沙忽一夕夢造刺史室室盡硯邀賞之遂懷一去
覺而寓書於刺史以為笑時絕不知有得硯事也
刺史荅書述果得硯故且詫我夢我亦自詫其臘

小除刺史餉硯二啟視之皆夢中所見也刺史有
詩作此奉酬

五蓋齒齒齧霄漢上猶有峯安可窮其峯碑兀戴神漢
云是雷電龍所宮潛源一綫穴南澗靈液饋餽蒸雲紅
雲乾液枯漸可割化作百萬圭璋琮何人欲斲不敢斲
斧鑿落處飛晴虹尺寸偶挂使君眼云此實與端溪同
試琢平坦著子墨其色黝黝花叢叢能飲陳思八斗血
能了潘谷三年春左右驚瞻詫瓌璋使君荷畝親相從
使君能文善隸古以石為友書為農故因華妙聞帝所
冊以即墨諸侯封况復俎豆韓張李得不誠感昌黎公

時正澹北湖建韓文公祠
而以張員外李使君配食報以文玩助文藻濡染柳筆

傾湘東卻怪遲錦與江管無乃夢幻空其空而我以夢
詣君所自堂徂室窺簾櫳畫屏棊几發竒怪是何物者
光熊熊如肌肉活怯指按如煙霧凝愁風攻紫者膩墨
比刮竹青者摧墨儕撥麴一廬之內臥礫砢有似馬磨
環其躬我懷其一拜君去彷彿度嶽聞清鐘覺來挑鐙
索席扈依舊敗瓦敬詩筒乃修魚素博君哂君荅有鹿
藏隍中我欲順途詠其事君乃錦帕雙其蒙繩開匣啟
爛然出與夢所見無殊蹤急剡井華過一斗不暇作字
專磨礧麴香漚鬱衫袖駭一笑殘歲崢嶸終轉憐硯不

入君鑿女以搗練男銛鋒有若偉士遁荒隘頭白志拙
無遭逢即今走馬望五蓋欲詣君室偏匆匆何妨昔昔
夢爲僕手把椎斫披蒙茸并擬撰銘五千首一一劖徧
仙芙蓉大呼石超爾何在曷亦拜倒曾南豐其顯峯有石超道人題千雷萬電等語

忠孝女沈將軍歌

獻賊殺人若薙草長沙以南無完堡避賊鋒者走且僵
諸統制師皆女郎守備獨以孤軍當孝女沈至緒殄賊過半
身乃戕身戕其骨爲賊得孝女哭父淚盡血刀如青霜
馬如雪白甲白旗白袴褶一隊銀龍翻虎穴賊見孝女

疑飛神弓不暇彎弓矛不謹但覺仆如木偶人多羅棉手
劍鋒利左鋌右鋌恣我意帳中萬賊俱伏地忠臣骨在
孝女肩歸來一慟雲黯天環障士卒誓死守忠臣屍與
州城全獻賊不敢窺其藩孝女志與州城堅詔褒嬋媛
晉遊府十六芳齡帥貌虎五嶺以外聞其鼓鼓聲忽死
麾不揚天涯熱血埋干將夫亦戰死爲國殤孝女夫賈萬策
逐父去魂洋洋妾感身世何蒼涼脫我綠沈之甲還君
王雞斯徒跣奔故鄉青鐙萬卷聲琅琅殺賊手說經口
宣文女徒環座右花時不作兒女夢夢見鸞孤射天狗
滄桑一變無何有只此能忠能孝能節奇女子女雲臺

上三不朽况復文能傳經武戡亂俯盡天下雄才首君
不見明璫繡帔麻灘祠異代猶作勤王思嗚呼孝女何
其奇

書劉母田太宜人事應觀亭司馬之請

太宜人姓田氏雄縣巨族女公子父宦伊涼侍杖履芳
年玉映蘭閨裏孝經內則常在手更尋列女到彤史喜
觀相人書喜覽聿斯經喜繙靈蘭祕典冊喜講司空城
旦刑學成一笑凌青雲百家古有義成君斯時劉大令
正宰古浪縣宓子琴絲忽中斷誰歟來續鴛鴦綫太宜
人歸甫卻扇即能撫前夫人子如已兒憐其羸弱不可

支趣為納婦似續斯兒薄祿相孫含飴大令政成殞厥
命官衙鴉散雪霜迸嗟哉太宜人血涕掩鸞鏡以一手
持大厦傾以一手扶掖襁行提孤挈嬰愁避兵突風吹
到刀槩聲萬賊據險不可爭急卷雪衣投柳營兒羸兒
弱竟以哀毀死可憐兩楷父若子卻顧牂柯尚千里有
姪廷模遭諸途涕交頤下紅模翎姪已遴選不入都願
送阿姆還鄉閭便卜窀穸藏王鳧興吾宗者廷模乎奈
何欲以閒冗出乃搜賻布括珠瑟遂以貲領大尹秩廷
模迎養楚水濱太宜人笑花縣春太宜人歎廷模詢其
諸官事失厥倫太宜人曰爾治爾邑無冤民我歎我親

未叩首我生未履易之阜此生得照易水否到時族黨
知何有阿誰能似聊曼母廷模一朝報最北入京板輿
遂過雄之城太君不識東平塋忽遇田父僕而耕問之
指點說宰樹再拜祠下感霜露父老歎息子弟驚乃屬
子弟往迎雙玉棺由都下以窆易干嗚呼田氏有孝女
劉氏有賢母相夫治劇久訓姪治譜守使夫有孫繼厥
後使姪佩印大如斗使親得瘞故山左今紛紛拜太宜
人者皆廷模之友乃問吉嘉問凶醜云能貫穿李常容
包括鳴雌負我正告諸君曰問太宜人當以大節先求
之古豪賢恐無多讓焉

道光辛巳夏秋予兩過東湖高芾堂前輩適守鳳
翔爲東道主丙戌戊子之夏予兩試衡州芾堂
觀察是邦兩招飲於湘蒸之滸撫今追昔匆匆
八年矣賦以志感

東湖之水碧且黝君投其盃石螭吼蒸湘之水弟若兄
君柱其笏紅亭明坡翁一別韓子逐可惜熊魚不雙矣
爾來王佐頌邦君已見文章開講舍不惹自守慈母訓
興祖一任妻孥訐觀察署中無眷屬然夏非夏秋非秋屢以雀
躍從君遊憶昔醉我岐下月鳳凰耳畔嗚啾啾君歸我
臥兩寂寞明日蹀躞周原頭豈料共飲蒸湘流手拂石

鼓維扁舟十日閉置作新婦一朝泮散如風鷗驂驛八
 載幾彈指我鬢其面君髯矣各有高堂皆髮白苦無二
 頃供甘旨公侯衮衮君其徒曾讀城旦司空書我似鴟
 夸託屬車未免瓠落慙江湖前年酌我紅亭側竹樹團
 團裏筵碧今復期我衡之屏想見九疊環亭青有岳屏
小飲之
招尚未
赴也何時再訪璜溪釣只合出門西向笑璜溪屬
鳳翔

○贈譚鐵簫太守光祐

譚侯貴公子慷慨多大節朱門少年日開口怨離別袖
 中五色管盛夏集冰雪翩翩因科第前輩盡傾折投筆
 未四十才名動

宮闕家門骨肉苦朋友遇合缺舟車竄風雨肝膽變胡
 越仰天吐偉句真氣偃溟渤其來無首尾其去彌盪滴
 其勁若引滿其曲若蟠屈只留青蒼色不受脂粉抹藏
 園避其鋒子山拜其律謂吳蘭
雪舍獨於西江社旆以杜韓
 幟看花席尊酒射虎挾箭筈一篇偶飛出傳誦已嘖嘖
 或招金閨彥或入玉人瑟譽滿侯不怡危坐求古昔公
 卿塞閭巷無路取簪黻竟騎將軍馬殺賊草羽檄功成
 薄受賞踏遍蜀山兀眾水在指掌環混不能溢可書便
 可繪談笑江漢決侯著有四川水
道源流簡明說爾來向南楚美政不
 勝說封侯已遲暮况乃未騰達前席求異才賢詰爭擢

拔得權功乃大詎豔秉麾鉞我昔使益部晤侯摩訶側

忽忽六閱載聞聲每傾結行却見資邵兩江會而激辛巳

秋遇侯於四川試院頃按衙官到屈宋流汗愧且蹶旁

午必劇談露曉與銜夕侯氣清而夸侯論雅以質渾忘

古劔銳但覺大圭潔英雄固名士兒女亦仙佛侯有英雄兒女

圖我懷湖海志共此一腔熱喜聞忠孝語力埽迂懦轍

讀侯卷未盡起舞更叫絕想當歌哭際吹裂六州鐵侯

有吹簫乞食圖作者不經意聞者輒嗚咽即今好風日花發水

清澈春風貫簫孔山勢屹詩骨茅亭踐蘭約洗耳聽竒

突金石雷逸響蛟龍起深窟蒼茫千萬感爛漫二三月

題李海峒太守海上釣鼈圖 丁亥

朔風初繫歸客槎占有大星來軫車乍覲面乃等疇昔

便喚滄洲老龍伯肌髮光細僊之人飲我白湯如飲醇

舟年循政浹瀦水能化巨盜作順予何況鄭兒開門孤

所到盡以家公呼情慤德滿意款款溢為文儒白玉管

吐辭淵雅天所授東郭順子人意消曾從絕險造平澹

山嶽壁壘不可撼釣竿撐突天地躋瀦東以至蒼梧西

君自浙來永州與任公子瀦水以東蒼梧以西之說相應五千之轄一鉤月鼈上不

上山砮矧誰知六六齊點頭蓄以盃水以芥舟才雄志

大類若此眼中詎有任公子

前席晝夜求軼才使君握電驅風雷一日九遷無喜色
一息六月豈太息况復水清山古幽友猗玕子友柳侯
虎符龍節果來逼袖中放出奠柱力何時海上三神山
十丈珊瑚紅一竿希有鳥拂大鵬翮笑倒君家釣鼈客

太白有大鵬
遇希有鳥賦

題陳西侯問津圖三首

問渡從來不繫船誰教越客此停鞭江潭柳色春如許
棖觸名場二十年

賦罷娥隅漫自猜驂騑道路劃然開劇憐驚座通侯氣
元是微雲女壻才

西侯為吳山
尊先生壻

錦作蓬萊玉作京蟠仙指處最分明定知馬穩春山闊
不向青苔仄徑行

山行看花三首

桃花冷雨春濛濛和以溼雲從以風馬蹄汨汨踏泉脈
山翁掩戶笑行客一叢穠李出竹枝玉顏翠袖天人姿
綠章今日達帝所孟婆前日已含怒

山花開落風雨司瓶花開落自主持瓶花無根不可活
山花落盡行復發有開無落花之心不風不雨花不禁
但名為花總須落請看長松臥深壑
顏巖絕巘花因依斷橋僻徑糝素緋不受豪家畫檻貯

不上玉人雙鬢去如雲如海搖東風日暮可憐誰與目
鶯穿蝶抱皆知已况是攜尊賞落蕊

辰龍關

我曾徧踏黔蜀山辰龍卑卑不足數祇緣峽立四壁鐵
天割不綫不可補萬里風來洒客面帶溼之雲黔之雨
沅南羣峯盡縮轂夸望亂源繞門戶即看鐵星陷石白
嗟哉逆藩此最怒頻年自恃雄關閉豈料閒道通貔虎
高崖細溪左右出更抄清捷背張弩賊進喪膽退失據
黔滇自此摧燿斧名山自昔多窟穴如蜂窠簇如齒齠
淮陰曾拔井陘幟武惠亦避劍門阻傳云在德不在險

天竈凶門誰敢侮何况辰龍瑣瑣耳以逆犯順盜憎主
春山卉木紅連屋晴日鷓鴣啼到午馬蹄人影自來去
前村正打催花鼓

仙人房仙人劍詩

斧劖壁立窺江傾上戴棟柱樓梧撐仙不世居此間營
自人視之斧箸盛仙或視之華屋盈了無風雨飄搖驚
兩崖對拆數椽橫眠一長劍丹青明後其臘鋒前其莖
莖首有眊銳而輕大匱轟轟舟庚庚既置家貨復貯兵
仙人無乃恒人情當年有路通客行或石未泐壁則平
或水勢高凌崢嶸嶒偶簇朽木得氣精人則爲之似天成

向後路斷不可耕空際遂裏煙雲生衝風琅琅木葉鳴
猿猱仰羨鳶若鯢今宵天開月則清其諸彷彿來鶴笙
我欲一假干將擊卻恐吹鼻啞無聲

題鄧子與詩卷應湘皋屬

字逸詩清人磊落蒼茫一頓至今畱能吟誰識連文鳳
感舊偏悲釋貫休子與明遺逸其詩事去劫灰餘冷淚
時來寶月入冥搜先生有志肩文獻無限沈珠待網求

泌溪垂釣圖為歐陽同年題名信

信之父竹庵先生孝養其母嗜魚因釣以供
饌母歿後惟祭一釣也其詰嗣信出此圖索詩

五侯之鯖五鼎養不若負米急朝餉魚監之魚取諸宮
不若隱君青竹竿素鬢既割薑桂馥老親一笑捫其腹
溪水迴曲溪風妍又送噉聲來耳邊岸中以晴笠以雨
過者疑巖復疑呂枯魚銜索一朝殂鼯跡漸掃落痕蕪
偶因薦新理芳粒旁有季蘭助其泣謂公配何孺人至今溪流
玉潺潺想見道顏清而閒冰下老魚慎勿觸曾飽當日
仁人粟

詠史

劉尚師全覆陳湯老據鞍有書招贊普無劍斬樓蘭
輓粟談何易懸軍古所難微聞漢恩厚將相已彈冠

大龍驛雙桂軒

我今五渡漸江水愛此雙桂幽且妍漸水在三十鋪好花一度未曾見明月三十七回圓山僧行脚過萬里館人白頭已廿年往來數數殊自愧忠言奇謀奚在焉

再題龍陽驛館

寒日未曛曠亭光已向東煙馳大地白霜瀟半天紅帆布支提抄人家菜把中欲招圖畫手破曉坐微風

橋曲四五折花增千百群使君能頌橘過客正書裙董大

令阿即在園讀書綠厚園逾古茶香鳥共聞登高知政理耕織

日紛紛

呂麗堂太守射虎圖 戊子

民奔呼山有虎朝暮食三人一媪一齷一婦女民奔呼太守呻虎胡為哉噉我赤子如噉豚糾我眾礪我矢虎來虎來爾必死虎不負岫乃走墻得無政感神所相虎就誅殛訴無狀白羽洞背直達吭虎魂零星虎膽喪殺虎如鼠歸來歌太守之勇于廣何恤其被齧吊其室太守之仁與均敵斯時擺極黃雲平腰賺夜獲無恐驚害除民樂設社酒招邀健兒飲一斗

小谷黃丈善繪事言湘山之綠勝江南因賦此

柔風東來小波舞夕陽睡起湘之滸但覺蕉梧繞窗戶

不道羣山碧如許近山茸茸如裹煙遠山楚楚混遠天
小橋叢薄幽折入竒石老樹周遭圓誰與畫此山嬋娟
癡黃大呼山來前廿年夢裏盡蒼翠要與造物爭天然
六朝雲氣滿行篋片片墮入西巖楫憑將十萬好螺黛
染取百幅羅裙褶春歸嫩晴殊可人米家几研若爲新
祝君畫取詩中意消得柳侯一綠字

題黃小谷畫

楚楚丹黃壓樹鮮疏籬落帶花妍緯蕭亦有江干屋
吹破西風已十年

杏花絕絕柳柔柔屋角春禽促駕牛縱不有秋聊自樂

絕勝辛苦覓封侯

蒲圻道中

鐵纜雙縻巨艦排馬蹄浩浩走風雷蒲山勢倒沙羨俯
修水源從下雋來萬頃稻肥秋雨缺三更雞睡大星催
蒼茫憶古空搔首不見東吳右部才

灑湖

距漢口鎮十里有湖馬滙灑水及江支流阻塞
孔道約四十里許春夏間非舟不能渡秋盡冬
來則成坦途矣

排空萬櫂舞漣漪無限斑駁駝駝玉羈人道秋田恃甘井

天教夏潦作湯池商量更鑿梁山灤反復誰歌鴻却陂
時有廢湖卻愛遠村開夕照柳行如屋竹如籬
為田之說

有感

濃朱厚黛損天真况復蹒跚強效顰但倚市門都辦此
何須絕世浣紗人
連宵珠彩貫晴秋月在東南第一樓喫諾離朱皆不得
卻教象罔漫相求

黃陂道中

南司州地才經過平楚蒼然四望陰金氣西來風跋扈
早雲東積火燔燭忍看龜兆千尋圻不乞龍鬣一滴深

我亦鋤犁能把者苦無千頃換黃金

武勝關

昔慕直轅天下險今驅羸馬踏雲來了無磴道千盤峻
但覺回颺萬壑哀淮漢背流收亂水申黃自古鬥雄才
果然談笑能擒賊合向牛醫耐一枯
黃叔度擒司馬龍
故事見天祿閣外

史

西平道中

刺促成何事差池不可齊功名上蔡犬歲月汝南雞種
種憐秋鬢紛紛憫夏畦誰歎佩霜劍淬礪向棠谿
臨穎道中

日暮途歧已自憐何堪猛雨助憂煎潦翻一馬行將斃
風殺雙燈不可然羹飯無緣瓢欲棄衾稠何處榻空懸
楊朱失路渾如此忍誦駢夫四牡篇

潁川書感

漢潁川郡今許州也

潁川黃與太邱陳怪底精靈感召神庭廡時時下鸞鳳
盃盤草草聚星辰豈無北舍來鳩雀亦有東行說異人
畢竟傳疑即傳信薰然明德藹如春

曉熱

山形入莽蒼秋旭向昏黃露稻通宵重風荷隔塢香心
疲成漫嬾語癖漸疏狂試問勞勞者曾思枕簟涼

過新鄭喜晤家益堂大令

德增

相逢韋杜鶯花曲爛漫同傾鬯棹盃入座樂緣車武起
叩門聲識孟公來青山歷歷游如昨宦海茫茫首重回
今日驅車尋桔枳鄭南門也人傳君是惠人才

由豫入燕日日看太行

自渡金河北連山盡太行鬱雲朝磔硤圓月夜蒼涼形
勢幽并豫波濤沁衛漳西虹飲東海千數里而強

邯鄲懷古

苔花顏色夢中栽錦瑟銀箏絕可哀豈有壽陵能學步
斷無廝養解憐才溫明尚記蕭王殿歌無難尋主父臺

祇有宮池舊眉影夜深還化月鉤來

索炬歎

一月不雨稻不粒東疇西疇岸水急官符夜下鳩丁男
明日行旆昇貴官鞭之不起訴非嬾心逐桔槔輪裏轉
歸來一飯未安處忽聞伍伯詬且怒踏破柴門索蕉炬

程侍郎遺集初編卷三



戊子八月十四夜偕祁春浦中允昆明湖踏月八

初九日差旋復命仍入南書房

秋生玉宇瓊樓夜月在長楊五柞間黑處樹陰明處水
紅皆臺影碧皆山幾年官耐侵銅斗一日春雷響獸鐸
似此蕭閒仍富豔何勞清夢戀江關

春浦中允以余卜居鄰近投詩相賀即步元韻奉

酬

虫謹酬知未敢豪漸看舊繡拆波濤論文喜得元才子
取友無如左伯桃願以清泉灌交讓何妨暖柏集寒號



用要嫌松柏寒聽逐怪來童僕皆親暱闔戶曾投一盞
桑榆暖詩意而反之

春浦中允以余埽直齋奉母賦詩相賀仍疊前韻

侍學三天感二豪功名草草付雲濤先大夫在尚書房行走十餘年魚

軒曾借華林馬時家慈曾到澄懷園鳩戲爭嘗御苑桃時澤甫齏

珍重埽秋窗迎竹笑漫勞夜雨起萍號迎板輿前一風日風雨交作

前欲博慈顏醉合乞宮壺九醞醪

題陶孝女刲臂療母冊應王可權學博

金翦截臂肉流血被肢體壯夫且弗勝乃出十三弱女

子一鬻墮地覓不得縱思再割手無力竭誠作氣爭頃

刻氣偶一弛不自克弱女處此何從容一翦委地如殘

紅再翦入水煎芙蓉兒肉如兒心知母病所行且攻兒

肉即母肉補母痲瘡母乃充母有病兮兒有藥強飲強

食病不作吁嗟乎十三齡弱女子豈有沽名心宛轉托

彤史設思親病親吟呻孝子便欲忘其身苟有一策可

拯拯何暇計及要譽於友於其鄰訾沽名者胡不仁請

觀十三弱女子一割再割皆天真吁嗟乎一割再割皆

天真豈期名著邀

恩綸

春浦直廬後垣黃菊盛開賦詩見示即次其韻

楚楚黃香壓帽斜鈴鈴秋影上烏紗曾窺靖節翦鬢柳
菊以小而黃者為上靖節所賞即此種也五色種起于晉以後靖節所不及見不作重陽爛漫
霞地僻滯霜還滯雨賞稀疑草復疑花相逢欲以兼金
鑄特為新筍舉畫叉

扈

潭

東陵途中口占呈同直祁春浦

又作鷓夷託屬車滿斟醇酪腹如壺斫窗取艸吾何拙
給札成文子甚都踏碎月華花款段搖殘燈影錦屠蘇
毛錐也具封侯相寫到邊功膽倍麤時陸功於皇上告西東陵

故詩中屢及之御製

雪後經冰沼上風景如畫

一白全遮一碧圓有冰如鏡雪如氈潛魚黑失琉璃夢
遠鷺明投菴畫天屋角火溫千墜筋塔輪風急四馳煙
羸駝合稱歸籠袖詩與寒花共壓肩

雪中退直賦呈同直祁春浦池籬庭

敗葭髡柳覆江岸中有老漁雪沒鼈詩心畫手競撫寫
那識天上風花爛觚稜金爵皎於月不待東明已先旦
白連龍尾幾千尺紅掩畫樓才一半溼雲封牖虬漏澀
香篆舞簷鴛瓦泮風前烏鵲總馴狎午後貂狐各分散

九重疊下寬仁詔

大祀特獻精誠課

南郊大祀之後瑞雪應時

故應呼吸動暘雨能使

人物無天鰥我曹橐筆書大有日侍

玉皇青玉案微吟便注龍香劑每食恒拜醎醑灌豈無

薑芽凍十指共坐暖閣春風慢歸來策騎經太液但見

丹虹飲銀漢可憐草竹半摧抑只有青松森直幹欲謀

一醉款二客其奈驕驄不受絆便當獨對冰壺子破窻

空庖無可爨明朝且緩趁官鼓

時充國子監祭酒每朔望不入直

臥聽

寒雞曉枕畔

春浦和韻見示因疊荅之

乘桴桴廣須至岸裁衣衣長宜蔽骭心光筆力爭一到

乃與張蔡同粲爛何人夜呼孔賓出翦刻花天繒霞旦

遂將郢雪荅下里運筆如風燭未半鳩鵲雲從兩袖起

太液冰隨一笑泮君如蛩蛩我如蟹蹤跡年來幾合散

自慚鷓鴣夸非國器乃使蕭艾同熏裸君適用若儉歲稷

我無成比不才鰥記曾同踏洞庭雪俯視岳麓平于案

記曾黔楚兩相望有酒相餉瓜共灌我於行部訪文教

無限生徒指經幔秋來同直屬玉館舊事蒼茫付斜漢

池波汪汪憶叔度

謂左田先生

直氣侃侃推公幹君詩近境

益神變天馬全脫朱索絆我詩成便自焚草君雷聽謂

奇音變筆僵墨凍正惆悵又見稽灰屑天畔

倒壘雪中退直韻贈池籥庭

紅杏先生酒尊畔扼腕屢歎柯亭爨行過古滇得池子

自詡飛黃入吾絆宋芷灣先生其文詩集曰紅杏山房籥庭受知芷灣先生最深可憐

紗帳已蕪絕刺對范陽盧子幹余亦受知芷灣先生已作古喧傳

詩句

御屏上金管琅琅賦銀漢用蔣防事金秋持衡出關陝爭看

英姿挾車慢籥庭典戊子科陝西鄉試拈來高第日五色鑄出椎成

劍干灌

天顏一笑賈前席復命後奉特旨入南齋蓮炬兩行蘇侍案

彩雲在牖霧全駁碧雞來儀羽不暇籥庭滇南人故用滇事與君

搖佩踏初雪正值

紫壇禮圭裸黃羊大夫有羶行使我疑慕不可散謂祁春浦

汝南月旦去人遠到來恐已硯冰泮謂許漢生時使黔回尚未到君

才能造鳳樓五我書不及袁豹半神仙官府祇文字山

水清輝改暮旦時余寓西華門外入直退直必過金龜玉竦壺中一語便移

尋每見人間芥柯爛詩橋驢背猶憶灞冬冷兒衣總蔽

軒籥庭甫自關中歸擬攜臘粥祭詩佛莫讓閬仙踞彼

岸

總憲潘芝軒先生六十壽詩五首

昊天佑

聖清歎漬生偉人忠孝荷兩肩五福備一身廿五魁天
下玉殿行麒麟四十躋尚書磊落社稷臣時退復時進
朝野知其仁一以致堯舜一以娛老親
出處關大節先求心所安親老胡可離

主聖胡可閒養志能延齡親壽如南山退補進乃忠正
色歸朝端曾閱日益少公爲人所難授禹即曾閱易地
則昏然

孝養有畢日

君恩浩無涯里居十數年心耳通民嗟讀書益精貫灼

見正與邪培善培其根遏惡遏其芽領袖擗身羣開口

吐天葩揖讓赴容臺風度何輝華

時攝大
宗伯

黝然一古鏡照見垣一方璉兮一大圭人神肅相望渾
穆已難歧况乃智且明輔翼持大端論思握宏綱北面
萬弟子欲窺不可詳南斗聲環環太湖曉蒼蒼

三朝數耆舊四海疑公年公年甫六十人望如古賢不
以黑頭相易我萊衣鮮故能葆其真學養通性天富貴
身外物要以謀謨先槐鼎在指顧竹帛方爛然祝公劬
明德懿戒歌賓筵

已丑初春赴澂懷直廬步祁春浦韻

曾記聯吟秉燭遊靈光舊跡香難求感君才氣追黃鶴

謂左田令我低徊到爽鳩起草猶留當日石用薛元起

夫曾直激懷踏冰重上夕陽樓是日與同直壯夫有志

非詞賦莫惜江花不忍投時春浦以經

述夢一首用前韻

大鵬希有兩遨遊豈料莊生見彈求城郭都猜華表鶴

兒童爭唱白苻鳩春聲寂寞雙柑酒海氣瀾漫五色樓

卻歎匆匆老夸父遺筇不作鄧林投

許滇生次春浦韻見示因步韻答之

憶昔孛舟明聖遊一天風月萬金求尋花不避雲中犬

側笠都成雨後鳩宦海東西同泛梗人生憂樂在登樓

時滇生住

與君昆季相交處膠漆之堅一再投

上元後二日大雪次春浦同直韻

是誰乘夜襲昆侖素甲如荼萬帳屯鶴羽久留渾不辨

馬蹄才過已無痕割鮮我輩尊方滿待爨何人釜未温

卻喜土膏能鯀起東風一為拔陳根

復疊前韻答春浦

彌漫柏節與松根綿纈羅羅了不温祇恐乾坤填欲窄

卻教屋岸失其痕春衣花集初成賦用謝貂帽人歸久

撒屯用王全斌事是日好向高樓縱文酒堂筵笑墮玉

聖寺中

昆侖

是日同直四人
在近光樓小飲

滇生侍講用東坡聚星堂韻賦雪見示因次奉酬
疾風七日走雲葉吹到天山萬重雪欲填江海作平地
豈料橫空鳥道絕小垣積覆何足數老柏堅松亦三折
糝糊那許稜角露方便遂教鐙鑪滅居人閉戶尚喋痒
行者天涯正提挈茫茫關塞胡可度一夜冰凜銅眼顛
時親中有遠
適者故云都無貂錦易麥飯空把寒氊齧成屑願乞
羲和放日芎化此沈陰只一瞥誰家操篲茗方煮有客
對酒餅重說羨君吟罷復登眺凍後毛錐勁于夷

題郎海西畫馬

吾聞天馬不受絆誰歟操此青絲韁拂耳頓足三萬里
草頭一點西風長絕其芻豆儻能走世豈復有秦龍手
玉鑲金鍍朱緋沫一戰功成骨先朽伯樂不及支公癖
故與逍遙噉春碧汗血全乾四蹄重不使銀鞍覆虎脊
得無愛駕更齧膝致令畫者三擲筆畫者乃今曹將軍
能通馬語取馬神飄飄尾鬣堆若雲蓄怒未許奚官馴
猛士掣之力不均祇恐繩絕飛且奔海西所畫已難得
何況騏驎出西極君不見騏驎出西極又言在德不在
力

穆棻此後數年侍郎奉
母夫人諱在籍無詩

道光辛卯年十月三日自秣陵買舟北上王益之
將軍餞於石城門外時梅伯言即中汪鄴樓上舍
許澹鍊師適相送將軍邀共談讌賦此寄益之將
軍兼柬伯言鄴樓澹居

石城雨晝寒煙昏壯士十人鼻大樽綠憤傳鞞羅炙燔
將軍華服來軒軒我時艇繫青松根三客送我紛勸殮
我隨將軍駕短轅三客先入纏裘門即中的是都官孫
羽客乃稱赤斧尊汪倫話別殊消魂黃馬之辨炙髡髡
有詩都向將軍論斟雉在俎芼以繁釀榼在醞盛於盆
詼調醉呼墮崑崙三客俱醺一客健時伯言病新愈
戒不飲獨食粥盡

攬離思歸虛渾憶曾高宴謝傳墩將軍指聽青溪喧謂
與詩夢相吐吞我道即是南塘園半山寺即謝公墩青
溪一曲經此寺久蕪

將軍兩世葺而新
之今春召飲於此春月褪碧成秋痕且復雁叫蘆花翻

將軍一歎驪歌敦三客握手相覲覲我乃浩吁白其原
昔也三釜逮親存負米則勞意則溫今也南望徒煩冤
有草莫報春暉恩縱然天衢許小騫湛露難甦襟背萱
况乃不材嗟液構羣友際此當贈言無使數數不憚煩
用王良
傳語棹遠近兮繞纒繡欲去不去雲水奔何年再賦
角弓反記否白門烏榜村盛哉此會其毋諉

阻風幕府山下步揚子堅韻

憶昔石城艇子窮清遊筍將直指白鷺洲王郎放歌邀
我飲醇酒夢醒乃在江聲帆影之高樓王郎謂竹嶼都轉夏漲
入戶雲浮浮酒人醉散如風鷗邇來鞍道石城外新寒
噤唳侵我木棉裘打頭風裏人言愁攝山之行勞夢秋
祇恐蘚蒼石古經雨滑况復三神離合波悠悠揚風作
詩散百憂吐屬高雋神明適金焦一瞥便分袂劃江不
許幽人留何如高唵米船且沿流

雨盛不果遊燕子磯次楊子堅韻

江干清楓化為霞秋水以外皆春花中有一磯挂林杪
道是銀漢飛來槎樽突萬古礙星月嘯呼六代爭龍蛇

峭壁垂雲幻錦繡叢檣似戟紛杈枒搖搖幢風佛倚閣
渺渺廬雪鴻為家昔遊正值夏綠裏時有好鳥銜餘葩
今偕詩仙蠟雙履謂子堅先喚漁父同杖屨誰知冷雨鎖
荒寂三日都打迴風過涎涎燕尾不可見攝山一角沈
天涯詩仙不到山不綠得無象車不受誇君乎琢句苔
石破我亦題竹風鴉斜

新開河道中即事示子堅

江擁頽沙沒舊蹊風排積潦破芳畦今秋蟹稻幾無種
來歲蠶麩不可齊敗柳人支殘瓦爨荒蘆鬼守亂棺啼
沈陰愁殺天邊雪眼見單衣化井泥

貂裘歎寄謝戴子宜郎中

貂裘遺自先大夫 先朝雨露膏且濡問年兩倍晏子
狐似貉非貉烏不烏然猶屢抗風霜麤皮之不存毛附
乎我亦簪筆 彤廷趨疊拜宮錦紅流蘇 帝念近臣
昔無襦 特賜豐貂殊麗都歸喚細君莫碎纊裁以金
翦量以扶亡何細君病且枯無資可買南歸艫乃懸其
裘善價沽有客斗角黃金麤急送妻櫓返舊墟譬以此
裘裏伊軀伊念我寒夜或呼我罔聞知淚映矐後奉
簡命涉雲湖有友復贈貂襜褕三拖受服古所吁三反
不受留其壺仍然一鞞混虎踰顛倒紫鳳折海圖後又

拜 恩賜諸子謹獻北堂暄粟膚連年衰素衣敗帑鷓
鷓典盡蒙茸無一昨渡江將北驅道逢心交憫我瘠解
衣衣我珍裘憮外文內勁毛豐腴慶雲彪炳晴虹紆曾
與上公龍卷俱再拜三歎感黃壚必值盛誼乃曳婁馬
卿詫好王恭盱上朝玉皇翔天衢下貫美酒亦時須因
思得裘何其助十年一鷓未溼味從今雪花不上鬚都
道握懷碎寒珠遺簪墮履志莫渝緼袍猶是當年吾
雨盛不果遊攝山答楊子堅

有約不遊棲霞山有酒不酌明僧宅澁巾草堂已二稔
遍踏東阡與西陌如何不登最高頂一眺萬里江天碧

山中幽客屢招我我欲被褐振金策忽阻夏潦莽無路
遂令哀鴻滿其澤啼饑聲苦佛嗚咽洗盃人多烏狼藉
祇今黃霧鬱如夢疑有嗷嗷首陽魄大風吹帆不得泊
珠浪拍天才一白神仙樓閣鏤雲表紅葉徧山無鶴跡
曲碕小港涓涓去但見扁舟盪詩伯時子堅先泊樓霞港相候何妨
他日看不足已覺此行殊可惜不圖鄭監流民狀乃著
靈運登山履

邗溝舟次寄別葆逸舟觀察

觀察古君子方寸特仁厚世變能洞悉否臧不挂口敬
慎了公事瀟瀟對心友既戀山水際復愛文字酒托身

雖朱門不貴印如斗襟袍似秋月以虛受萬有款款朱
絲琴豈落第二手

于我有夙契示我出肺肝知我至委曲爲我謀艱難我
劣聞道晚君以國士看深信遂移性投藥亦獲安月飲
更詩飲絮語到夜闌忽然几席近忽然海天寬三日不
相見輒覺思覃覃即今遠別離爭禁淚闌干

寒月照舵尾江水日夜風驚起雁失羣擾擾蘆之叢有
客正懷舊不昧聞霜鐘歷歷遊宴跡沈沈白雲封何年
更何地嘉樹吟角弓獨有五君詠依然圖畫中

謂五客小集圖

寄別林方伯少穆

方伯採荒富奇策至今吳下稱仁賢嘉聲隆隆徹

天聽凡有艱鉅君其先斗維四郡水湧潰江寧鎮江揚州淮安百

餘年來無此愆

帝咨寶臣汝速往君乃猛駕金河船君自河南方伯調江寧方伯乘黃河

船駕麥豆並瀛眷同下連橋麥豆載俱下秋汎方穀強弓弦彥道

倘伴咏米編梅妻慷慨輕濤淵雲鴻有信萬民喜窮鳥

待哺干吭延入境遑遑不暖席料民審戶籌金錢手書

疏草達

當宁

絲言獎詡臚白傳江南粗定撫江北江北謂揚淮兩即直躋東

海尋桑田一夫失所

聖懷歎千里如見臣心過詩書愈飽才愈壯千辟萬灌

成龍泉泣官行法用剛斷徇知恤舊仍經綿每當案牘

堆筍束輒展書畫羅青氈謂以古香散壅滯神明濯後

亭亭蓮况復腕藏右軍鬼定招判乞張公顛我渴憶君

君憶我十年不見殊欣然鏡中鬚鬢各蒼艾酒畔談議

猶清圓十年隔面會不十我其慢懶君胼胝即從京口

赴末口備聞竹馬迎旬宣君來弭節慰窮餓全活奚止

恒沙千我別君後君不日亦盛名遷地定一轍好事入

手求萬全我材瓠落不適用三食奇字何能仙况今乍

失慈母教瞿瞿以後茫茫前生逢

堯舜不敢退欲以孤介行其顛箴砭吾過賴良友自顧
不見伊可憐贈行已貸監河粟結意復授明珠篇山水

清遠難為別且未暘開文酒筵它時神馬儻相值一笑
先拍洪崖肩記取石城兩漿去小春疎雨芙蓉天

題林暘谷年丈飼鶴圖遺照

眸子澂明骨相清綺年文筆早知名六經貫弗尤耽易
先生尤邃易理繪取中孚子和聲

海山清水自生肥養得車輪玉雪衣天下共知鴻鵠舉
謂少穆中丞夢中親見鳳凰飛中丞名號與孝穆有關係

仙糧分罷劇蕭閒看竹尋梅偶啟關但看南飛不西笑

九重拈出六朝山乃蒙聖恩曲體升任江寧方伯以

便板輿之奉太翁欣然就之

八十臞翁尚苦吟雲車霓旆印仙心人間欲識林君復

合向江郎石畔尋太翁望江郎石詩云霓旆兮雲車仙之人招余竟絕筆于此

菽水長留勝鼎鐘也翁句枯魚銜索感無窮十年一樣孤

兒淚付與蘇耽叫朔風澤與中丞先後銜郵今皆鮮民傷哉

高郵湖即事

甓社湖中弄明月一彈指頃廿餘秋憶廿年前曾以扁舟過此湖大

珠已別孫莘老小令空懷秦少游紅葉打頭何處樹白

鷗飛盡一扁舟而今重憶任公釣知有潛蛟伏巨湫
撞破仙人碧玉壺顛風一嘯萬家無本年六月馬棚灣決口數十丈
難將剩粟償饑雀賴有長莢抹餓夫時興工人夥東海

波臣真蹇蹇西山精衛亦劬劬兩番毀擣春容過始信

回天

聖德懽

今年春夏兩次洪河異漲水高一丈九尺餘高壩幾決幸西風每發不過半刻非聖德懽

何能神異若是

題張芥航河帥願遊第五圖

天台觀瀑

吾聞治河青玉書藏在珉岑珠岫雲煙間神禹拜後蒼
夸還會稽宛委秘已出左顧尚有天台梯巖援葛欲

到不得到但見飛流千丈倒挂銀河灣劉阮姁姁兒女

顏那識雲華妙用芙蓉冠

雲華夫人佐禹治河

延州大帥負俊氣

丹壺熟讀疑叢殘心知碧林玉闕有絨蘊足跡不履神

其慳願遊十圖浙得三雲將拊髀雀躍終盤桓天姥之

夢已飛度少文有畫先臥看吁嗟乎少文有畫先臥看

我亦傾倒與公一賦標霞丹

題張芥航河帥願遊第十圖

輞川倚杖

右丞畫筆照千古以畫點綴成園林况當山水清妙處

一鳥一松皆解音功成身退儻得此綠野平泉皆下矣

誰歟寄托出深意關西詞伯張夫子萬福威名草木知

王尊大勇東南毗苦心久夢繡衣使赤手能縛巫支祁
天顏左顧見砥柱不到三槐不能去久旅忘家禹所
歎見岫碑那得蕭閒咏芳樹矧今蕪絕藍田莊無地可起
樓與堂問君倚杖定何處門前春水桃花黃

邳州道中

十六年來此重過石梁全圯水增波樹如客鬢凋踈早
路似人心坎廩多但使耕桑歡畎畝不勞詞賦動關河
行蹤已踏天涯半豈料羸驂困碾窩

差馬行

王營雇車客欲擇馬牙僧輒以肥應三里涉鹽

河車以舟馬則泅僧以瘦馬泅而過肥則匿之
主僕皆不知即駕以行

書生苦路長差馬願馬良牙僧牽來果肥俊四蹄踏鐵
耳削刃以車伾伾猛且迅馬鳴蕭蕭五鼓渡頭載車以
舟解驂而泅隔岸見馬影匆匆駕車走昨日馬如龍今
日馬如狗主僕懵然皆不知但覺馬鈍鞭絲遲今日牡
而黃昨日牝而驪吁嗟乎孫陽相術流弊抑至此驂騮
甘受皮相死

魚山二絕句

神弦各奏豔歌長佳傳猶留鐵研香西晉才人多似鯽

不知何事悅絃卽

東瀆金隄患最深武皇英異亦驚心此山平後功難已
惆悵秋風直到今

過腰站有感

廿年清議一身持四海賢才到耳知叔子去人真遠甚
房公食鮮最淒其爍金安用羣兒謗投杼終教阿母疑
識到白雞諸事了有誰箏響激桓伊

富莊驛盜警

交河有驛名富莊市塵闐咽衢街長使臣輶車旅羸網
風宵雨晝行洋洋客舍十漿饋五漿竹肉靡聲燈燭光

犬吠不驚雞不荒行者指稱安樂鄉不知誰何齎盜糧
盜匿其室登其牀夜出剽刺刀如霜十五五手戟槍
捷若飛鳥來屋梁束縛壯健揮羸冠恣敎金帛眩篋囊
開門大笑各詡強才隳西鄰又東廂旅人駭鋒跪獻裘
居人糾徒相守望我夢驚覺心傍徨但聞火器雷砰礮
都知綠事紛踞牆各握利刃聲高揚儼如登陴爭堵防
盜殊閒暇行翽鷄投閒抵隙仍相嘗倡盜東矣西攘攘
倡盜西矣東皇皇人聲稍微盜語唐盜何悍勇人何恇
孰主宰是使猖狂我求其故不可詳失缺大儒且被戕
王鐸盡室皆喪亡吁可畏哉遇迷陽迷陽幸勿傷吾行

况當世平年豐穰青天白日鼠跳踉錦衾肉食狸奴藏
是誰之咎當評量

憶昔

憶昔最高樓温簾夜上鈎清談數鄙桂佳句門應劉老
父歸何遽羣賢歎不休惟餘起草石常共綠苔留乾隆朝

先君直尚書房寓近先樓乙卯之冬先君視學山左隨即歸道山同直群賢歎息不已

憶昔樂泉西高荷拂馬蹄板輿花底卸紗幔水邊齊

賜果親先拜分甘幼共攜那堪春夜月來聽哺鳥啼道

戊子之秋澤奉命重直南齋寓樂泉西舫時先慈尚健就養來園輒令思之如同隔世

憶昔老涪翁詩壇表大風人如秋水白天與夕陽紅自

詡千言得何曾五技窮靈光吾亦仰絲竹擁江東憶左

憶昔墨痕蒼雲崖十載強新詩闋鄒魯古賦動侯王桃

實成三竊梅花醉幾場不適如可錄願獻百金方澤自

春與祁春浦庶子同直澄懷園賦詩至多時左田師常和之又元夕賜觀鐙命作賦澤以古賦獻時賢稱之計戊子之秋壬辰之春凡三直澄懷矣

吾同年友沈栗仲取炎陵旁梓為琴以予好談琴

理以為雅似因舉一贈焉予學之三月不成聲

將輟乃漫謂栗仲曰琴理予已得雖不能操縵

何傷栗仲曰凡精微必始于器數今舍器數究

精微譬若舍實踐談性命禪門所競儒門所呵

也曷囊琴以待知者我籥庭先生能彈而無琴
我蓄琴而不能彈因舉以轉贈以還栗仲之約
于其行以詩媵之

炎陵之梓西淙弦其聲來自秋雲顛秋月泊水水泊天
十指以外皆流泉沈侯鼓琴得琴理不在弦聲不在指
夜深危坐盡一卷其味醅醅與琴似無成與虧彈不成
我欲虛盜淵明聲沈侯輕笑姑舍是不入器數焉識器
數精大弦琅琅老鶴鳴細弦啞啞雛鶴清似斷似續似
欲罷不能罷魂夢已壓江湖行此時無聲有太息天外
鳳皇當戶立香鑪茗椀俱靜好翠竹紅梅各顏色我友

能彈不輕彈神理悉與琴相關太虛惟漠惟澹泊下視
人世殊鹹酸手脩太平潤鴻業只在 殿角薰風閒快
雪封條拭琴漆送琴出門杲杲日思君重話寥天一

醜女

井里有醜女七竅俱不正工藏自塞兌媒妁不許傾日
行蒙羃羅夜坐背燈檠賦命不窮薄遂得兼金聘其智
昏菽麥焉能庇家政萬人所吐弃野宿不失行以茲結
歡心謂秉貞介性狎習日既久不以貌爲病寸良未盡
味自照怒擲鏡如何天壤間容有面首倩寧使血嗣絕
不令姬媵并睽睽十日視一手眼弗竟但解判黑白難

免動嘲評旦夕歡意改姚冶門華盛百惡盡顯暴厭斤
等梟獍長歎愧其侶投身入深窞

果子狸謝祝蘅畦同年

百果精華化玉膚干狐支采作襜褕深憐諸葛茂鈞絡
堪歎張蒼肥瓠壺瓦甑松薪差免浴牛刀龜手故嫌麤
昨宵夢到秋山裏梨栗成行兩兩呼

初春澄懷園酬春浦兄見東元韻

眼昏校字隔甚霧丹黃一錯六州鑄時有凍雀覘新戶
側聞尊師此小住百年慨人十年樹聞松亭師在此小
而澤所居為朱文正藤花老屋請君依徊循故步松亭師春浦兄
皆舊遊激懷者牆頭

過酒我來顧何日了此燕魚注

春浦復倒疊前韻見東又和

君才洋洋海東注猶復戀此蟾諸顧我憐捷徑徒窘步
夢裏梅花三百樹兩番結鄰桑下住夜看星辰共開戶
有鏡須向江心鑄照徹寒天十重霧

春浦三疊前韻見東又和

殿前走馬拂花霧人道子昂無可鑄獨抱明月掩朱戶
便欲回山作長住誰知上林借一樹天路漫漫此鷄步
君到要津莫回顧洵酌忠信須挹注

春浦四疊前韻見東又和

此間大隱如隱霧奚必躍冶求金鑄奇卉映圃書當戶
君心妙靈無所住翫然文鳳集温樹新詩捷敏止五步
入門大笑君來顧招我駐聽糟牀注君飲酒温克喜招人嘗醞

挈眷定居藤花老屋

銀河左界雙栖處三面波光帶茂林馴鹿過山知草馥
流鶯啼雨覺花深暑天破睡卿能繪遠道衛泥我獨吟
記取歸來柏冬日枳籬藤蔓總成陰

和祁春浦兄望雨詩韻

膠水萍珠澀穿衣絮尚狂雷為風奪響雨讓露專涼但
曝竿頭麥須春石上梁南天尤待澤收涕攝羸尪

未到呼號際先 祈黑蛟祠農情隨地改 聖敬有天
知卜坎將盈岳占雲已蔭著應成洗兵兆早晚待紅旗

奉賀春浦五兄由右庶子擢翰林學士

虞戈流電笑柳筆動 天心豈但飛騰速方期契合深
清神兼卓識密緒發高吟話到經綸際遺編耿獨尋
主聖酬知易親嚴養志難趨公無過舉退食有餘歡永
日君羹美晴空鳳羽寬惟憐老秃筆偏戴遠遊冠

答叔穎兄謝石首魚詩意即用原韻

江鄉曾小住風味逼春來尺鮪騰浮玉珍鮭聚大雷白
傾鮫容淡紅奪美人腮石首持相比翻成蟻螳才

此品津門貴家家倒酒罌須知吳國鱉能勝陸源鯖白
石何妨煮青菘可佐烹未招鄰父飲聊獻小人羹

偶成

百鳩齊喚雨一鵲獨呼澆天意殊無定雲心未可彈柳
乘風抑抑荷正露團團敗我觀魚勝危磯倚釣竿

古意

霧松復霧松農人覆餽甕木稼復木稼達官聞之怕達
官畏死畏失職求為農夫不可得農夫歲歲求豐年達
官夜夜求神僊

西鄰東郊春浦

三日琢出琉璃天尊我遊者水鳥先詩廊步詩倚一椽

夕照送到西鄰煙

先生我西鄰也

與君卜鄰凡兩遷水容山態

都依然只有霜雪侵吾顛登臨惆悵私自憐梅李桃李杏
年復年身非金石何能堅但思善閉遺鈎鍵肯以豨膏
運方穿昔也往蹇今來連東風畫空晴日妍寶釵樓上
通侯眠何如吾儕岸牽船面面見水窗窗圓與君夏約
寄浦蓮恐君仗節惟則褰獨我守此鯢桓淵看取魚戲
青田田君詩三復馨若荃華不繁縟巧不儼郊居一賦
君其傳

過連口

犬性不吠日嗾者職其咎屢奪犬食食犬急乃狂吼許
告及誘民憑仗吏爲剖右民而左犬犬怒積益厚食飲
不外索刀劍恒在手惟鹽惟硝磺非儲不能有聞已數
年辦欲備一旦蹂胡爲典牧者蒙耳且杜口
威信在平日不在臨事時機宜在頃刻不在衆寡爲始
雖墜咸池終能奮滄溟或冀寬大恩不責遷延師
孺性慣仇殺必有人與里其人既可竄其里亦可徙人
里俱不見仇殺奚自起通言必間諜間諜即姦究果肯
爲我用虛實易知彼宜戰或宜撫此間有妙理自古失
機事孟進與畏蔥

陽明平濶頭計禽池仲容及受桶岡降幾敗瑣匙籠神
威攝其膽行兵疾于風向欲逞詐力萬死希一功使不
謀畧周反被蟲賊訐所以斬諸生大藤推韓雍

有感

美人一笑千花紅眼波流入人影中人人衣上生春風
夫君畏我錦繡叢噓呵警咳都避儂恐一彈指傷芙蓉
誰知此志能當熊昨日上塔帚帶結今日登樓風釵折
何日相逢訴嗚咽

雪宴西北樓訓祁春浦吳瀚齋兩同直

雪宴西北樓春色來大荒是日將軍歸說劍飛星芒彈

指四年餘鴻濛別雲將今日喜搏沙若祝無分張西屋
臥士龍東家接王陽咫尺地迷界鬪鬪天際祥瑤岫排
玉林銀漢連紅牆賦餅招詩豪脫裘酬酒狂既呼祁孔
賓復憶斛律光吳子闖然至談笑同藜牀畫出激懷圖
何如負氏莊

吳仲容選詩圖

吳君行政若琢句果力精心不旁鶩吳君選句若選才
廣甄約取能別裁翰林主人賢太守永叔荷花柳州柳
九重溫語慰循良萬室弦歌動星斗簿書如山磨不
磷玉壺秋水凝吾神三生結習愛佳什批風判月書白

雲書堂夜靜高呼嘯都是越儂莊烏調一家選手續丹
黃十萬詩魂向君笑人誇浙派君不應人訾浙派君不
憑破除門戶還風雅知君是有心秤者

春浦五兄以鷺脂見嗽先有詩來此答原韻

羽毛脫盡空留翠何處書生可寄籠黑白我無符朗辨
咨嗟君有右軍風聽經聲寂曹騰睡卻月曾垂自在豐
如此肴蒸良不惡於陵絕倒出哇翁

大隄

大隄坦且夸綠楊翼成惟前有蒲輪車後有黃金羈花
天逐隊行夜月無聲馳問誰實築此前人好爲之連朝

剝猛雨積潦東西岐淺者生白窠深者化污池問誰實
修此袖手無人尸吾恐弃弗顧遂壞不可支苟有荷甬
者當往助其疲

澮水放舟六十里至濠港作

夏潦潼激涂軌壞板橋映空去如芥騰波欲躍馬足汰
亭長搖手館人戒曷不乘舸下澎湃惟予素慕五色澮
一棹闌入琉璃界水荏風裏白鷗外飛墮遙天一峯騰
愁霖廿日宇宙晦安得殷紅夕陽曬可憐篙底豆田大
白梁雖成未即艾去年水厄感凋瘵冀今秋熟乃償貸旅
人三祝水速退誰知鬱雲漸破碎鳥有晴聲松有籟

卻歎湖船卑且隘人生匱底仰啟蓋良朋促膝話儕輩
喜其逢放惜其快忽聞騶從聒叢薈昇者紛紛促行旆
回顧帆影失前瀨拋簞又走泥塗內

傾城

傾城一笑玉無瑕慣作新妝惱孟家纏帛織織輕采鳳
翹鬟楚楚幻靈蛇但教翡翠娛蘭畹莫使蟾蜍蝕桂華
一樣笙歌明月夜南樓蕭寂北樓譁

廬州吟

廬州淮以南第二重鎮也其地博大爽塏有山
不當孔道有湖越在偏隅是人事必爭之地而

非天險不可度之地自來兵家談阨塞往往以
廬爲天險非未曾目驗即相承剽說耳作此正
之

有山不當孔道阨有水越在東南隅北來不及濠若壽
南走僅恃桐與舒頻嗟千騎飛入境復恐萬艘直擣湖
自是戰地非守地以戰則克守則愚

壬辰五月十七日 臣恩澤典試廣東時方需次未
與考差出自

特恩感而成賦

方慙東郭未吹竽誰料商邱竟索珠一釣六鼃憐力薄
十年二賦果心躬山中玉棄諸生泣爨下桐焦 聖主
吁試讀遺賢 新詔語吾儕何以荅唐虞

易京懷古

京憑如礪築崔魏女使傳宣鐵戶開忽見梯衝天上舞
不知樓櫓地中灰謀身那及田疇固劇險須教石虎來
既讀兵書還避世癡兒徒抱自焚材

易水懷古

有勇不能神擊刺非所詳吾恐魯句踐不過秦武陽既
稟神勇資擊刺必其善吾恐百鹿盧不敵一旬踐藥囊
提匕首一足廢鹿盧誰謂老荆卿翻困夏無且將軍已
冤死督亢安可復何如高漸離從容一錫筑

苦旱

三月京畿一雨艱陂塘成徑井泉乾庀風卓午蒸炊熱
車露深宵噤噤寒海畔乘龍呼不起潢中女魃怒相干
祇今處處皆祈禱活我官羊不忍餐京南一帶亦旱因
屬地方官斷屠使
者亦斥絕
肉食矣

河間道中

杜癖與和癖於人了不同賢王聚書富姪女數錢工靜
日管弦語寒宵剽掠風我曾逢盜跖幾為舊檀窮去冬
釋盜警通
夕不寐

素食

家貧不能辦素食食鮭乃有二十七爛蒸鷺鴨是瓠壺
拆煮林簣為花豬生耳唐園負此腹每喚周妻罷何肉
况當炎暑騰騰蠅蚋集縱有侯鯖亦當覆畿甸以南數
百里土渴風乾井無水已聞解禱動閭閻應使腥臊斷
刀几吁嗟乎使者既無段公術又無束生香坐致甘澍

隨車箱乃率徒衆飽此大官羊方丈一箸干陰陽何如
飲水作齋保吾素自啓筠籠放雙兔

東阿道中

陶邱荷澤都無涉賸有安山一道明七十二泉連鈞突
伏流何處不分明

舊縣

穀城古且秀面面好山遮立土墉千雉清陰蓋九葩車
行深巷觸馬踏亂流斜猶說檀公壘虛糧斛萬沙

阿膠

涉南名士水天外鳳皇膠古有生金用今爲敗鼓消傾

囊殊黯黯款戶故喧嗒安得書三券來占鼎六爻

東平州

節度天平古鄆州中都亢父望中收西馳宋汴無關隘
南下淮徐等置郵蠶尾山前雲似夢虎頭崖畔雨成秋
我來一洗呼號耳入山東界鬱鬱長綢已沒牛

汶上道中

俯入一村綠倒涵雙沼清燕披松雨屑鶯助葦風聲瑩
石新場圓豐碑古姓名遙憐牽挽處五復正縱橫開河水少

牽挽不易

途中有以姓名不見 朝籍爲問者作此解嘲

露坐占星客有疑異哉象固竟何之百官表上公亡是
八月槎頭某在斯敢署玉皇香案吏應吟賈客木棉詩
豈知僕僕羣僚底寒暑都無休沐時

曾道

嶽雲樓畔館花妍說水橋邊墨刻鮮胡祿獻漿才一面
林宗埽地又經年昨冬過此綠陰深巷童爭果夕照高原馬
急泉猶憶計諧奔走日柴車茅舍雨如烟

彭城

山環如玦水如弛繫馬臺邊儼望思孝伯語言張暢荅
佛狸風采寄奴窺江淮遠帶真屏幃楚漢交爭古奕棋

不道昇平全盛日隄防黃汎抵雄師

從來治劇用蒲鞭坐使清風滿市塵捍水大蘇通上策
馴兵敬德握雄權即今城角交流處終古樓頭兩賦懸
我欲輕舟看飛沫了無忠信涉濤淵謂呂梁洪

宿褚莊作宿州所轄驛

辛巳五月杪奉命使西蜀初握衡校枋且喜且畏縮
退食告慈母慈母歡意足屈指不十日便欲膏棘軸呼
兒整書筭飭婦理箱篋婦亦粲啟齒扶病爲檢束強起
頭泔泔弁行足縮縮俯歎病漸深仰歎我行速血敗內
風發歐噦幾絕粟帶孔日以減消到臂上肉我時迫事

冗千緒擾心曲偷暇議方藥醫履已滿屋真元浸虧損
淺幸豈能復母亦知疾革私冀鬼神福對母我佯笑背
母我潛哭茹苦二十載痾痛相育鞠一旦小騰翥棄之
若轉轂卿患自易瘡我訣胡太酷卿言初奉使無令簡
書促我病儻不起來世再相逐卻嗟堂上母何以慰幽
獨怪哉造化弄病者漸清淑神斂形復振食飲能到腹
其日六月八車脂馬翹陸其時雨如注病者臥甚熱三
喚不一應一別兩黃鵠閱有十七日我出井陘谷夜夢
尪羸妻握手話顰蹙似屬慈母老鸞膠必當續我覺淚
霑臆卿豈返仙錄誰料即諱日從此奠羹粥彈指十二

載封軺又南服六月十七日我在褚莊宿振觸昔年事
淡若雨瀉竹人生情難割死與別相屬忍死不惜別其
意殊慘毒死究不可忍別亦莽難錄年來心力德實爲
感風木老母健存日事事可欣祝今母棄兒去如夜失
其燭不敢負所學焉敢覆公餼上思酬 聖恩下欲被
邦族尤當薦賢哲以備荒歲穀區區兒女懷擾擾風中
燾用韓句曉月吠村犬暑幄舞檐蝠僕夫起芻秣明日又
山麓

愁薄

去歲瘡痍猶未復今年穡事可憐生眼看嘉穀高低熟

心折愁霖日夜傾三伏赫曦蛙叫斷一天秋思鷓啼成
不應空際江河注似有蛟龍鬱怒聲

旅困

泥行無輜水無舟一任肩輿莽泳泅欲逐東游雲將速
翻成西域賈胡留公程刻日奚能緩凍雨懸河且未休
最是漏痕催客起三更不鞮卷衾稠

旅愁

修民昔行役慈母虔祝天飄風暴雨會有時無使予季
逢其遭母祝甫出口兒千里外身安便兒今行役無母
祝舟困於水車困陸困極呼母母不復深恐迷陽刺吾

足吁嗟乎豈無妻孥祝紛紛不如吾母一語神

渡淮即事

汝穎沙渦競短長還收睢澮五文章遂磨洪澤而東鏡
似築深江以外牆天際數峯眉嫵翠中流一畫墨痕蒼
即看歌舞雄都會何處風雲古戰場

臨淮曉發

糝地輕黃沙似雪蔽天濃綠柳如帷畫橋東岸空明水
多少英雄照鬢絲

途中有懷邢氏園寄醴泉竹心兩上舍

表裏皆秋水廊西復榭東竹間鐙火碧花外月輪紅枕

簞思魚夢茶瓜付柳風尤憐老昆仲清絕讀書窮

愛畫迂尤妙能詩麗乃才三秋率爾會二仲闖然來謂

惺垣楊眺遠連籜故談幽密室開時聞笙鶴響西畔即

蓬萊西畔即朝天宮

十園秋影宰榭一院古香多老人語穿楊柳樓陰壓芰

荷塗雅翻曉墨繡佛卷輕羅予常作書最愛新黃月全

家俯夕波

文燕推前輩華堂雪爪痕好花園竹肉嘉樹覆兒孫媿

我依鴻廡予去此園時榜其亭曰贊春攜家隱鹿門主情深似海三

歎卻離尊

溽暑愁霖際封軺晝夜馳壤垣無可館唾井亦須危馬

首多卿夢烏巢感故枝何時醕酌醉重造習家池

所見

土阜相望五里餘劇驂午午樹疏疏羸綱月壓柔紈篋

帆布風隨大木車井幕有人喧甕盎戍樓無卒裏遽祭

可憐茅舍明才啓已有村童朗讀書

合肥城外別家三弟惠浦

金斗城邊路先人有舊蹊先大夫少時依合肥令張蓀園先生讀書縣衙聯林

非意料騎馬又分攜 思戴三山重文愁五色迷歸途

傾菊酒重聽汝南雞

星存

有饋生鵝者積至五不忍殺撒棘後送海幢寺養
之作詩賸其行

舒鴈腴於食稻鳧庖丁厲刃正相呼定知不殺非無謂
留與人間逐短狐

聞道禪關闢大千浩然生氣貫南天依稀曇嶺村邊路
一盃清齋五夢圓

雲飛水宿恣長鳴豈料來支鎖院更此去聽經還聽講
好脩來世作書生

石華勉士兩學博拏紫洞艇追送於海珠寺畔設
飲談至三更許乃別

海珠石上攤星飯愛此南溟未易才一見渾如舊相識

二年前已夢飛來

予主席鍾山忽一夕夢遊海珠寺

文章遇悟頻看劍

翰墨緣深數舉杯良夜三更風露白尙疑身在越王臺

謂前此看月之舉

姊妹花

順德縣女子往往不嫁聯三五姊妹行樂自如
雖髮白猶處子也

姊桃根妹桃葉東里西鄰采香妾聯成一氣同心花三
十四十無夫家不徹環瑱亦不嫁鳩媒造請必遭罵每
當秋月春花天踏歌聯臂來闐闐拾翠嬌慵大隄上彈

棋枰誕雲屏前陌即相戒不敢顧恐受指爪空中鞭翻
嘲陌即馬如狗閉置車中作新婦參軍鍾氏詎能過道
蘊王即隨地有君不見六女竈下養三妹青溪姑五家
合隊如貫珠一雙擁背同瓠壺修到果州寒女謝自有
雲中鸞鳳逐

舟過秦和喜晤攝令張南山同年邀登快閣歸飲
於衙齋別後得詩四首奉寄

十年睽張侯一笑登快閣渾忘別甚速且述相見樂出
處憂患際耿不廢著作必逢斷聖質急告不待索長筵
爛漫興良夜深淺酌莊語間諧語思之恍如昨續歡在

今日今日日又落下有東逝水上有西飛鶴

海南五色羽縛為君子筆如何署紙尾祇合畫雲日不

讀城旦書焉知堯舜術君相識其循楚滯撫志逸君任黃梅

時辨水火極妥善少試步文節江月照萬室快閣六百載魚鳥

又聲恥卻顧名山藏著書比於櫛高賢羅滿堂夢寐拜

甲乙君輯國朝詩人微略先成六十卷

長年狎驚濤厥舵不在手却使制奔馬馬亦不馴走才

高百適用慎勿掣其肘用小不若大用新不若久赫赫

未一舉斷斷已眾口毋被宵小測必照罔兩醜千譽言定

無譽含垢實濯垢古大有為者淑履視印紐

初筵劇快意談論出肺肝燭至促客行沙水舟漫漫一
夕償十年求友亦大難捐性勉心計勢交多面歡况乃
道藝契植根天地寬神劍飛合時重取焦琴彈

機女

天孫親付九張機手爪纖纖任意為左顧鴛鴦裁錦捷
南飛孔雀織縑遲當窗恒斂千金笑掩卷羞看十索詞
何事樓頭聞太息昨宵弦管嫁妖姬

市娥

彈箏跣履上高堂墮馬鳴蟬鬥異妝水畔洛神留后羿
圖中天姆教羲皇媚人嶺表收奇藥獻客江南解玉璫

卻笑西鄰蓬鬢女五更寒月照流黃

過桐城憶羅子銘詩以代柬

憶我天真友披猖老未休有書娛寢饋無路取公侯性
厚肺肝熱言迂枝葉稠鹽車嗟力瘁猶為百贖留

衛虎顏如璧袁羊氣似虹阿婆年少日醇酒婦人中博
雅恒驚座踈狂慣惱公邇來消滅盡久旅一燈風

九日登高會三年一瞬過

君前年訪我於鍾山書院時值重九登翠微亭一叙

舊

琴幾欲尅新劍喜重磨鹿起遭逢易

桐城為往來孔道君在樞揚距桐城

不速鳩茲問訊譌

時君往蕪湖

鯉魚才網得珍重寄江波

予去時病痞

南海求珠去

膏騰昧夜光

旅愁痞且疥

歸途病痞

故

能心醒而狂朗月懷元度闌風感孝章何年更何地重話
打球場

重陰

沈陰不散地埋憂冷雨三旬苦未休幸不侵陵農事晚
已難消受旅人愁蘆花溼處哀鴻立蕉炬炎時凍雀投
却說北風如虎怒盡吹清淚落南州

夜聞鬼車啼有感一友

天畔笙簧旋其聲清且圓方士聞之喜欲顛云有仙樂
迎吾前九首復九尾厥狀怪且詭兒童聞之捩犬耳云
有黑祥將降矣徵諸古童謠鶴兮更鴟兮久雨必西驚

久晴必東栖載鬼盈一車其說無所稽徒以八音繁會
十脰竒耳目之內紛見疑如何尚作摩雲嬉勸爾潛形
伏海島無使吐哺相公懟妖鳥

木冰

乾雪不封條溼雪常裹樹冰松散作千林花寒氣蒸成
百里霧日出團團雞子黃重雲渲染素月光遠人遠馬
一瞥過如夢如影空中颺吁嗟乎三旬冷雨茆檐凍新
米都無腹空洞憑仗來年覆飯甕

過臨淮關喜晤鳳陽令廖君達

名大聞

我獻鳩車始君登虎榜初

君為先大夫王子科典試所取士時余方八歲

卅年

慳把晤一見重踟躇俊鷲盤擎健文珠表裏虛循聲符
衛珮英斷奪裴諳尚困仇香棘誰題仲舉輿老成多策
畫清望謝吹噓使者歡傾蓋高明笑執祛燭筵紅爛漫
雪徑白開徐民瘼如飢已雄談賓啟予恭聞九折臂勝
讀十年書逝矣師生際傷哉父母且後堂彭子佩高業
魯君魚感舊烏烏笛懷歸得得驢求珠曾嶺海弭節又
淮徐積潦前乘輜荒流此杖孥六月過此大水頃水更
大須乘舟由淮入沫口

惠政於桐城
因卜居焉

歸耕吾願果相約帶經鋤

定遠道中遇雪

木落淮南雪已來平原一尺豆楷灰混茫雲欲排山至
料峭風能勒馬回莫歎茆檐薪似桂且看金井麩如堆
征衣溼盡渾難理自擁寒爐啖芋魁

過舒城喜晤曾望川同年為題尋春小照

雪中羸騎暑中鞭孤負尋春爛漫天誰似能詩曾子固
眠花踏柳十餘年望川歸
田已久

七旬風骨尚清翹燕玉周妻兩寂寥自是人間仙鶴下
不知世有阿龍超

老圃秋容擁軸邁一尊相對快如何往來數數吾能事
只恐王良負友多

淮漲

淮肥交漲澤陂連一碧混茫直到天翦翦鷺行風外絮
團團雅點樹頭煙梁稽罌立魚鰕聚柳頂平髡荇藻纏
莫詫天寒波不縮洪湖近欲塞為田

河決

決於人也
有陳瑞者瀕河田莫成
上腴夜集千人舉雷而河遂決

有人夜半決金隄坐使黃流改舊谿河伯已眠驚欲死
愚公此舉太無稽誰能糾合千夫畝只為膏腴六斗泥
壞我濯龍淵欲盡長淮東注溢而西

淮漲

君不見浮山作堰遏淮水鎔鐵欲錮蛟龍門一朝浪破

上下格束數百里雷霆奔胎替之水性慄悍其力能刷
金河渾重防疊障若束縛有若熊虎羈其蹠誰歟口腹
能吐吞龜山下有洪湖屯近因轉漕用戽灌滙黃舊路
幾無存宜其高堰歲欲潰億萬命懸消長痕泥沙日塞
湖日督偏仄已到鮑桓潘今秋黃決入湖去河伯欲與
支祁言上游潦積等溟渤以舟闖入蘆花藩窮一晝夜
甫達岸云此卑淺無足論中流卻顧渺瀰處翦翦尚露
黃梁根老漁遠近布置網農父逃竄攜兒孫側聞激流
掃濁昏昔何如蓋今如盆轉禍為福悉天幸 聖德廣
覆流仁恩重臣新奏治河策星使落繹窮根源好看黃

順淮亦順水歸其壑稼破原墳蛛可佩魚可殮不須春
漲愁昆侖

海鷓

海鷓排雲矯不羣其聲一一上清聞常嗟隨陸不能武
莫效王揚空屬文醉後短衣堪射虎時來羽扇亦揮軍
清談隊裏排矛戟鐵馬叢中說典墳

北沙河

寒山碧於雲朵朵落平地清流帶沙渚冰雪結其裔馬
蹄波離風人影鏡面字稍稍涉坡陀悠悠緩征轡忽見
西歸雅萬墨澄空翠枯柳抱村紅中有夕照醉

所見

竒肱之車渥洼馬羽林孤兒飲飛者黃塵合處夕陽下
一隊鷹鷂落平野弓如霹靂刀如風舉刀一劃百里紅
草間孤兔那足射欲斬六鼉滄海東滄臺古冶能屠龍
壯夫豈畏波濤洶勸君痛飲荔支酒睡過重洋莫回首
旅壁有題曰秋蝶夢春花惜詩未佳作此和之
依舊好樓臺繁紅寂不開舞衣休再著團扇苦相猜花
月三生忤風霜兩翼摧昨宵曾夢見歌管送春來

何堪

游水仍飢已不支何堪風鶴益危疑盲來差幸駒生犢

嘯罷深憐馬踐葵荆棘旅生何術翦珠犀夜饋有天知
听听多狗昏昏獵絕倒支離攘臂時

程侍郎遺集初編卷四

粵東雜感九首

嶺海中間起粵都水深山峭土豐腴萬花界斷空明鏡
百寶鎔成造化醴常隱諸星懸戶牖嶺南近南極南極
高故常隱四星可
見飛行十日抵津沽謂海船往
來之速從來饒有衣冠氣配得

繁雄楚蜀吳

一從陸賈侈歸襄卷握都夸世富强有客媚川歌得寶

偽劉置媚川
都為採珠也何人臨浦復沈香海邊鏡颺時掀屋林外

金蠶夜吐光更有瘴雲渾似瘡能教俄頃變炎涼自陸
大夫

後入粵東者皆以寶區視
之故天時人事日變日非

家藏洋鏡鑄精兵耳熟春雷動地聲傾里交鋒官走避
借軀償辜鬼光明盜來清晝商幾斷行白劫劫到高年夢

亦驚劫質人古有帶牛成美政今無乳虎立威名

豐趺凝雪錦鞵圓盛鬢垂髻翠鳳偏素女圖開花蹀躞

念奴歌起玉纏絲謂木驚波不撼鴛鴦舫謂沙面斜照

尤明孔雀船昔之六蓬船有緝豈有芳尊藏醜毒果然

華屋豔神仙

外藩吉利最雄猜坐臥高樓互市開有盡兼金傾海去

無端奇貨挾山來五都水旱多逋券近來吳楚水羣賈

雍容內乏財祇合年年茶藥馥換伊一一米船回以茶

黃專換洋米不取奇貨許之上者也

天生靈草阿芙蓉要與饕餮競大功豪士萬金銷夜月

乞兒九死醉春風粵鶴煙遍地雅香飛海舶關津裕力

走天涯貨貝通抵得帶騰兵變劫半收猿鶴半沙蟲

一酌貪泉百惑生縱然才智了無成外夷只識珠犀貴

廉吏須磨斧鉞行不解烏言空聽訟未窮蠻狀漫談兵

須知仁獸當關臥多少豺狼總禁聲

經生詞客兩無傳學力天才老未收直以淵源窮馬鄭

即論文藻亦曹劉尚書履去弦歌在阮宮保開學海堂

學士甄顏俎豆脩惠半農翁草想見人心醇懿處必逢

賢吏苦遮留粵東吏治民風稍離惟士氣文風較前日進

新橙甘比張儀舌香荔腴于合德肌天與芳馨都是福

我來遼闊不同時越王臺上雄看月帝子峯頭靜賦詩

清遠莫笑籠中無長物文章分得鳳皇儀時歸裝帶有羅浮蝶繭數

枚十

展重九日吳石華曾勉士兩學博招予遊白雲山

飲於蒲礪之雲泉山莊時陳範川李繡子兩山

長山莊主人段紉秋年友儀墨農暨學海堂諸

先輩咸集焉吾友王雷州為繪蒲礪雅集團爰

繫以詩寄呈吳曾兩學博並諸君子同作

蒲礪之水何潺潺虛堂壓林俯竹竿禽言人語互相答

祇有魚夢殊艱難左方蓮籜最幽絕雲影倒地生波瀾

書畫奕棋琴瑟彈孰居無事常致歡我友吳曾兩學博

招我郭外尋秋山云此墨農讀書處儀墨農讀書蒲礪數年主人

自闕詩天寬主人段紉秋酒龍筆虎紛盤盤壺鞦一巡

昏脫冠兩詞垣長肅圭瓚範川繡子兩先五先輩者森

琅玕梁孟侯譚居五君吳喜雄談曾喜默曾如香象吳

青鸞惟予不飲亦狂簡醉鄉况味清而安粵東風高不

可攀學希馬鄭文揚班思深力厚取舍正盡採蓀蕙遺

榛菅問誰闢此眾門徑有大菩薩臨華壇謂院宮保迄

吳曾兩學博集

今學海堂上客各秉絕詣窮其端我求明珠向南海離

朱喫詒驚愚頑崑崙第一未即得羊鬚首將緣希慳予

慕會勉士名莫此番收作榜有友慰予予破顏一網難首而勉士適持版不應試

盡十丈珊就中瑰璋已不少木則棟梁珍則瓏石華之言如此

再傳弟子守師法息息總與師相關再傳弟子務教

古學不淪墜縱有遺賢心則殫六先輩者神高閒不將

冬烘嘲禮官已試未試悉慙置亡弓得弓俱達觀我失

李程屈方叔未免當食停加餐天乎何為疾疾我使我

不耐秋宵闌予奉使行至贛州大病凡十餘日至羊城乃漸愈衡校時已大愈然坐至二鼓必昏

睡故心與力多未相副也要當真力彌滿際或可剖石搜芳蘭吳君

嗚呼曾君歎平復登小閣聆風湍大聲驟雨雜琴筑細

響天颺鳴珮環酒餘茶後臥清簟迴入僊境非人寰北

平題句廣陵飯合與坡老同盤桓賈溪先生有題句在此

小我乘筍將上嶺屹高窺龍湫下鷺灘白雲庵頭樹裏

屋鶴舒臺畔霞為欄平生有志泛滄海一望才到扶胥

灣深嗟目力有限蔽何日看盡東瀛漫履齒瑣瑣林攢

攢夕陽金翠催予還酒星一散不可聚欲乞寫圖楊契

丹諸君有作定起勝顧我先畫穿錐干再來之約指白

水菖蒲增節花爛斑

大庾嶺

天南一角多梅花梅花以外天之涯昔人崎嶇踏雲霞
 今人傳車從玉駟誰其鑿此張子壽誰欲塞此丞相嘉
 樓船將軍破其瑕橫浦一入無留遮橫浦關在廣嶺上
 此路逕便向尋陋收輜車伏波乃走桂陽嶠伏波由柳州
 其餘遠泛西江槎下灘水下祥柯橫浦逕隘蟠脩蛇嘉
 不能守覆厥家子壽披叢闢磴道意令風氣通中華二
 蔡麓石平谿舒宋時蔡挺蔡抗兄弟麓之以石遂使醉步無傾斜自茲
 險失文則賒南枝吐芳北枝芽風日晴美停馬過旅人
 羈官志路遐我來深秋見兩葩喜與紅葉相交加姮娥
 障邀一看月霹靂泉畔頻煎茶要當花天臥香雪此福

輸與山樵誇吁嗟乎梅花以外非天涯越裳雞聲如打

衙屈翁山云崖州每南風順聞占城雞聲如洪鐘自海外悠揚而至

清遠峽詩

白山足登飛泉亭

萬樹裏江水江水影萬樹一碧混天地白界一沙路帆
 積寺門隱徑轉飛閣互玉聲琅琅然秋瀑疊輕霧僧言
 凍雨後雷轟海傾注欲吸人影去行者屢回顧樵荅與
 梵語多為泉所悞晴久自斂抑蹇蹇出深錮小亭坐巖
 竇當夏亦寒沍我欲窮其源雲滑不可赴

自飛泉亭登飛來寺

舒州無此奇帝子忽不樂螺旋鑿紺綠隼背起樓閣對
面畫屏風濃翠繞帆脚其下湏湟水羅縠風婉約清晝
斷人跡夜半有笙鶴我盤絕磴上層折剝蓮萼舉頭失
天宇若被竹樹豪揮手擲木葉誤中高飛鵲三休乃至
頂一顧耿相愕竊恐南禺峯復飛入寥廓

道光壬辰閏秋予使粵東旋道出英德小琴詞兄
官於斯例當送予出境因題此卷時在湏江舟
中

蕭然林下脫塵羈各有名山各主持記取豐干饒舌語
分明寒拾兩禪師

人間之屋宇井古天上之蹺岷絡長敷歷一生歸去也
在山泉水依然香

大雪望嶧山湖

清絕一湖水雪來改其色四百白皚皚但覺波影黑平
極一湖水雪來使之高琉璃突中心不關風起濤一繩
南雁拍波急驚起老魚沙上立片帆渺渺何處投已裹
煙雲萬重溼

灕水道中

刻露寒山雪後鋪冷煙晴翠罩平蕪冰花散作千林玉
早浪搖成十頃湖用世豈徒泔泔統持身安得檠株拘

昨宵偶遇影纓客索看腰間玉鹿盧

小梅心驛道中

忽墮畫屏裏馬行何處通一溪當晝雨萬樹已涼風久
慕龍眠秀今知虎起雄時平剗關隘休說擣批功

題陳登之廢讀圖

名父之子陳登之虎兒書法斜川詩公侯筵上半虛左
夕陽醉墨紅淋漓才人讀書不祈熟鎔液菁華滿胸腹
孤羸坐臥深叢底舉手一揮三百牘阿大中郎半冠蓋
取青紫如拾艸芥豈知東野困一第遂使元英出三拜
長安米貴不易居煮字不飽將煮書入貲得郎古相如

一樣綴組懷銀魚司空城旦乃治術安用惠施夸五車
君不見手判坊州生杜若二十八星笑著作天人科第
爭帖括南華僻書束高閣何如一行作吏猶抱經筆硯
藩溷連門庭老脊持牘雁鷺行旁有煜煜觀書螢

熊躡詩謝許溟生

深叢老熊春脂膚兩展其足追豐狐一矢貫白獵者呼
截所舐掌歸珍廚君從何處獲四扶得非腰挾金僕姑

誰知換羊別有書虞戈所斫銛於獸

君書似永興此四扶是以書易得者

餽我五枝紛離如枝經肯繁纏大軌族廬皆云臭如帟
肺之難熟泣宰夫何術揉作龍門酥憶我十載山居初

和作良道真
混淪無良虎豹都山人縛熊如縛豬其毛蓬蓬畏雞雉
以湯燖雞羽剔除持以沃踊去外麤毳脫肉出成瓠壺
皎然肥妍如瑩跌宜著綠屨黃金約割雞與踏同一銛
踏則雪絮雞紅鑪我呼廚孃踞竈觚依法滷之姑徐徐
日午香發逮日晡四鄰嗟嗟走韓盧惜哉遠來風戾枯
毛已伐盡髓欲無寥寥數鬻鼎面鋪不分申脰與曲胸
但覺湯味醇而腴急謀山妻酒滿沽老饕一飽據槁梧
手足躄捷筋骸舒我聞館熊不畏軀乃與蟲蟄同昭蘇
雞制百蟲如制帑土受木尅良非誣譬彼小猾伏於菟
人氣實能粉犀株此珍來自醫無閤不脛而走玉與珠

土垠肉芝遜其殊吾于木瓜見苞苴良朋厚贈雖馬車
豈若彈鋏忘其魚胸膈有法我則疎請君更訪鼓刀屠

題勵太守同勳七世讀書堂圖

雒誦聞諸副墨其人寫定斯堂但識夢中周孔不知世
上金張

屋角江流如晝讀書垂二百年樹葉皆成文字螽魚也
食神仙

華堂由于世德循良故是通儒明月一珠還浦春風萬
蝶隨車

舍後池莞蒲塞之見蕪不見水也拔之盡三日水

復激曠誌以詩

積垢掩皎鏡掩與皎相敵鬱雲壅明月壅乃明所惕湛
湛一沼水莽莽衆穢畧漣瀾日以隘星斗失其爍魚夢
東西隅翹語高下逃秋窮葉易聚春泮冰緩析自非一
旦塞何乃十稔歷我來昧虛照喚力急鋤剔承踵若竹
筏飲刃似草壁平剗捲敗席深引拔銛鎬豈惟去蒲稗
兼欲植藜藿陳根倏已掃細穀靜且暫是日好風至摩
刮光搖錫其暝殘照入渲染采蟠電招友共垂釣戒婢
勿泔泔奴云閤宜泛稚謂潔可浙嗟哉千頃波漫等沈
濫滴今茲鑿毛髦昔也溷沙礫撥雲與濯垢真宰在空

寂還其盪滌性焉用再盪滌

偕溟生侍講遊萬壽玉泉諸山口占八絕

長楊五柞斷還連中有明湖鏡樣圓怪底綠波浮淺絳
樓臺影壓蔚藍天

澄流十二水疊寬宛轉銅溝出上闌和入春風清欲絕
玉笙微暝磬微寒

罨畫屏開黃鳥坐琉璃風起紫鱗飛日移塔轉金鈴語
時見僊雲落翠微

輦道清陰俯綠落鷺羣接翅慣飛來香風百和熏人醉
知有宮花萬樹開

剪剪松陰楚楚山九霞如繡水如環五湖縱有花深處
不在千門萬戶間

稞稻平疇渾似畫魚蝦小市自成闈佩瑱澣女臨流坐
草長鶯飛又一春

同遊龍井收煙霞洞名也飲清風兩掖茶記與滇生兄同遊西湖勝處瀾

若清談如目前事一事輸君詩句好五雲扶出玉蘭花滇生入直後曾

賜遊芳碧叢咏玉蘭詩稱旨

隔牆欲喚孔賓鷹其奈春眠倦不勝記否春容天語後

平揮紅日下枇杷春浦兄曾在玉泉山召對

厲宗伯競渡圖爲滇生同直題

中唐太液新波起畫鷁凌龍簇金紫千謳齊發萬槳飛

劃破玻璃半湖水 聖人端坐靈芝臺沐日浴月雲霞

隈水馬爭銜九標至海鼇高擁三山來是時紅日正當

午剛卯盞鍾紛挂戶侍臣獻罷尚書篇 詔聽鳴葭一

聲鼓汝南詞客眠福竒五雲深處窮攀追菖蒲酒綠僊

樂盛拜舞歸來懷玉卮嗟予亦逐豹尾後適持英蕩黔

南走水嬉過錦未親見剩有輕羅拜 恩久婆娑樂神

年復年漆塗船底能爭先 聖人一笑罷其戲波臣川

后皆恬然堯舜千鍾孔百斗大禹何妨覆旨酒禁中炎

戲斷佞童閩海紅塵辭尊首側聞吳越錦繡都亦屏散

聖壽圖卷

樂捐華襦但教五綵縛苦棟奚事百劇綠飛鳧此圖細
寫天中樂士女如雲柳如幕紅芙蓉缺處水天寬想見黃
龍鬥青雀

題陳迺錫先生手藁應陳堯農吉士屬

明詩掃地鍾譚出誰挽頽風說建安卻愛閉門陳正字
清如郊島勑如韓

招降功竟謝征顰自檢新篇續舊題筆陣不隨荆棘沒
過江猶見索征西

朝衣已換洪甯九記室空嗟史道鄰一卷谷音留閒氣
湖湘耆舊宋遺民

李子建為史忠正公記室即葬忠
正衣冠者其出處與陳君畧同

題吳梅梁京兆傳硯圖

帝選大京兆於此通德門循良太守雖誦孫墨花三世
香溫磨果下含飴膝上喜手把毛錐畫池水廉吏無田
只耕石呼出公才親付此京兆詞賦傾班揚爭看落筆
中書堂京兆直聲震朝野多少行行避驄馬作文草疏
都如風敷歷中外通昭融問渠造詣何猛進只在青鐵
磨穿功况傳治譜青箱中河南第一推吳公方當據案
埽庭訟豈意灑翰來詩筒用錢勰尹
開封事君不見鄧家硯外
孫得晏家硯女婿拭何如范喬流涕受寫名臣心模祖
德橫德寫心見
梁武硯銘章臺走馬緩緩歸自汲清泉滌殘墨

題潘星齋公子蓮塘消暑圖

錦心玉兒公子水珮風裳麗娥應有酬花好句吟香飛
上銀河

紈扇明時月上玉蘭憑處秋高邂逅采蓮人過須防果
浣宮袍

霧夕何郎得意初陽謝客論文卉六鴛鴦驚起都緣詩
響凌雲

臨頓園林可愛鳳池毛羽多聲定向柳陰續夢手磨人
鏡澄明

詠史一律

廿八華星笑未收如何杜若出坊州人誇林甫真仙骨
客道何即是鬼幽汲汲成狂幾司馬羅羅相附五諸侯
納涼總愛冰山好只恐陽鳥在上頭

秋感一首

連夕風兼雨烏烏畫角哀模糊收暑去辛苦送秋來鎖
院三條燭軍門百道雷捷書期早晚天笑五雲開

贈史荔園中丞

倪寬帶經鋤地東坡識字耕田怪底三秦父老望公如
望神僊

處處杏花菖葉行行清眍冷風斥鹵都生梁稻無人不

種竹詩集

頌史公

河內方思借寇黔中又盼來廉公到梯田問俗請看像
蠶織織

題李石梧梧笙吟館圖

綠窗湘管珊瑚架縱不吟詩亦可人何況新篇雙跳出
萬花飛繞鳳凰身

昔日江干挽鹿車而今敬佩住東華從知白蠟傳觀遍
無限魚軒拜大家

一字師前互推許萬書叢裏共賡酬好憑翰墨和鳴館
壓倒簫鸞寫韻樓

追題心餘先生攜二子遊廬山圖

公是詩流有數人談忠說孝出天真伊誰能賦廬山峻

歐陽有廬山高詩

只有蘇齋動鬼神

一門仙骨拜君家季孟元卿隸少霞卻笑雍通黎粟後
但能鼻得竹萌車

題小紅雪樓圖

老梅清勁小梅溫付與能詩雜誦孫試看長安諸甲第
榜門多少奉誠園

瘴鄉如瘴困浮家何似藏園水木華飽即讀書饑煮字
醉來飲水嚼梅花

藤花蒸食一首奉春浦光祿

采采供朝食瓏瓏摘晚花
淘將金井麪蒸出赤城霞
芹獻深慙薄蘭羞一笑誇
時以此食獻太夫人不知新雨後
宮膳可曾加

初夏激懷園即事

送綠千章合浮花一水回
鶯從長信囀鹿自定昆來問
字留僂侶聽詩拜上才
籬門蕭寂甚卻傍五雲開

喜雨

聖主咨嗟上帝聞
龍星催雨下層雲
滋培焦土高低徧
泮散灾黎億萬羣
南畝歡聲三輔合
西山霽色九霞分

生成一例無甘苦
試看籬邊眾草薰

題曹傅相師三老圖

辛丑科三元榜太傅相公天下仰
勛崇德大錫殊禮名位遠
駕百僚上班中忽聞輩行呼
得非保相德水盧佳時吉日興
莫孤曷偕曾點歌風乎南城種
花蠹旌節詩清文綺出冰雪每
從二相索賡和如杜王岑鬥竒傑
我師視學河南時正值德水瓜代
期樞垣綸閣互先後一雙鳳皇栖
一枝我師持蕩度嶺嶠其後亦駐
南城蠹歲寒老友墨緣古送客虎溪
成一笑我師最長精力最有餘
佐機理事恢恢如德水神慧性强
記師乃倒誦銀瓶

書南城服師詞翰妙洪鑪一鼓出萬竅軍書旁午日就
映搖筆尚答球鍾調偉矣哉文潞公富韓公孰有隨之
君貺從勲階福壽總第一琴瑟杖履皆春風回思綠衣
少年日玉貌照人如玉筆五十年來一彈指耿耿三星
聚奎壁更推辛丑巳前巳亥年三神山上三神僊吾親
亦結金石契令我展卷心茫然山公在上等北斗願師
長進耆英酒

近光樓消夏第一集步和春浦閣部韻并柬田季

高四兄

樓上月缺復圓樓上人耿自憐風蕩露益清且妍摩出

表裏琉璃天杜田先生玉堂僊曉窗著書午窗眠文字
之飲不獨酌憑闌呼友賞澄廓十年聚散紛在眼此夕
此杯無此樂雲龍上下會有期難得破暑浮瓜時玉匣
爭誇藥特健是日賞宋拓十七帖及寶晉齋帖宮袍合鼓簫參差田四兄曉
音就中浴鳧何太喜昨夜新添半篙水就中噪蟬何太
急昔日柳陰今若此

季高四兄以試翰詹舉首超升學士尋放奉天學
政文人榮遇所罕見也賦詩送其行

幾年謁帝承明廬幾年手把種樹書幾年洵涕伏堊
室一日作賦凌空虛九重嗟賞動丹筆天下傳誦奔

鈔胥遼陽 帝鄉萃華裾誰其導之成碩儒為師為政
 本一貫合用文黨兼相如西風冷然催使車高吟直過
 醫巫閭隼怒博古北肅慎弓衣繡字東扶餘大海蕩蕩
 賢愉愉顛幽作岐鳴鳥呼 文武在上俗忠厚春陵佳
 氣無時無君率其徒帶經鋤筮黃百家耽道腴儻喜博
 觀拓眼界則有羣玉瑯嬛居儻喜射生戰禽獸則有鷲
 翎金僕姑居就美糧梁水魚以供名流櫻筍廚不知登
 高眺返照可憶消夏僊人壺謂近光樓紅蕖翠蓋遮不住月
 躍波底如明珠軒窗快與五雲接風露卻共良宵徂棋
 枰未冷香未渝易忽東矣田生俱聽雞騎馬十年事君

去我來三逕蕪

予與君同直十年而共事甚少去來若相避焉

我思行脚徧寰

宇未軼碣石窺元菟

予足跡半天下而未至閩東

幼安根矩相對語

是為許君祁大夫

春浦漁生兩先生俱以扈從至盛京

即今柳老荷盡

枯送君壺輜酒滿沽祝君學業比韓范豈知文采追嚴
 徐將軍侍郎半詞館濡筆合繪登瀛圖便當自署鈞鼇
 客一網收盡青珊瑚

喜雨

穀雨未聞雷田田麥甫栽 帝咨參佛去龍喜捧雲來
 得酒千花醉逢春萬病回滂沱一晝夜池漲柳韜隄

贈徐樗亭大令

一部神泉貫斗台

趙長君著詩細歷神泉虞仲翔謂其窮陰陽之奧秘

免中詩境

豁然開

徐氏為詩學者有免中徐公傳魯詩徐敷傳毛詩徐整著毛詩譜徐邈著毛詩音徐廣著毛詩音隱義徐爰著毛詩音其書與說俱佚至先生則集四家之大成

鳴和豈特高吟調

五七言

網佚真同馬鄭才王屋山頭頻弭蓋天都峯頂

鎮銜孟 九重方獎循良吏看取儒門大厦材

題郭大理畫蘭竹卷應吳大京北屬

蘭竹書魂魄中藏草隸精妙香無定相斜雨有奇聲作

者郭忠恕珍之吳季英石交胡可得掩卷不勝情

題畫

董源下筆傾前哲江罕工樞絕有神劇愛孤山兩兒子

萬花如雪舞初春

南齋老輩紛題句臨者無端列上方想見縑緗裁割際

昂頭高士亦傍徨

上方題詠俱是臨本然已為人截去

阮宮保節相以玉印泥盒并大理石畫屏遠賜感

謝成二章

采玉鍾山隈字勝理且勝琢器成大圓區蓋掩而正琅
琅四環響切切兩規併用以函芝泥溫潤出華靚月彩
拖霞液其氣自胚孕能助金印芒著楮倍明瑩朝陪姬
公讀夕對謝傳詠如何賁陋宇重寶來不脛繩窮匣既
解傳看爭揣稱一日三摩挲每捧必端定雨窗無纖埃

斐几照文粲瓊然美華帶仰見君子性呂刀無此珍郭
筆不能競心印儻在斯笑拈拜嘉贈

物巧不自知大匠器使之心影亦類形何異造化爲摹
擬與雅似詞客忘其師一經指撫出宗派岐中岐異哉
石文章有米有黃俛氣韻極渾古皴染殊淋漓蒼山洱
海色粲然明鏡披亦有吳越峯淺騰浮脩眉一經指撫
出小品都瑰奇言石石點頭願爲龍門基

灘上載書圖

累世襲蟬冕家無僿石寄廉吏生孝子孝子亦廉吏雙
親老壽去欲卜爽塏地藉非仁者粟奚以庀祭器粗衰

作書賈一棹走都肆上瀨與下瀨因極萬行淡但見虹
貫月便識先生至負土竟成冢羅列松栢翠葬錢取書
值清絕古無二豈乏賻貲盡卻不爲利至今東平雲
盎然詩書氣豐碑不生金但長苔蘚字

謁明鞏駙馬墓作

在今永定門外里許

傳言鞏侯葬近在南郭外華表兩僵仆虎馬兀相對夜
深翁仲語聽者一古檜人憫忠節魂樵牧戒侵害粉侯
英雄器詩禮雜劍佩巍峩鳳皇樓婉孌皇八妹胸有經
史腴大義述一再追尊建文謚力抹趙督敗其言雖未
用其古今究在危乎甲申變勳戚半馳背貴主已前逝

子女計五輩縛子女柩側從容理黃帶自拔干將鋒一
 劃玉頸碎杜門縱烈焰生死結大塊貞風揚其灰巧與
 宮火會故應無仙蛻藏在石郭內此葬竟誰屬無乃衣
 冠代惜哉碑字剥似受斧斤芥史藁與志異吾欲攻諸
 稗前者梅榮定文武見梗概同時萬太傅率子犯賊械
 與侯相輝映侯氣益偉邁我遊柏冬日肅肅下馬拜偶
 及笠橋事吾友發深慨同遊者梅柏言即歸展侯大書
 素壁倒金薤今年正月初得侯書極怙後肆其文云畫眉客夢花生筆詠絮人歸月滿枝可想見
其風調也

題郭蘭石大理詩冊

醉來搖筆醒來驚腕力心光結撰成書自願行出蒼秀
 詩從杜律得縱橫禁中方獎元才子天上徧呼石曼
 卿畢竟前賢無此遇九遷三召問蒼生
 廿載即當笑郭郎詩天月地恣飛揚東夷挾寶求珍翰
 西蜀焚香拜講堂四海墨花霑几席九河情淚灑篇章
 何人為訂名山業此冊應同瓠本藏

題鮑馨山母謝太君課子圖

姊把金針弟簡編九秋風雨徧鐙前須知母節心多苦
 一似蘭膏徹夜煎

漸看頭角玉堂僊又說文章萬選錢兒日有聞親日喜

最難增益是親年
章家紗幔匆匆撤
鮑氏花驄步步工
五色絲言風木裏
一篇瀧表淚痕中

我亦孤惻賴母憐
折菱畫荻度霜天
而今賸有牽衣夢
哭倒青山又七年

兩次過碧落洞皆未果遊作此
追錄壬辰粵東作

碧瀾寸寸皆秋色
慕此羽容非一年
周說到難蘇說易
我今真賦到難篇

感舊三首

畢子廉 鐫

火色重瞳大呂聲
行文亦麗亦縱橫
詩心直接陳芳國
才氣幾同禰正平
人說疏狂多異態
我憐直諫更深情
遺篇漸逐西風散
得一毫芒盡可驚

汪衡齋 菜

鄭御以外無餘學
守教而還此後身
口誦六經兼注疏
心通九變貫天人
靈臺大衍參相訂
以優貢入都海島
重差一再伸
受河督聘至河工測量每到清風憶元度
秀髭玉頰

最丰神

凌仲子先生 廷堪

論史滔滔傾俗耳
窮經娓娓動天心
禮經難讀偏能讀

古樂誰尋塊獨尋鞏悅六朝花十色秣穰兩宋帚千金
一瓢許酌滄江水記得山堂語夜深

即事一絕

荷澀雨纖珠疊疊柳長風軟綫搓搓窺魚白鷺先藏影
避雀蒼蜩屢易柯

題劉默園觀察乘潮圖

靈胥欲就海若戲素車白馬橫江來豈知篷背倚曾閱
單身折入銀山堆海童驚呼御騶掾雙足躋人如踏鱉
萊衣拜親親歎絕攜得江波兩衫袖忠信錯軀行水中
瞿塘忽近綠庾公孝子跬步無死地何況高堂禱佛聲

隆隆我渡胥江在秋杪幾被枚乘筆頭掃歸來談虎詫
奇變月白雷青天地曉

蕉雲二兄以盆桂見餉作此奉謝

誰將月窟閩浮影送入江南船趁風贈我兩株猶倚旒
環君八樹正玲瓏潞亭烽堠隨香至寶藏雲泉與夢通
聞道公餘親課士崑山片玉在堂東

題王覺斯爲宋雨恭續枯蘭復生圖

蘭枯不生蘭自昌蘭枯復生蘭更芳東風駐世長不死
但有歲月無滄桑識時務者推文康首議廟謚尊思皇
薦賢薄賦二三策口講手畫身琅琅 堯仁舜智領其

請浩乎仁氣春飛揚宜其子姓聯冠裳園林艸木爭輝
光根茂九地飽雨露華葉一夕回風霜燕山夢醒聞國
香酒酣磅礴烏衣王縱橫沈著各有態直以州聖兼詩
狂丹青果屬右丞相名德仍作中書郎吁嗟乎名德仍
作中書郎所南子固徒悲傷

送向三賢弟歸里並呈東壁賢弟

家學卿雲麗才名庾鮑新道深虛折已氣靜藹親人風
雪浸歸袖賓朋繞墊巾鵠原相聚處軟語話艱辛
不索胡奴米須依仲寶蓮舊香猶裊裊瘦鶴愈翩翩萬
感門村後千秋几研前機雲應入落看取著先鞭

沁芬叔外舅五十壽

金家香術門庭貴第五才名少小誇燕賞新篇飛墨雨
指揮能事落天花杜白云指揮能事回天地唐白云指
揮如意天花落君時以指揮需次故
拈此一剗內已通神理三折肱能採結瘕見說隆冬松
轉茂南枝卸樹門橫斜

題汪受之處士義烈事應寫園同年屬

弟返餘僊蛻兄歸亦國殤有膚成刻劃其血灑元黃賊
創避三舍君威藩一御至今風雨夜甲馬繞張塘
奪弟出重圍兄呼弟不知直教魂共語依舊手相持保
障烏聊接聯篇馬革危文孫青史筆雪涕補遺碑

臺花圖卷為沈聽篁編修題

蔗坡竹嶼兵氛靖賢府排衙對天鏡東風一夕萬花開
 不管閒人醉司命當時除夕綠衣公子裁錦箋惜春御
 史催花筵不須翦綵貼奇樹自有頃刻爭神仙萬家爆
 竹雷闐闐花光紅徧東南天詩成畫畢流騰馥波瀾直
 到雞林前即今將帥乘雪夜桐鏡到處壺漿迓時臺灣
 已得正用兵合歡釀熟送年光定有秋花壓春架番人以黍熟釀酒合歡為
 年

阿文勤五使高麗圖題者徧一時卿相內有德文
 恭題一冊照齋師見之以為家寶遂書一冊易

之師文恭猶子也

文恭詩翰真吉光天敕六丁下取將大阮琴聲小阮識
 片紙隻字俱收藏文勤數使西蓋馬欲捨對盧作羣雅
 名卿上相盡有詩一卷牛腰走都下文恭題句明珠編
 我師讀之喜欲顛急書一冊易其寶神妙直壓王羊前
 況師龍節履咸鏡玉兒宮袍發高詠乞詩乞札徧東國
 後月前湖兩輝映文恭手澤欣弓還我師寶翰增舊觀
 誰歟彙作鳳墅帖副墨海外兼名山鳳墅帖乃曾宏父所集多一時名卿
 相賢

漸冉

漸冉春如許輕寒勒不歸風隨錫笛轉月倚紙鳶飛
石無一語喬松今十圍九衢燈火夜衰病夢魂非

春寒

沿雲莽沈沈林煙又閣陰勒回春雉口寒到蟄蟲心
欹枕人人靜焚香牖牖深輪蹄如水去容得幾閒吟

統如曲

統如四鼓華堂開玉簫金管仍分排殘羹釘座椽燭灰
美人強曳羅裾來欲彈不彈箏柱哀欲飲不飲玉山頹
不敢臨鏡雙徘徊頰漸全褪紅玫瑰四座軒卧聲春雷
觀者且舞且却回明日落花紅作堆

雨後聞鶯

花外雨絲晴樓西過玉笙不憑鸚鵡舌自得鳳皇聲
順耳珠珠轉乘時瑣瑣鳴償教柔黹熟拚使柳枝傾

殘月吟

癸巳四月望後作

黑者古鏡白者鈎欲墮不墮天西頭山河影缺桂花小
歸妹篇篇目眇眇衆星的爍各爭光何況長庚蒂如掃
掃月月已殘雞鳴烏噪銀河澗朱樓采伴拜夜闌尚祝
三五明團團

有馴者鹿四章章八句

有馴者鹿躡艸飲流其卧衍衍其行儻儻風雨如晦或

見或不意其曷往乃潛灌蕭 狎人循閨雙絡疑月疾
呼弗叱如石聿兀何斯妄游豈爲飢渴忽被大創偃仆
水側 旅麗其性背羣斯俱得食不呼孰甚其儂舍安
就沾孰止其前禍樞昧蹈孰穀其旋 艸生叢叢有來
其風翼疾入林厥聲蓬蓬困人乃夢鹿由隍中謂予不
信往求夙蹤

初幼章孝廉贈詩盛稱園居之樂即步元韻奉荅
兼示令兄春浦閣學

宮壺雨露三辰酒扇枕兒郎儲一斗太君堂上會姻戚
自卯衍衍直到酒紗厨靜愛槐楸合水檻涼看鳧雁醜

是時仙官初退直西母正憑朱鳥牖園居屢動 九重
問佛樹何妨三宿久况當新雨生衆緣已見銀塘登紅
藕母曰毋久溷汝爲汝其勤慎報 恩厚不離跬步阿
奴在進退渾如左右手君家昆季可謂孝譽滿京華萬
人口機雲自是文章伯軾轍奚殊直諫友樹頭啞啞返
哺烏室內媛媛乳姑婦新居堂廡極華潔不似藤廳漸
傾朽我傍山坳縛荻障風雨漂搖聊且苟昔年亦奉板
輿至彈指斜陽感衰柳西鄰君况我所敬功名屬尾不
先後君才英持我所拜行見長風萬里走每當朗月憶
元度俯仰抑讓相人偶爾來瓢葉謝酒徒生臥禪關一

登守太君與發忽來止君定揚眉俯馬首平鋪紅雲蓋
明鏡鏡中天地君知否不然往喫茅容饌看取盆池集
瓠君新居
有小池

謝人惠新會橙

嶺南二果天下奇粵惟新橙鮮荔支荔如好女深秋月
雪白花紅沁肌骨橙如名士中粹溫美言悅耳香悅魂
我坐炎雲倍惆悵荔已曝乾橙未上妙才異地不同時
夢寐芳馨曾見之風吹削柿敏虛牖澆澆黃包覆沾手
冰霜遜冷蜜遜甘腴而不膩清而酣潤回太真三伏喝
療得相如十年渴何當酒醒怕羅開玉人纖指親拈來

可憐萬里得此果擲向潘懷奚不可神奇腐敗同一車
大摘小揀青霜餘天家不貴紅塵騎橘叟木奴沿故
事拚將俊味押網茶豈無相公忠孝家熊魚並好應嘲
我尚憶紅雲三百顆

程侍郎遺集初編卷五



道光十有四年十一月初三日奉



命敬詣

西陵查工出都門口占

修飭 珠正歲有程略如鳥象助芸耕深慚五雉司工

正安用雙騶妮騎兵時單車南陌霜沙虛點綴西山雲

雪各光明恭聞 玉殿多甘露先向松楸驗發生

初五日宿公輸廟口占

小寺明窗底 鐙光迫晚冬 遙鐘墮虛枕 寒月倚高峯 衲

野無禪意花幽有醉容 五雲來不遠 其下萬株松

初六日夜不寐

愧讀冬官記經營
喚柰何國工般爾
少林木液構多未
講恒沙算先繩
舊槩譌運斤防斲
小况乃見偏頗

易水感田光事

漏言污卻田生耳
田生到頸徇公子
豈容客復知其事
更聚白衣送易水
奚啻揚言告秦矣
嗚呼始謀不臧乃
若此寒風蕭蕭
筑聲哀哀白虹黃
日蒼鷹徘徊荆卿一
足廢武陽如死灰
開門坐待秦師來
何如烏頭不白馬
不角七首不入國
不削再訪高賢比
劇樂

大黷山感王彭祖事

八千妻女沈中易
十百生徒竄大黷
有婦堪陪石匄坐
此身空入棗囊盛

涑水道中

亭午無人指路訛
強披蓑莽踏冰過
山光西到飛狐口
水勢東趨拒馬河
此日村姬馱細馬
當年邊將枕雕戈
沈沙無限英雄魄
怪底顛風撼怒柯

喜將晤奎總戎先此致意

濟美文章貴沈機
武略宣威名周召
虎雅對漢虞延

兼管

故云 畫角昇平曲
青鐙大度篇
滿腔詩禮氣
髯也望

如僊

程詩印遺集

昨掃師門席今登易水臺祇瞻松柏路憑仗棟梁材修
陵工有歸管大臣辦理者三載停雲想雙騶送酒來詰朝鞍作几
隨意坐莓苔

祇謁

秦陵

秦東陵

昌陵恭紀

薄海人心肅恭惟

憲廟朝

孫神繩

祖武

任德

啟文昭銀漢雙流迥

後拒馬河

丹山萬仞遙

萬仞山名堪輿

家所謂來龍也

雄關通月窟華蓋倚霞標龍虎盤終古精靈守

大宵方中殊儉素斥土儘宮堯初日懸金殿輕冰抱玉
橋烏耘伸九叩雉正董羣僚驗樹皆甘露披沙盡寶苗
畏神兼服教弓劍在晴霄

徐無山懷田議郎

白檀東逕柳城分卷甲趨風敵不聞怪底田郎作前導
阿瞞猶署漢將軍

漢賊萌芽鼎未遷子春早天亦儵然若非空器苟文若
定作東溟魯仲連

公孫樓上無行迹袁紹盃前失酒痕只有劉虞真死友
西風鬼語到黃昏

桃屯 北距涿州二十五里有桃萬萬株

沙壤宜嘉果桃栽萬萬株春紅繡天地秋碧飽京都
黍偏勞助輪蹄莫漫驅年年風日美誰佩紫微壺
亦夥云鴉兒
梨出此也
外梨

旅壁有詩道關隘之險者作此正告之

入蜀青韁店通燕黑樹林奇兵須向導捷徑獨探尋
閣奚堪據軍都有底深儻推無外旨空費史臣心

○ 鈺夫少馬前輩招同李芝齡少宰何仙槎大空史

荔園少馬潘芸閣臺長極樂寺賞牡丹作此奉

謝

數叢深色十數枝竹間水際參分畦風露不與人工齊
詭花之富僧自語錦幕雕蘭昔何許舉袖猶作傾城舞
暖風融盡燕支山綠陰幽鳥深掩關動地珂馬車班班
從來賞芳兼賞葉如水如雲門窗溼柳絮成團裏蝴蝶
僧助供花爛供佛佛亦眠香極樂國日送飛觥集芳月
修竹請客鸚窺園自午逮申言笑喧莫遣蜀茶來叩門

○ 九邊

星鐔一指九邊收何止燕雲十六州鐵勒南來皆屬國
大宛西去半通侯渠彌有階魚龍睡甌脫無烽虎豹秋
自古得人亭障治長城萬里要深謀

逝水滔滔萬事徂可堪志士日愁呼更深月落星難替
春老芝焚蕙亦枯應劫豫且能結網乘時象罔竟求珠
長鐔短筆精神在只恐輕提付淺夫

○乙未春闈至公堂知貢舉作

俊乂四海萃日惟七千強其學有馬鄭其文有班揚不
乃命世才借文爲梯枕不乃福果人其文無短長皆入
龍門來翦拂登朝堂古槐閱客多亭亭覆中央夜燭
搖月輝七千人心光

受士士易驕試士士不靜藐茲三尺法難齊萬人性豈

無越畔戒亦有挾書令方聞自苟教小已懷詭競膠膠
復擾擾直欲反視聽道修而經明其本主一敬日習孔
孟語胡爲坦率行矮屋平旦氣宜思國恩盛

八面可受敵應舉亦何有誰剏速化術棄書等芻狗不
求文義深祇務揣摩久宦達味古今見與吏胥偶于經
識訓詁于史得綱紐其文縱未博其學已可守作者與
知者如以杵投白繆種倘流傳朝廷亦顏厚

汲井取新水滌釜試新粥水香解春癘粥熟果朝腹削
版若砥平且臥且書牘經營一不當懷中轉車轂萬緒
紛乘來脣焦舌瑟縮恐誤公期程難卹衆怨讎夜深煎

茗坐朋勸可歸宿忽聞衝颺發欲捲卑棲屋傍惶遂達
旦逃簷者風燭

風簾短檠火歷歷十二宵敢忘昔苦辛約束紛科條
皺眉對先輩近者何囂囂大弓不受檄翩反任其矧憶我
鵠立時官麾吏訶噍檢身守令甲邃志窮鐫雕彈指廿
五年師門日蕭寥殘牙怯餅餠禿筆無瓊瑤儻使促坐
試定煩墨汁澆此席已不稱况乃冬烘嘲

聞趙城警

城郭沿汾踞一灣傳聞有盜起榛管何緣突過韓侯嶺
莫使潛逃霍太山捐吏野心窺肘掖老兵擅目枕刀環

王師不費澆螢力第一須求破柱姦

絳帕焚香多伏處白丸入手漸橫行深憐上地爲儒禍
豈料忠宣闔戶兵 帝賜九河湔苦淚天留一廟鎮孤
城卽今豈少鷹鷂志須以卑飛寓擊征

至公堂卽事

整整華樓踐斗魁高懸天秤此量才西山樹色爭春遠
東塔鈴聲入夜來雲鎖碧連煎茗院日斜紅上候星臺
風簷四度辛劬甚且凭朱欄醅一盃

三月廿五日朱卷掃數送內簾至公堂無事矣塊
然獨坐作此遣興

春光溶漾花撲天九衢車馬朝喧闐閉門有客坐無事
但惜春去心茫然文章五色煥龍首評者滿堂出一口
闐門有客不敢詢却送星鐔上牛斗十本進呈由至公堂我居四
角槃中央宛若守寂依禪房煎茶午炎試水味攤卷夜
坐娛燈光箠箠聒耳啓閉節兩頭纖纖盼新月待者神
駿送金泥亦復歡如出籠鷓

題從軍圖

五千兵禦五萬兵以勇以略皆飛行大將談笑風雲生
諸將驚定還暗驚卻顧行軍老司馬顏色不變殊淵雅
問之何術可不思胸有六韜金版也秦蜀古道通猿獠

雪花洗戟風洗刀秀眉玉兒真人豪飛書羽章用枚臬
後來凱捷 帝其喜韓范勲名從此起關西節度持虎
節傳箭直到天山壘憶昨把酒論將才公言不測同晴
雷聚米山川要自畫成城志氣誰能摧從來貴精不貴
衆一失機勢衆何用無謀無導務輕進坐見元戎斷鞭
鞭於戲多算勝者得其雄三軍不敵羽扇風何況蠕蠕
子牙紛沙蟲

送張石州歸里

空谷隘知見北遊恣所學學成被放歸不乃名所剝名
食千載後藁火塊獨覺當其困憊際如鬥去其角公然

一第艱年富志方卓拙目炊且歎無亦道太嚴詎知鷄
兮手文錦薦美珎西來佇好語中霍鳴鷺驚

經訓貴門逕博覽岐中歧會岐入經衢非博焉所施君
慧涉萬卷如登高視卑剝淺遂深守信尤勇疑書缺

等斷潢其旁有神師冥心僚前古所邁皆巖竒經明學
既通出處會有時

小學貫羣籍喜子通不執六經皆勃宰麟筆尤所急妙
悟恒證聖匪鑿匪重襲餘事及詞翰秦漢藻羅香文成

思則綺篆罷墨猶溼近志九容奧欲使四元立門水卻
西流間響當闖入

君祖授我嚴獎誨若子姓君嚴我同譜欣契挫其敬交

誼六十載詫君獨也正逸氣陵參墟清盼徹水鏡朱郎

延不赴惠郎慕君名懸榻以書窟臥以詠記衰苦多誤

君去誰予諍解勑私自喜君去誰予證單車太行脊况

乃朔風勁古屋環水石積卷帶鐙檠賴有祁黃羊犯雪

遠相迎春浦學士時讀禮在籍

題潘芝軒相國金帶圍圖

公為天下才花為天下瑞莫論甥館比鄰地東南出相

東南花扶桑日升海宇霞黃茵慶雲兩際會朝官野老

同詠嗟幾人鼎魁作丞相少已安排老尤壯芙蓉鏡閱

四十年芍藥階高歷級上廣陵異種古所稀以紅作腰
金作圍公歸養久在吳會天於吳會開其機不然魏科
騶仕接踵有惟忠惟孝爲難幾和風甘雨人所祈百穀
草木生光暉昔者四花應四客今亦連開照瑤席公家
公望各端倪合有傳公金帶赤

道光乙未冬日海颿前輩典試江南歸出癸巳夏

攷牧太僕寺牧廠居庸題壁圖索句

先生相士江南歸龍文虎脊紛追隨酒酣掃壁施墨帚
句滿江山字如斗回憶壯遊過雲州五花款段千驂騮
邊日蒼黃邊月白點筆雄關試煙墨儀鞞帛口都入吟

支公章諷真苦心攬其英俊揜其雅從來相士如相馬
從來相馬如相人請看一顧空其羣

爲煦齋師題趙松雪蘭亭十三跋真蹟殘本

右軍鬼入榮祿腕天欲一火焚其真師于王趙爲替人
雖火其跡存其神六丁取去定無恙半在人間半天上
丹霞燒月色愈皎赤舌焦桐聲益壯從來奇蹟與異才
徃徃墮劫遭風雷紀信孤忠伯姬節萬人淚灑洪醞灰
君不見昭陵罽紙踞龍虎鴻爪雪泥留定武明珠錯落
十三跋待聞王孫用心苦我師精寫還棄藏佇見歸舫
騰虹光豈知寶玉三日爨真宰上訴天蒼茫誰摹繹山

垂琳瑯妙哉響拓傳硬黃公孫弟子舞劍器波瀾莫二
神揚揚吁嗟乎波瀾莫二神揚揚何止買王誇得羊

追題吳南溪先生夢遊黃山圖

三天樹石清而蒼水環老屋書環牀直廬退食恣晚步
落日遙見西山黃綠窗朱戶自天上茅厂竹籬非故鄉
秋來對月歸思長一夕夢繞秋雲涼讀書咫尺悵未到
遊宦千里心茫茫天都蓮花路險絕飛鳥斂翼猿獠僵
孰居無事推行是尻輪神馬紛翱翔七十二峯題欲遍
墨花飛處松風香先生峻節垂諫章衆山一覽如平岡
胸中雲海盪無際自然逸氣排天閭幻思臆想乃寶境

奚侯形謀成其光我生五嶽見其四未得一浴靈砂湯
每朝把卷趨書堂落日亦見西山黃昨宵偶展夢遊卷
仰止嚮往殊傍徨神鴉樂鳥倘予好便策竹杖餐松肪
真耶夢耶不可詳請隨赤松張子房
先生作此夢時在廬故詩從三天叙入
此圖亦在上書房直廬子題

題錢舜舉梨花卷子

習嬾庵中半醉時
舜舉有習嬾庵每畫須半醉時乃佳
戲拈瓊管寫瑤姿

六陵煙樹春來否寒食東風夢折枝
舜舉為宋遺老故云云

玉兒風貌雪兒姿薄粉慵妝小立時萬蝶分香渾不管

溶溶好月在橫枝
萬紅狼藉蝶分香舜舉句也

酤酒花前雪壓枝王孫佳句稱清姿人間不少瀛洲雨
粉墨飄零又一時趙承旨題錢舜舉著色梨花詩云繁
枝壓雪凌風塵又云與君酤酒花前
歌可見舜舉梨花不止此
卷特不知猶在人間世否

春堂前輩令嗣孝廉計偕來京以卷索題

筵畔忽歌驪無端出餞遲難乘千里興彌助十年思重
席談經口雙柑斗酒詩都將風月筆付與稱家兒
邂逅稱家兒長安望杏時雲霞黃菌瑞冰雪古松姿合
采長生藥應刊絕妙辭叱羊隨子去吾意欲東之

喜雨 二月十八日

鬱鬱黃雲捲暮沙喧喧急雨掛簷牙風圍數市翼軫月

雪壓滿山桃李花收拾癘疢歸溟滓寵光牟麥出萌芽
新花早葉愁炎曛輸與濃陰作歲華

看春口號

東風用一力樹樹爭天斜誰登五雲上看遍九州花

煦齋夫子以文孫申甫入詞館紀

恩詩見示敬賡原韻

深宵吉寤語匆匆見公詩
自註又見文孫入彀中天鑒忠忱

增世祿 聖知詞學是家風一門彩筆干霄豔累代宮

花壓帽紅說士肉甘真食報故應萬口頌山公

數到花輓第六賢自文恭公至申甫世
兄入詞館凡六賢詩才賦口總仙

仙星辰履向尚書接

文恭公文莊公

日月文從宰相傳環珮皆

稱大手筆

先生庭

籍咸同詠短檠篇

時芝圃侍講率申甫吉士同攻苦讀書

東山此樂超絲竹滿目春光引鶴年

徐廉峯仁弟詩律精密才筆華整得唐賢三昧頃

以問詩圖相屬因取問唐賢意仿遺山絕句奉

荅略舉數端呈漏正不少也

瀆波橫制掃齊梁合著黃金鑄子昂為問宣陽文百軸

何緣續以慶雲章

宣城高詠聞牛渚崔顥清詩在鶴樓為問天才李供奉

等閒摹擬鳳皇遊

少陵無體不雄奇韓子精神托古詩為問南山綠底作

可能無愧北征辭

賦才雄界合低頭無本相隨逐未休為問坡仙與元子

漫勞辛苦謗詩囚

儲章雅淡得天然各體精能數輞川為問高人誰比似

清詩句句盡堪傳

扁舟清晝工摹擬五字章即乞賞音為問微鐘坐來歇

奚勞求應不弦琴

賞花新井本傳譌內寵虞箴炯戒多為問司勳街子報

卻將輕豔詆維摩

探源屈宋竒而豔古錦嘔心在謬悠爲問少加名理處
幾何不讓棗強劉

樊川俊逸飛卿麗暮氣詞壇拔幟登爲問微之翊風教
緣何抑瓠獎邨凝

井泥博辨韓碑奧疑杜疑韓不可詳爲問藩籬窺得後
可容承旨復升堂

不書姓氏識文房少伯思清庶可方爲問偏師攻得否
只堪佳句敵錢郎

高歌金石留書篋狂筆雷霆走雪車爲問杜韓何嘆賞
左攜白跣右劉義

武功焉可配君虞絕倒張爲主客圖爲問黎神胡異趣
餘波卻遣四靈瀦

鼎邊喜服環相拜灰裏陰何撥欲焦爲問幼文辭絕妙
何因遍訪北山樵

自題明星戒旦圖

睽睽明星照我北堂我母不寐曙寒如傷我省北堂卿
饋醢漿今母何在索母無所獨與卿處明發自悶眷懷
夜氣夜氣若何夢母婆婆

明星庚庚我趨未央寮窠我晒昨候三商

道光壬午冬
日成室時在

內廷保
值未請假也

君恩大賚母拜母喜曰弄其餘畀我女

程侍郎遺集

子子母以女畜媳

我剛而誕卿曰非宜大直若詘道固

委蛇去天咫尺子其敬哉謂余不信明星皚皚

明星燁矣日載暎矣母曰昭昭請視息宴凡百慢心萌

于不見庇家有政可移於官眉睫之際大賢所難報親

已矣報君邇矣前路浩浩涉淵水矣天下有道我蔽子

佩與子偕老

白小山尚書以狷掌見餉蓋一掌一蹠也詩以謝

之

右手持酒尊左足躡履齒梳柳林中月如水不勝盃勺

枕石眠分其一肢值萬錢尚書待雪香山社正剖駝峯

裏龍鮓德之休明致遠物直自南交走都下其音妙麗

性好啼掌能拱揖能提攜想當握手舉肥際摑拳見血

言酸悽籠中惟僕及酒耳此語已感黃封谿即今僅見

胼胝跡只合金鐵煮銀液可羹可葷况知奚必女脣

甘似蜜脣脣為上珍

尚書餽我勸我餐我擺其指驚相看探

囊合出昌谷錦擲米應向麻姑壇厨孃皺眉欲削難有

懶其手熊之蟠歲方晏冬且暎招朋儕洗玉盞乳蒸酥

裏遜此味一嚮春風敵三盞更縛珍毛配斑管送與尚

書書古簡

青鐙有味圖為曹太傅師作

程侍郎遺集

寫此青鐙味時當孺慕天

公前序作于丁巳年

尚書親講授星使

屢回旋寢饋五千卷飛騰三十年秋堂風露好寢繞短檠邊

赤子心常在由來面目真佛光初祖地相業讀書人炳

燭沈麟士通經井大春醇醇良有味背誦口紛綸

老年書味減欲讀苦遺忘公有記珠在故如初日光

自強識如少壯時九天藜火碧五夜菜根香清靜黃扉裏依然

舊講堂

高文才八斗巧對壁雙聯焮掌懷三五傳鐙徧大千

下士徧天下詩書真可恃虹月至今懸何以荅明主每朝

猶百篇

遊寶藏寺清涼厂

兩峯忽破處一榭明以敞虛無盡齊一萬綠與天盪高

樓出頭角圓水畫盆盎塔影墮煙細城齒齧雲上九重

連萬井五色日晃眼慶霄龍虎氣人定自來徃天苑幾

處羅瓊樹夾金膀靈風山背至盛夏萃森爽雪泉與月

夕清境勞夢想誰將千里目舒卷一指掌憑高豈不快

望遠失之恍見牛不見曉離朱同象罔三歎返幽寂鐘

魚正文響

三月廿二日奉

命詣靜明圓龍神廟謝雨敬紀八韻

聖主祈甘雨川祇護醴泉慈雲隨念至靈液應時宣
麥翠三農慶花紅萬井妍趨公搖佩急銜命獻香虔
廟貌山腰迴牆陰水脈圓周迴鳩鵲觀清切濯龍淵樹
色深春後煙光半霽前歸鞍尤愜賞活活滿新田

送韓珠船侍御歸親

博羅韓侯冰玉姿工詩善繪能文詞炯如秋隼立太華
骨瘦氣俊神嶽寄白馬上章動帝咨神羊識字逢清
時會看金紫拾芥得卻道歸夢連環持自別庭闈廿數
載大母含飴二親待從來愛日珍如璧惜寸惜分金不

買上公華袞水蒼珮不及兒嬰伯俞采延齡益算何物
竒遊子歸來壽人愷春風料理書畫舟萬花紅到天南
頭望雲一日近一日餞酒三醕還三酬旗常鐘鼎君自
有孝經一通常在手杜世間豈少絕裾人逢著何蕃便
搔首

憶春

鈿轂金鞍競五都衣香鬟影仿三吳海棠庭院春如繡
燕子年光雨似酥畫裏遊絲難捉搦夢中佳句半模糊
誰憐讀易局扉客看取燕菁繞砌鋪

丙申三月下澣邀陳雪疆先生俞理初黃香鐵温

雲心孫柳君諸君集棗花寺看牡丹分韻得寺
字

抱罕其頎洛鄆粹江關百變尤姝異
竭來一抹姮娥面
偶見海雲紅照地海雲紅紫牡丹也寺中皆粉紅惟有魏紫一叢七寶不欄錦
不悞風焦日剝粉題瘁可憐文讌蕭寥甚花亦包羞不
能媚金車塵塹瓦鼓鬧息媯無言玉奴睡不有夢中傳
彩筆誰暝花魂拭花浣雅材博學抗希古麗句清辭客
名世坐客皆負異才淵淵浩浩杳難測相對渾如不識字偶然
談劇露鱗爪一吹吹來萬夫避漫將何肉惱法喜卻具
伊蒲溷香積有芳奚待正封咏無酒不令陶公醉逃哉

貞觀逮今日幾飾丹霞幾傾墜何況花光草露跡一剝

羅頃琉璃器試看諸老牛腰卷更說僊人親手植謂紅杏青

松卷及丁香詩碑南能文字果持久東海揚塵非所議詞源心

印屬五客走亦籠東驅下駟綠陰啼鳥日轉午紅香叢

蝶春已季祗愁孟婆起蘋末復盼春龍渥芳意時正望雨緒

風且訪芍藥榮後約斯烹善荀概豐臺極樂俱在遠有

興仍尋棗花寺

題鎮北主政秋鐙課讀圖

翦刀聲急書聲苦窗外秋聲又風雨兒飢母倦不肯休
心念哀哀九原父母經通貫傳與箋兒經背誦傾流泉

一鑑如豆眼如月老屋荒江年復年懿哉吾叔果英發
敏捷文章貢金闕春風一騎報鄉里堂上太君未華髮
鄰翁鄰媪話昔初不負折筮親課書了了雙角母喜否
今已為郎為大夫母言科目兒固有願得高名挂星斗
也曾口授范滂傳亦頗心希仲暹母即今官暇萬卷開
千辟萬灌成竒才問罷起居門經義潞河水滿安臚來
時太夫人將就養入都

穀雨後四日奉攀芝齡少宰仙槎大空鈺夫少馬

芸閣臺長小集國花堂賞海棠少宰以佳句見

貽次韻

草具羅三白林妝合五家掃除青豆舍枕藉赤城霞小
醕金尊凸高談玉塵斜好憑天上管來染夜深花
春色遽如許難禁蜂蝶狂禪關扁采伴芳國拜詩王前
輩餘壇坫清時有豆觴畏吾村畔路還為洛花忙

縑仔玉印詩

截肪方寸腴可餐繆篆鳥頭紛屈盤日華映雪愁爍灑
點朱入肉紅而殷縑仔妾趙文四言縵衣為縑稱聲婦

官亦云健伙舒舒安大當以下推崇班漢武帝制中宮

貴趙氏位健仔凡三一天水一姓三其鬢趙氏位健仔凡三一鉤德鉤弋高居

堯母門雙燕飛啄倉琅根苦云拳握玉鈎闌得無纖指

親控搏金霞帳底月蛤團得無擊此掌中看夜光珠照
膚體寒得無珮此來珊珊可憐姊妹承恩歡父馮萬金

非趙曼何如望氣求河間奇女子有黃雲漫時無昭儀

位尤尊金章紫綬同賜頒鈞弋時使各最尊至元帝始設昭儀位在使仔上此

紐文采鴛鴦蟠叩鴛無語深可歎鴛鴦自有分明尋其

流傳自冰山據李竹懶記此印嚴東樓會寶之冰山錄乃藉嚴氏譜也亦弄墨林紫

桃軒墨林所藏比來歸龔復歸潘龔定庵潘德輿日千接掌百

循環媚虹嫵月秋霄千想當印信初封完嬋娟煙視花

破顏無論錦帶誰確刊總貯金屋珠奩端三千年來數

梁園見梁王后壘此尤芬逸夸季蘭願將紫泥印千繡豔

呼官氏留人寰

○顧南雅畫梅為何子貞題

篆籀為花艸隸枝能將八法變恢奇林逋老去圖佳婦

摩詰生前定畫師大有精神向晴昊可無題詠映當時

參橫月落寥寥夜消得何郎絕妙詩

丙申七月七日攜酒食就友石同年宅奉邀吳荷

屋徐星伯兩前輩温雲心同年各攜書畫會看

荷屋有詩因荅其意

七月七日宜曝書東鄰竿曳貂襜褕西鄰遂啟長康厨

標綾碧鸞錦擣蒲蔡經家有狡獪珠輦珍鬥之温與徐

長眉秀目延陵吳似米不顛倪不迂藏弄精贍東南無

亦攜躑玉籤珊瑚免中徐公今漢儒手繪泐澤昆侖墟

星伯前輩經術湛深尤精西域地理袖易瓠本稱宋初是日攜宋槧飛卿

嫺雅清而臞欲觀北苑當從吾雲心同年藏有北苑蔡

侯一一自卷舒每發高論先大呼友石同年收藏富九

經三史誰則儲鑒藏家以張吳顧有唐宋元來于于書

訣喜見龍蛇攄畫禪靜靜對煙雲鋪或徵古制瞿與觚知

人論世訂史誣晴虹出爰光照廬興酣談鋒敵兩都評

書讀畫豈俗夫昔有姚古歐陽蘇攷其政事皆偉如何

曾趨趨轅下駒掄魚反兩叫臬盧左提安陵右閭胥引

之雅筵輒嘖嘖曷若守此千金壺以較博奕猶賢乎我

珍敝帚懷珉珉徒以耳鑒知其麤秋光似水雲似練銀

河倒浸新蟾蜍滿堂欣然酌市沽臥遊何處非五湖穿

針樓下走白魚今我得見秋山圖陶秀實因秘閣曝書

評公詩天籟吹菰蒲我詩自笑詭癡符

贈徐星伯前輩

指掌河源米聚山蒲昌葱嶺屹中間千秋著作天公界

故遣甘英度玉關

兩賦已傾耶律博先生著新彊賦為千古奇作一編還

證小顏疏漢書西域誰憐雪海冰山外獨據銀鞍纂異

其子鑄以漢游沈
其說西域金石志
備仔
其書有德正書其

書

小策青驪顧盼奇
刀光如雪擁新詩
材官伏地先生笑
勒馬天山自打碑
先生手拓姜行本紀
功碑海內只此一本
數載流沙賦采薇
刀環夢繞馬頭飛
袖中拈出昆侖影
抵得封侯萬里歸

潘紱庭琴趣圖

琴德悄悄優矣
風標舉舉僊乎
但道體清心遠
不問成虧有無

琴在綠陰有夢人
如文鳳儀霄滿腔
醞釀詩思只待天
風海湖

拈花寺有元人畫雪景儀徵相公辛未年題一詩

今復衰池命與荷屋前輩同作即次元韻

山容詩影清可畫
紅樓玉溪天半挂
繪者不名題者貴

值抵千金國門賣
碧紗籠紙佛火照
廿六年來挂香界

辛未至丙申觀河菩薩重訪
舊鴻爪不磨雲不壞
門前

補柳感今昔
馬上尋詩寄清快
渲染難窺摩詰粉
以摩詰

弓彈粉吟題疊見勃海怪
覃溪先生荷屋前龍工試手

呼欲出甚盼雪馬用霧珠泉上拜
屬僧寶此文字禪雨

護漏痕晴要曬

送梁芷鄰前輩巡撫粵西

孟晉急展采志銳養益薄大道在易退一寂弭六鑿功名等墮甌謀慮蓄虛壑惟退心炯朗惟退志澹泊其量乃曠遠其學遂深博古來勛業士弗受簪纓絡公乎十載息初士已屈蟻會當急流際美疾三載托天賦逼身至鼓翼上寥廓市歲行萬里晴空一雲鶴返叩中所有著述柱延閣 帝知确乎者不腆位與爵 昇爾邊要地收取濟時略

二嶠

始安臨賀

縮轂口盤江匯流東

合省水皆匯盤江而東

山竒水激

清八桂天府雄南交襟其邊苗搖羸其中一笑不足籌秦平同我同政和訟則理蠻髦環一宮政頗訟不平赤

子皆羗戎恭聞馭邊策清德實可風捐金抵珠犀種苜百技窮公清比湘源已半智勇功

十齡識公始壯乃共官轍後堂拜老母小燕賞詩訣荆州喜相值落帽對弭節吳門銜恤過公喟我嗚咽交情四十載一聚償百別翰墨古香冷文酒心印熱連歲與公遇相對各欣悅公望日赫奕銘勲到地岳我學苦多岐又苦障未徹荷重覺力淺緒劇媿才拙公乎盍牖我使我明作哲厚穹久不雨風燥氣炎烈南行犯溽暑北望隔朔雪設施先巨端拔擢定英傑遙聞樂職作不覺履齒折

賜墨樓詩和雲西宗伯前輩元韻

宗伯親陪介雅筵異珍 頌下翦鐙天曲宴而墨尤可寶 賜多珍

早間硯側呼松使欲向人間畫墨仙以漆投膠新制度

乾隆年間取金元以來古墨碎者重造或擬印曰大清乾隆年長春國精造 如香著紙舊因

緣絡煙方法搏沙手尚憶 堯書點竄年

長春記劄證當時此論曾徵大庾師班孟文章隨口就

先生工詩文甚敏 李邽精采隔囊知先生善鑒墨 鍊形又歷 三朝

久守黑渾忘一已私好築樓藏烏玉玦國花庭院露初

垂先生庚前壯丹頗盛

釣魚臺展襖和荷屋中丞韻

舊水續續新水新一洗九陌西風塵齏淪曾滙百泉

空廣奚啻干由旬况當雨後清粼粼長安水邊多釣人

昔者照見林宗巾本來無垢亦不淨奚為濯此久壺身

觀河面皴付一歎刻舟劍墮忘其痕犀首無事且飲酒

任公得牒方垂綸莫持絮果嘲蘭因花開花謝都無定

眼中日月雙丸奔展上巳日真良辰張裝袞袞得妙理

擊束斷斷紛解神百昌相待娛冶春窮渭之亭洛之濱

公詩清拔決勝頻令我再拜呼吳均

海帆前輩以椒珠見贈奉謝

寶裝綠貫綵垂經巧作牟尼磬阿形花底能招赭爾鳳

天邊疑散玉衡星
新紅蜀雨槎來辣
舊紫朝衫染後馨
豈特盈升說蕃實
還同鏘佩上明廷

海颿前輩約赴握
宅看菊還集尊齋
菊亦爛然敬

步元韻

兩地秋容絕點塵
信香寒蝶勸頻頻
膏騰送酒非無客
辛苦栽花大有人

上客爲芝軒相國
座中皆受栽培者

飲戶窄愁觥樣侈

詩懷圓與墨池親
晚窗冬愛暄妍甚
好共東籬作小春

嘉平十三日大雪次日未休積尺許矣奉約吳荷

屋中丞徐星伯前輩徐廉峯編修集鳴生舍人

寓齋分韻得表字

去冬冬晴六花小
今冬冬壞蟄液雨少漫言蛹孕宿麥朽
愆陽中人人振掉
九重捧鬯對天語一再祕祝通
深杳陰雲下垂不俟霰如毳如荼地天皎萬人提壺欲
起舞一客犯寒先破曉
吳家庭院倚桂樹手召素鸞來
木杪鄒枚既集宜作賦
其柰堅久結墨沼斯時凭檻逞
心目但見銀雲收不了
數峯玉色逼幽戶一碧城陰界
飛鳥夕暉烘出絮
温燠眼月盪成波浩渺過去輕車似
煙艇誰家古屋覆叢筱
超然臺與蓋公室直以高曠兼
宵窳塵談觴政越三鼓耿耿橫參醉霞表歸來偃臥不
噤啐夢見明年飽新麩

東坡生日吳荷屋中丞潘芸閣祁春浦兩侍郎徐廉峯侍御集顯處視月齋拜笠屐像觀荷屋中丞所藏宋槧施顧注蘇詩本以一曲鶴南飛分韻得飛字

紹聖二年臘十九重辨師以書為祈是年公六十南華重辨師以書物相

祝元符三年臘十九談妙齋裏香初翻是年公六十五與蘇伯固集談

妙齋集名香斜川數詩頌公壽斜川集壽大人詩六十五是七言古六十五是七

言律一居惠一度嶺歸楚人祝兮越人襪金籠放鴿鶴

南飛白日上昇果何事見斜川集公乎得算未古稀豈知七

百餘載後歲歲祝公歲終儼人生安得如子壽有道或

月相賓依斜川集壽大人詩有道或官來相賓公詩百態窮深微願乞公

授妃呼豨公今遊戲人海否青衣告夢來頎頎北斗亦

飲真一酒西山誰采元修薇奚勞想像寫玉兒一十六

星天際圍延陵宋槧世所希乾嘉名輩排珠璣或題或

詠或圖畫五家隊繞三春菲公詩貫中譬元氣百骸九

藏增其肥前日對雪蘆之碕今日叢書門兩扉風篁二

老是邪非勝友且辨且進噦沈達同甲偶然耳退之磨

竭其庶幾四十監州賦杞菊五十八侍腰銀緋功名百

歲亦草草英靈萬古高巍巍俱言水仙合薦菊爭向戒

祖求傳衣我詩險拙儕劉輝公其晒我杜德機四賢詩

至詩印遺集

成左右揮梅花笠影春風幃

陪儀徵相國遊萬柳塘四首

屋少水逾闊寺孤雲自行甘棠五畝宅梵樂六時聲壇
坵名猶震岡巒勢未平萬人齊種柳省識好風情

補柳綠生波

蓋都種柳儀徵太夫子補柳

花禮鳥亦歌星朝觴舊雨

秦小峴

霧夕詠新荷

公偕朱山人常宿此

安用樓臺起依然風月

多碧紗籠宇處卅載未揩磨

草橋休誤指柳徑屢成圖

公屢圖此又有柳迳停雲圖

煙水傾東墅

風神蕩北湖

公泉壑在北湖

望崇文潞國學貫漢經儒弗倦登

臨興鳩筇不用扶

春從長者視半日話拈花

春間與吳荷屋中丞侍公遊此

偶借郇廚饌

兼分佛鼎茶水香留墨瀟

諸鴻博舊遊地

地僻入煙家再訪蘆

中客還應憶子華

題石夢詩畫

為吳荷屋中丞

點綴霞標入畫家菁騰楓迳一停車卻將夢裏卸遲錦
喚作天南苟扇砂

翰墨淵源自一家晴虹飛繞載書車歸裝只有鬱林石

分賦都無玉象砂

李支饒事

倪黃一角付煙家我亦追隨兩相車淺絳峯頭歸夢遠

玉池溫水養丹砂

黃山有硃砂峯下有硃砂泉即溫湯也

題吳荷屋前輩衡岳開雲圖

衡山如臥如障雲風出軫野連江氛衡山上應軫宿故多風埃五峯
飛霜六月冷縱有皎日陰霾吞開雲霽雪偶然耳往往
自誣夸異聞海南仙人總三軍擣虛批亢排凶門桑弓
失鴈俱崩奔繫其僕鑿如招豚但將衽席奠瘡痍不與
貌虎爭功勛去時望禮祕祝繁歸時凱歌雲鳥喧鳩筇
不杖杖師節乘輿直到芙蓉尊飈翻鐵瓦夢犀甲斗插
鐙牖通天閣五更起看海潮沸九霞中擁黃金盆湘流
五疊綠成帶楚山一抹青無痕鑿翠惟聞盪胸句磨崖
卻少班師文年時滂荒走干却肉其白骨歸其魂今茲

旁午散羽檄獨坐大樹忘朝昏岳靈鑒此一腔熱故假
神柄聞荒屯人爭持贈嬾殘芋公亦屢拜當陽 恩憶
我瓣香叩華存眼前咫尺迷濃霧大星螢滴敗絮裏竒
冷媚縮重裘反媿公同飲澧與沅公名遠掛扶桑暎

立夏前二日鈺夫前輩招偕仙槎大空前輩偕同
人集極樂寺看牡丹

漫勞撫景歎辰徂榮戟門高積慶餘見說犀光明夜渚
更傳荃體豔秋蕖日華學士非無賦城旦司空別有書
自古入貲偏異用試看黃霸馬相如

每從方晚滂方中便覺流光水樣同捫籥談天馬不學

捧塵益岱竟何功
錐椎等用憐余拙
孳瑟兼羅羨子工
瞬息東風過
宣曲宮花先擢一枝紅

槎河山莊詩爲劉燕亭太守作用朱文正韻

九仙山容九仙骨
篤毓人物皆堅芳
下有邃宇樹竒古
上眺海若煙冥茫
文正讀書比文彊
埽秋不使三徑荒
文清繼起兩相世
揖讓燕許包韋匡
江湖魏闕天一方
謝墩付與烏衣郎
人多屋少笑語闕
圖書雞犬兼牛羊
何人政成謝名航
甘棠五畝留馨香
山莊爲方伯公築 一屋幾
比百孫院累世遂
獲三公祥仙莊水石
集元白妙筆烟
景超倪黃披圖疊
見瑞室頌並海先
問麻姑桑西豪里

門鄭公鄉清芬舊德胡可忘
居官牆仞記先友君其冒
構追黃裳

三月初九日晡風而雨上天漸黃赤且晦昏後忽
小雨亥刻大雨次日卯刻乃休是日吉亥

聖主行藉田禮喜而有作

暉暉未收風捲沙閣窗無燭飛黑花
須臾樹響砌紋溼如喝忽飲甘露汁
堂虛幕冷度三更此時無聲勝有聲
風力漸增檐溜動九衢車馬斷塵塢
傳呼清蹕法駕來綠雲燈影觀耕臺
尊旁布樂歌起風聲雨聲殊未已
洪縻弗御天顏歡班三畢從
天日觀黃金白璧

買不得雨自 九重念中出音官候律說協風況乃三
白連春冬農官情職笑拊缶自今以始歲其酉

三月十三日送

蹕後偕荷屋中丞極樂寺探春中丞飭辦素食食之斐
然有作

佛以香爲國香緣即佛緣燕商三徑雨龍掌百花泉古

閣餘焦士

明進士曠
鳴鑿事

新居儼列仙好春謀一醉曾爲海

棠顛

東雉西勾路和風送

翠華偶聆光政罄來飲趙州茶

象笏勞參證瓶齋只吐嗟園中無限樹先放倚雲花

玉淵潭茗話

玉淵潭上水萬疊綺羅風風戀柳陰底山眠花霧中談

高魚夢警坐久鳥言窮太息王飛伯文章爲底雄

王鬱
字飛

伯金人隱
居於此

送吳荷屋先生藩閩

罷鎮猶提半段槍毅然雄略靖都梁

教匪圍武岡公已
罷鎮猶提兵剿撫

五年美政聞 天語六月培風到海壘芳草綠添新墨

沼

公前在閩捐廉
築鳳池書院

好花紅徧舊甘棠壺漿父老喃喃話

博得籌邊兩鬢霜

沅湘使節際艱難左擁文書右據鞍十萬鴻磬朝索哺

三千瓠種夜探丸論功漫逞鷹鷂志報國先求衽席

安退食從容尋治本一編官禮炳如丹

輯吾學編
通古今禮

憶昔初傾大雅材蕙馨仁氣拂雲來隨公種橡誇滌土

助我棗經影相臺推測深微風削梯商量出處月銜盃

誰知一紀重談讌玉躐金題取次開

居近門幽儼陸沈茶瓜鐙火度宵深偶因埽壁成三絕

儻用封侯抵萬金此去再花旌節樹及時還譜荔支吟

春風帶雨東行急無限人間望歲心

解環

解環固不易理絲良獨難矧乃環九規重以絲萬端心

手俱茫然挑鐙起長歎抽刀斷其絲引椎碎其環炯炯
天際眸豈在牛背閒

題賜馬圖

侍帝左右帝所親必有良馬如正人馬知人意惟

所命一步一趨無不敬龍媒俶儻天閑來曾游閭闔

觀玉臺再拜撫摩不敢策踏月追風倍珍惜河間禮樂

東平賢朝回覓句籠吟鞭道逢監牧王毛仲猶說馳雲

域西貢鞞中口齒圖所難並圖賜出真榮觀何當騏

驥鳴樞下三世好儒同好馬

湘林侍郎以劉文清手蹟見示一七佛偈一手札

一會榜貢士名及文評各繫以詩詠歎之

淨飯生牟尼是為第一祖如何金色伽厥位次第五意者大善生乃與勝觀伍聲若師子吼口作梵唄語如何說偈時乃成五七古得無大迦葉潤色金剛杵洞門一童子性契宗乘譜似六朝人書姿態何媚嫵遠紹裴公美皈依說淨土 右七佛偈

二王揚其波蘇黃溢其瀾匪為書沓拖吐屬亦可觀公晚右軍鬼公筆元瑜竿千載懷袖中字字青琅玕右手花飛放榜天官燭搖露初餬名忽拆名一笑淡墨書瀾茗重論文昆侖得意珠朱衣旁點頭品評殊不誣試官

老歐梅進士今韓蘇古楷追鍾王竊恐歐梅無譬寫千佛經智慧隨如如智慧如如皆佛名右貢士名及文評

花筩

截竹貯雲霞如瓶累累加鳳皇十二管旌節百層花旌節

花長五尺層層有花綽約移春便蕾騰拂帽斜洛如文字樹比儼洛如花形似竹最清華即有文士即生

殺青防迸裂集豔貴鮮新金帶圍君子邛笳醉玉人芳根深附托大節本輪困一顧盈門爛風前倍有神

題徐訪巖同年灘江送別圖即送之官皖水

出守甫六載拜恩已三擢天日照庭戶臣節易昭

倬徐子路南傑內瑩外抱璞望即治劇郡到處頌魯卓
全活千萬人適會閩災剝閩人方截鐙灘江倏鼓權鸞
驂戲桂海飛旆指瀟嶽九叩謁 前席 溫語聽數數
君房善應對德滿情益慤選我待漏院未語臂先捉君
謂我晚士定知晚純駁我久別鄉里風聽殊不確昔者
邱公能不受吏胥督偶施霹靂手一怒痛呼晷今聞周
侯猛巨憇挫牙角清領半焚棄妖霧斂蒙濁新安好山
水棚戶恣采斲木伐山則童石墮水乃滲藪盜大藏垢
伍伯不敢撲歲康尤可畏山賊弄刀稍別攘如何先想
見智珠握憶我訂交始丞相敬經幄老鳳正軒翥迦陵

尚雛敲秋鐙課風雨一友忽剝啄邇來廿餘載人事等
夢覺其聚若萍梗其散若風殼君從江鄉來圖繪出新
貌詩筓舊雨贈千珠貫百珎聊且避暑雨聊且飲河朔
歡促襟未暢別速感愈邈上將酬 知厚下不負所學
諸生選何武試聽中和樂

程侍郎遺集初編卷之六

彙詩之失題者及詩餘試帖都爲一卷續有訪獲補入此

豐樂溪圖爲吳雲蒸明經作

竹樹圖書共一村樵夫談道女能文
取憐日午東風醉

十里溪花染白雲

春來桃花最盛

軒冕高華德業尊
幾多名輩托衡門
催租舊券鐙心紙
半是容臺屋漏痕

一雙牙管餘清在
十二珠樓舊跡蕪
曾記豐溪談讌事

萬梅花裏望天都

老樹周遭曲沼明
疏花細竹遶籬生
分明一覺江鄉夢
只少泉源徹底清

程侍郎遺集

黃霽青太守自潮州寓書來並寄二律次韻答之
君宦東南天地間我行病暍困江關每當藥鼎煎熬夜
輒憶詞壇突兀班賢守神明知肉攫長官清潔感珠還
如何忽厲投簪志急爲菹鱸返故山
聞君曾抹鵝亭灰陰德如斯合再來寄遠勞勞頻付雁
登高草草一銜盃魚龍影裏知交散鶯鴨聲中將帥回
快讀摩圍好詩句滿腔愁思豁然開

薊河南下喜峯斜戍靜烽銷舞亂鴉一塢白雲填夜雪
萬株黃葉戰春花上陵聖主清嚴蹕觀禮儒臣薄

笨車獨有中郎淒欲絕荒墳麥飯隔天涯

真人與道壹水炎不能傷憂患來紛紛一笑如驅羊大
事在忠孝餘情寄文章文章博且敏其聲清以長良玉
三日炊神劍千年光卓然老名宿曾坐中書堂翰墨有
奇緣已上雞林航

亦有憂患懷俯仰戀北闕 君恩報未已家祭飄以忽
道遠七千里時閱三十月朔風吹不冷耿耿寸丹熱新
詩吟不已字字海東雪

孺孝繞膝諫怡然公懷開閣筆正商句忽報金雞來上
有堯舜仁下有韓蘇才丹頰清瞳方公乎神仙哉來往
悉 天意耳畔無風雷且著名山書且傾樂聖盃

帽影鞭絲稱苦吟玉山風度自深沈八驕擾擾過朱雀
猶是當年短轡心

尋春踪跡取驂驪得酒揚風興倍酣十萬柳絲驄馬雨

長沙清絕似江南

艸長鶯啼綠正肥六朝風景夢依稀五年前是金陵客

秃尾斜銜柳絮歸

予辛卯年尚
主鍾山講席

回黃轉綠新奇畫鍊汞燒丹頃刻仙雙管風流陶靖節
兩開心事傳延年

平分秋色秋無價合是通靈玉斧仙看碧成朱勞悵望

一尊風雨又三年

菊種有平分秋
色乃二色花也

題周穉圭前輩金梁夢月詞

綠酒初嘗元獻醉月華如練范公嗔由來將相兼才調

呈寺卿贊集

不是吳兒木石心

高才延已追端已小令中唐溢晚唐更用騷心爲樂府
漫天哀豔李重光

澀體清真掩抑弦飛騰石帚五通仙君能併作洪鑪鑄
更把餘金范玉田

鏤雲縫月具心裁不是莊嚴七寶臺竹屋梅溪都抹倒
故應平晚賀方回

平園大集冠中州豈止蕢漁玉笛秋十里珠簾千步柳
卽論談笑亦風流

仙山蒿草已辭根塵夢稠桑欲返魂雲錦鳳羅都溼徧

萬行情淚哭天孫

難賡春月夫人調怕讀微雲女壻書憶向紅牙雙顧悞
當年公瑾定何如

月嬌一硯費擗檜我亦偷聲學里哇近就清空求妙理
不邀青兕鼓銅琶

黃口無依不可生慈姑失養若爲情久拚一死尋君去
禁得雙孤苦喚聲

婚嫁相尋劇可憐冬衣縫後指頭穿點金擲米都無術
支拄寒門又十年

存身即道身
嚴霜虐雪都經徧堂北梅花次第春女已歸人兒抱子
獨看 綸綉獎松筠

閨中好夢琴三疊堂上歡顏奕一枰紙閣畫屏人立處
謝家高韻顧家清

頻年侍疾力全殫困憊慈姑也慰安天若報伊勤苦處
應教女婿壯門闈

鼉湖煙水雁橋花記得年時繫釣槎天與行窩儘安樂
婆娑晚杖住東華

任公豪氣舊登臺合有吞舟觸餌來今日收綸成一笑

兒孫都是釣鼈才

鄉山一髮夢回初心念蒼鴻未定居波溢不聞魚稻美
好修荆楚歲時書

題彭春農學士待漏圖

面目若刻畫音吐如洪鐘長身玉立清且雄文章翰墨
紛填胷是宜承旨明光宮五更雞唱金闕皎九霞日出
觚稜紅論思春殿何春容堵牆學士咸鞠躬問知家世
承三公燕許手筆高岑風當年曾假貽厥力此日爭仰
雲門宗是宜聯華屬車中柱笏直接甘棠崇何爲忽作
六月息並欲塞兌成癡聾禁鐘官鼓久不聽書山一寤

窗瞳矐誰能奮庸亮天工 聖主側席求朴忠公飽經
術謀謨充驥首一顧凡馬空黃鸝三請春色濃願公夙
駕來花叢執御弟子希符融

元有曹雲西營邱古意河陽蹊惟君筆精與之齊宋有
曹申甫樹石有法竹有譜惟君姓名與俱古濃皴厚染
波淋浪石田氣骨清且強高峯雲駁列戰戟秋樹霜過
成文章世人僞古喜踈澹元酒太羹無可啗君從深密
出森逸醞釀煙霞倍蒼紺年垂八十尤神明白鬚紅顏
雙瞳青登高尚挾濟勝具搖管自帶風雷聲贈我兩障

殊崢嶸人所略處皆分明西山雲氣似黃海徑欲結廬
臨醜礪屏除俗累讀古書更展鷲溪揮洒

僊山風露玉根芽兩朵香雲護紫霞自是祥徵科第草
真成看到子孫花娥娥共托移春檻袞袞來生積善家
博得仙翁開口笑婆娑桑果正無涯

艷絕櫻桃館藤花歲歲新婆娑不羈士振觸遠遊人天
半霞分影山陽笛感鄰好憑田水月來照海波春

題晉甘敬侯墓碑

玉環碎壯侯怒兩襜橫掣不敢渡金櫃鳴敬侯驚改易
百官皆恣情同征華裴有三將敵知敬侯勇且壯况舉
義旗惟所向六師敗績周戴殂茂宏不終王室孤儻據
劫昌劫以力必速太甲成幽拘社稷不移敵亦去何惜
老臣頭挂樹了無快劍誅王廙那有歐刀斬周慮君不
見雞籠四陵孤兔場甘家麥飯千春香於戲侯澤何其
長

題劉子敬大令牧羊圖

劉景能擾龍梁鴛解豢虎物媚養已者不使妄喜怒其
神其猛摯晏然臥堂廡何況園溷物赤手可循拊勇力

能化裁君略極雄武用仁不用略詭勉求治譜食少生
齒繁萬室同一苦譬如芻秣短齡嗣不能普養民如養
兒如何缺其乳定知循政至天付好風雨原頭積芳艸
盜底蓄糜腐茁壯夕陽羣纍纍腹如鼓語其停徨時晝
夜思所補藉非詩禮深焉能逆有睹不稔何山谷來迓
劉榮祖牧人有吉夢夢俗比鄒魯

鴻濛蹤跡本無心誰遣諸生日夜尋偶就弓衣書數字
一時傳布徧雞林

桃已蒸霞柘已甘自崖送者語喃喃誰知畏壘歸來後

卻與雲英共一龕
生平壯志觀滄海足跡還應徧九州今日對君披畫本
翻然欲策六鼉遊

詩餘

蓼花

調寄浪淘沙

一穗一秋痕岸側籬根水天多少夕陽魂併入露枝風
葉裏紅顫黃昏鷺宿更鷗屯簇簇紛紛落帆沽酒對
斜門正是晚霞魚尾赤圖畫江村

酬潘公子星齋

調寄眼兒媚

萬花深處五雲多
新雨昨如何黃鸝三請丰標公子且

駐鳴珂 瑯玕碧裏留清響知是鳳來過
它年簪筆吾廬可愛人影風荷

葫蘆

調寄沁園春

嗟爾葫蘆蔓縛絲縈當門獨懸似歌來張裔內粗外潤
鑽將屈轂口實肌堅盛火斯焚安簧失響那有青田蜜
汁鮮知何用只蠻天覆犬配箇槃圓 趙州土壁東邊
甚并絡雙眸斷復連嘆文人贈荅難裁筆管道人留飲
久失醫篇胡廣藏身征南病頸枉被人嘲拗且偏江湖
上看大樽五石空腹枵然

牽牛花

減字木蘭花

柔藍一架小摘銀河秋影下莫是黃姑配得匏瓜獨處
無金鈴鼓子喚盡芳名渾不似輸與郎誇世上原無
織女花

鳳柳 調寄望海潮

何年翠鳳娉娉九尾篇然來集幽深眠重醒遲雨多晴
少無煙亦自沉沉山曲水之陰有畫橋橫路香絮盈襟
一面風偏欲隨驄馬度遙岑 天涯別恨侵尋正當眉
憶黛理綫停鍼思曼纏綿小蠻旖旎春來事事難禁人
影倚樓心悵秦雲似棧蜀嶺如鐔露白霜紅為誰憔悴
到而今

潘星齋公子藤花吟館圖

調寄念奴嬌

玉卽華屋正東風吹送紫香雲裏人本纏綿花本豔醞
釀一庭紅意玉手揮毫翹鬟照墨字字聲聲媚渠儂口
胸綠鸚歌罷能記 最是小晏情深少遊才冶肺腑真
珠纍細碎篇章傳誦編繡入吳娘袖底名士傾城搓酥
滴粉貴盡長安紙虬枝覆處畫簾人影雙倚

題閒看兒童捉柳花圖

調寄疎影

搓香捲雪正緒風款款簾外初起黃口酣嬰巧奪狂追
相逢欄角花底縱教盈把知何用熨不暝鶯雛燕子歎
晚來高下東西都入麴塵春水 獨有青楊詞客愛風

景韶麗吟望閒倚何太輕盈如夢如雲惱亂揚州十里
儻無捉搦誰珍惜轉忘卻謝家詩美忽一時撲面紛紛
恰趁唾絨窗啟

九月十五夜登越秀山看月次吳石華韻

調寄水龍吟

些些雲縷都無不知誰掃秋河際天容山色涵清混碧
煙中有水風定尤明夜深全白一空林翠想萬家清夢
鎔成霧氣把樓閣扶將起客是不眠吳質聳吟肩玉
壺三洗小謫人間舉盃能說廣寒前事海上琴聲一彈
誰知美人千里正窺簾的的素娥單獨似歌還睡

圓圓小像

楚晚柔香戚晚嬌香天然素華甚藥師紅拂相逢越第
押衙沙叱奪返韓家君父恩讐英雄節義付與傾城一
笑諱寸腔裏有柔情一點誤了生涯三姝豔若朝霞
說四面菩提八面花想騶虞茵上同心並坐虎鶯屏畔
六嬖爭誇晚節超然看人墮落不向侯門走鈿車梅却
曲縱千金購燬尚有箏琶

題吳鴻生中翰閨重九雅集圖

兩開叢菊算人生難值閨秋重九小集蘭臺推茂灌少
蓋篇篇多又楚壁詩痕燕山墨雨圖畫天開牖范家研
暎摩挲夸向詞友側想二陸高居蒼茫雲樹滿座題

糕酒七十年來鴻爪雪付與武昌官柳桐葉能知茱萸
再把采筆還依舊西風落帽訂文都在杵臼

用吳季英事

題成蘭生太守西湖照影圖

磨月成銀拓山函鏡花柳放出空明葑雲銷盡一碧盪
秋晴憶自鄴侯照後蘇和白詩影縱橫能來者先盟鷗
鷺舉手濯吾纓高名人競羨冰壺洗魄玉磬儲精任
綠水青山坐嘯飛行莫認淵魚俯察心印處珠定波平
興歌好西湖誰比比似長官清

粧閣水同清鏡牖香城萬書屏裏鬢雲橫即喜高吟儂

默記同到三更 小妹語分明似說儂卿一雙人影可
憐生錦樣才華花樣貌海樣恩情

試帖

虎賁脫劍

鐔鏑山河裏誰還伏劍銜羞矜三尺利方是萬夫
強看偃靈臺伯難分主將裝虎隨鶴鷺拜龍入斗
牛行秋水芙蓉斂春風玉佩鏘衣冠殊仲路儀顏
類中郎已鑄新農器都耕舊戰場太阿今在

御宙合煥威光

太乙藜光夜照書

太乙憐中壘乘風叩索居吹將扶老杖照徹古來
書挂卷同靈壽探懷得望舒玉虹千宛委金炬五
芙蓉星合招鷄鳥仙能辨豕魚九宮行未已七略
近何如拂後珠盈字歸時斗煥車寄言天祿客珍
重日之餘
良治爲裘

五六冬官異安能兩美收而翁良作治之子學爲
裘無意求駢角初心守雉頭繡絲金并鑄繞指鐵
同柔容易裁千腋艱難合十州非無銅馬式賴有
袞龍修鞞鼓誇精鍊英齊咏直侯二端皆小補何

以付孫謀
終子請纓

氣已無南越何須定捷回一朝投筆起萬里棄繻
來陸去書空報佗終志未灰通犀生翠地竒木白
麋才羊馬當牽右蛟龍必縛魁長繩能繫日強項
莫登臺練甲從它銳詞鋒孰我摧樓船著成績此
請已先開

明月照高樓

東南生海月西北有高樓月獨今宵白樓含萬里
秋桂花全樹現銀漢撲天流有路招鸞鶴無珠寄

斗牛一鴻驚玉笛雙燕倚簾鉤環佩聲先冷關山
影盡收幾年明鏡裏何日大刀頭側想登臨意人
生莫宦游

銀魚

昔日吳王棄春來絕可憐湖山渾欲沼煙水有餘
鮮品與銀爭潔形從繪後全玉裁千筋穩漆點雨
珠圓寸寸花搓雪鍼鍼帛裏綿烹將純黝鼎貫以
取么絃早食懷苗美通行作鮓堅潞河今已出蝦
菜帶歸船

猩色屏風畫折枝

孔雀深藏尾琉璃不受花有屏皆屈戌無夢不橫
斜錦樹朝朝見春山面面遮紫龜全甲鎖青鳳半
柯擎窄地珊爲屑摩天玉作又牆通雲漢月香貯
赤城霞王遠懷芳草徐熙入絳紗畫成詩亦就線
筆落誰家

鳳毛諾

博得麒麟賜誰爲畫諾才灑成蝌蚪墨飛出鳳凰
臺閃閃文如活翹翹翠欲開高翔依管動倒掛逐
花來字與千金敵雲將五押裁癸庚隨意答丁子
任人猜叔夜題門肖宗資染翰陪爭如江夏小判

尾巧縈迴

秋菊有佳色

北牖涼先到東籬事可偕
星星渾似舊采采已全佳
露重深滋蕊泥香穩護
芙蓉將雲母益標以水
松牌夕照金如海重陽酒似淮
天人宜道服秋士愛清齋
索畫濃歸墨思詩瘦入懷
欲尋真色相大隱屬吾儕

羅浮見日雞一鳴

峻絕霞峯頂扶桑在眼前
三嚴三鼓後一躍一輪先
似有黃人捧初聞絳幘宣
桃都同警夜參伐尚

橫天快矣瞻曦馭雄哉促祖鞭
燭龍疑失寐仙蜺亦驚眠
影與神山合聲從海國傳

蓬萊今咫尺共草日華篇

羅浮夜半見日者蓋登聚霞峯頂望見海東日非雞

一鳴日即滿羅浮山也作此題者當知分寸

碧碧黃黃麥際天

極目連天麥康哉大有秋
黃黃兼碧碧濛濛復油油
萬紫千紅後長空一望收
浪隨春色偃雲共夕陽留
綠海平逾闊金風早更遒
染淡槐葉雨闌入菜花疇
餅餌香全發郊原氣正浮
六岐符

聖瑞函夏飽來牟

詩餘 補遺

桐 詞寄念奴嬌

綠瓊枝小白絨絨非雪非花非絮金井玉闌黏欲徧昨夜露華疑雨傅粉難漉吹香不定恐逐西風去纏絲宛約令人情緒如許最是么鳳憎寒如羅恨暝應有安巢處裏住離心縈著恨不放一秋先度月熨初平雲篩正膩惆悵吳娘杵衰衣夢遠幾回錯撫庭樹

秋林宴坐圖

詞寄水調歌頭

一舸赤嵒去沈帶佩吳鉤偶逢出草嘯談笑取封侯萬里鯨波泛月三徑寒花生雨二樂與天謀忽作遂初賦

投絃栗林游 歸正好踞磐石坐清流千雲玉樹百尺
絕勝橘盈洲政滿膩新歌裏詩繡達戈紋上小駐已千
秋風浪掩關息海水夢悠悠

題李晴江先生畫橫看子

桐子齒未齟授簡對宵鐙吾師下筆風雨聲在剡溪藤
酒後鬢絲樗散天末盛名坎壈愁重不能勝誰識李晞
古石氣碧峻增秋老景意深穩勢飛騰

程侍郎遺集初編卷七

釋彗

彗者何本類星末類彗故謂之彗彗無光傅日而爲光
故日東升則西指日西降則東指其光有竟天者故曰
長星其質乃五星餘氣所化故備五色數不過五其行
有本行故能遲能速其體麗月天近人故於人事易感
召其應以出久暫芒長短行遲速驗事大小禍深淺大
抵一月準一年二月準二年三月準三年或云無百日
不沒之彗然占書史志有二百日之說也其氣能幻故
或化雲或化霄霞其氣先附於日輪側故五寅日以壘

水鑿日可決其現否其相似有字有欒槍有蚩尤旗有
王蓬絮字體則圓也氣四出也欒槍則侶絮裹竒也蚩
尤旗則類彗而柄曲也王蓬絮則散糶若絮或有芒或
無芒行甚速一夕能歷數次舍也夫星氣變怪其本皆
在下而發現於上譬人膚肉生疽癰其根柢皆伏藏腑
也雖占驗尅應符其時或不符其地符其地或不符其
時或俱符俱不符然其爲不祥則靡不符也亦有不符
則人力能弭之或謂彗在月天去恒星天尚六重氣豈
能及譬若秦人惡越人向其方詛之越人豈聞知不知
日輪天居中與上下俱閱而眾曜皆受其光光能及氣

亦能及矧彗傳日爲光則烏容有闕哉故歷徵史乘識
星變時與地相符者多不符者少人力弭之亦間有譬
若祝由疾劑殺潰瘍視醫高下而已然則王者受命宥
天下觀先兆側身修省禁事銷患於未發其權固在已
哉

肇十有二州說

堯典肇十有二州馬鄭注及晉書地理志皆以爲在禹
功後漢書地理志谷永傳皇甫謐帝王世紀宋書州郡
志皆以爲在禹功前案下濬川之文則在禹功前之說
是也禹貢云九川滌源九澤既陂皋陶謨云予決九川

距四海濬畎澮距川蓋禹功告成之後其利可百世豈
甫疏鑿即又有濬通之役耶漢書地理志云堯遭洪水
懷山襄陵天下分絕爲十二州使禹治之水土既平更
制九州帝王世紀云堯遭洪水分爲十二州今虞書是
也及禹平水土還爲九州今禹貢是也其言甚晰足正
馬鄭之誤蓋舜居攝巡狩時水土未盡平正禹致力之
際故曰濬川逮功成後乃分九州山川澤藪皆以九筭
勒爲成書以告後世直至受虞禪後未之改也或引鄭
注肇始也爲難則應之曰十二州肇于堯不肇于舜且
大傳肇作兆說文鄭彼注云兆域也爲營域以祭十二

州之分星蓋巡狩必祭山川兆星封山皆祭義肇不作
始解則十二州仍堯之舊蓋非舜所分可知也十二州
之名曰冀曰兗曰青曰徐曰揚曰荆曰豫曰梁曰雍曰
營曰并曰幽馬季長曰舜以冀州之北廣大分置并州
燕齊遼遠分燕置幽州分齊爲營州鄭康成曰舜以青
州越海而分齊爲營州冀州南北太遠分衛水名非地名爲
并州燕以北爲幽州馬鄭之說蓋取周禮爾雅成之幽
州有醫無閭并州有恒山營州上應營室皆可據故舉
十二州之名當從馬鄭以十二州在禹功後當舍馬鄭
別求三山以足五嶽四鎮成十二山以配十二州則書

缺有閒焉鄭所不能也

論承重孫婦姑在當何服荅祁淳甫

承下問承重孫婦姑在當何服經與律俱無明文並引顧亭林方望溪之說判其同異具見閣下讀書心細古人所畧者澤何能知姑即所見及者奉荅案承重孫婦服當從夫並不計姑在與否也唐律云婦爲舅斬衰三年其夫爲祖後妻亦從服祖姑政和禮書儀家禮皆遵之至明會典改婦服姑同於舅今通禮遵之是承重孫婦服當從夫著於律已久况承重者荷爵土之重父歿固承父未

歿而廢疾亦承其婦從夫而服與姑同亦何嫌哉且姑自服其應服之服耳婦自服其從夫之服耳彼承重不嫌於父豈同服遂嫌於姑哉夫承重者承爵土之重非無形之物也周制封建曰親親曰尊尊故承爵土者雖諸父不敢先之而其歿也其父爲報服斬衰三年若施之後世則駭矣今封建廢已久惟世襲者尚可言宗法言承重若大夫士庶家一遇大故其長子不幸死輒引長孫加於諸父之上曰吾行古禮此宋以後拘儒不達世變之所爲也若唐以前尚有解此者故晉侍中庾純云今五侯有爵土者其所防與古無異重嫡之制不得

不同至於大夫以下既與古禮異矣吉不統家凶則統
喪考之情理俱亦有違然則律文何以著承重之服蓋
封建雖廢承爵土者則代代有之律文蓋爲承爵土者
發也然則士庶家何以行之曰此由墨守家禮而致誤
也家禮非朱子所作白承重已失禮意其婦之服當在
田雜著辨之甚明除世言若宛轉從俗則唐律以下所著甚
不議不論之例除世言若宛轉從俗則唐律以下所著甚
明可覆按也管蠡之見輕議禮文恐不足備方聞採擇
惶汗惶汗

狄亦穎孟子編年序

言孟子者有五誤趙岐孟子題辭鄒本春秋邾子之國

孟子時改曰鄒非魯也今鄒縣是也又曰孟子魯公族
孟孫之後子孫衰微分適他國是孟子本魯人而實居
鄒不可謂鄒即魯也乃譚貞默編年畧以爲鄒即孔子
陬邑誤一司馬貞索隱孟子卒於周赧王二十六年壬
申年八十四依此逆推則其生當在烈王四年己酉乃
索隱謂在定王三十一年聽雨紀談作三十七年闕里
志又作安王十七年誤二竹書紀年梁惠王後元十三
年齊封田嬰于薛十月齊城薛即孟子所云齊人將築
薛也是年爲周顯王四十六年孟子在滕經有明據乃
金履祥通鑑前編季本事蹟圖譜謂孟子遊滕在赧王

元年去齊之後誤三紀年梁惠王三十六年與諸侯會于徐州以相王於是改元稱一年又十七年而薨孟子至梁在惠王後元末年已五十餘故稱王曰王而王亦稱孟子曰叟各從其實也乃史記謂惠王三十五年孟子即至梁通鑑綱目從之又參用竹書謂襄王元年始去梁凡在梁十八年誤四國策齊宣王令章子將五都之兵伐燕三十日而舉燕國與孟子合此赧王元年事也取燕燕叛孟子之去宣王之薨並在是年大事記朱子綱目明白可據乃黃氏日鈔謂伐燕有二前伐燕在宣王後伐燕在閔王孟子集註又謂齊破燕後二年

燕始叛說者因據以爲孟子後事閔王之證誤五有此五誤而孟子之里居生卒出處先後不可究詰矣溧陽狄永穎先生起而正之闢諸謬說歸之一是而後亞聖之生平如燭照數計於戲可謂有功於聖賢之門矣先生所著孔子編年其精核賅博遠勝胡元任有識者能辨之然爲孔子編年尚易爲孟子編年即掩雅如閻百詩亦謝不敏甚矣書缺有間令人嘆生千百世後之難爲學也先生著有四書補闕行即授梓合之兩書其有功於聖賢之門甚偉夫著述至今日幾幾乎人握珠家抱璞而有功於聖賢之門則不多見即謂先生爲聖賢

之徒也可

癸巳類稿序

吾里學派自江戴昌之金程承之其緒蕃變率以治經爲宗都說經鏗鏗尤善治史部則有吾師凌次仲先生與師角立不倚則有吾友俞理初先生凡學無門逕則雜雜則經學溷漢宋天文學溷推步占驗執一則隘隘則暖暖姝姝悅一先生之言墨守訓故甚且持古疾以病今理初先生憂之於是察兩漢門逕端其趨向於其岐則閉也寔饋經史旁通諸子百家九流於其僞則劇也不甯惟是宋之亂漢易判魏晉之亂漢難判淄澠流

合易牙能分之撫古人之愚若辨黑白乃益見古說之可信矣書缺有閒箋疏脫訛徵之於諸子百家九流有時而窮則援及釋典道藏以爲助糝糠塵垢尚堪陶鑄矧其精者啟我質我不猶愈於求野乎然非先生受性精敏一覽便記又烏能宏覽博辨差擇助詮若是之廣且大歟先生著述甚富未暇寫定今春應禮闈試受知於王菽原主政主政薦剡未售急索其著述飲金槩之蓋欲以千秋身後名償俗耳目一第之榮也用心良苦聞者感歎惜乎時日稍柏僅得十之三四耳記十年前與先生篝燈夜坐偶有作述援筆立就引證賅洽退而

檢諸篋無一誤事誤言洵乎才學識有千萬人而無數者書將就委序於澤澤學術譎陋焉云知先生然私幸竝世見一傳人引吾里江戴之緒且未有艾也

癸巳類稿又序

右癸巳類稿十五卷吾友俞理初所著也理初負絕人之資篤好讀書自識字積髮素寢饋凡四五十年其善於始也能入其眇於終也能出叢籍城擁手繙繙不輟輟輒大半成誦地人名稱事回穴數載極見某度某冊某篇行語即中是謂能入萃昔賢往事判黑白搖筆纒纒千萬言某可據某可槩某不可憑某宜駢也一篇中

計疊簡不勝舉使起昔賢論往事亦領是謂能出出入之際無精心卓識果力則絢博而支絢斷而岐宋以後逮有明豈無博見彊識則徇虛車絀實用恒若斯也惟識足以徹千古之薈辨足以息萬喙之爭富足以會古今之通明足以別真偽之溷然後縱橫勃窣底於是乃已故治經貴一也經牽於注疏則隘畔離於訓故則野援證典確孳甲新意皆陶鑄秦諸書漢諸儒斯得之治史貴紛也讀未終卷遂持論則塞讀一史未他及遂持論則陋正窮乃裨裨窮乃注注窮乃金石全史醞釀岐說旁溢斯得之尤善言天象暨麻數以爲泰西法積精

然豈三代秦漢人所豫解以某時厯衡某時法是非區
分則三代秦漢人不能委其過尤善言地輿說方域以
爲中外同軌不道險今昔異履不詳憲惟殊方遐國人
所忽必當察察則萬一可據爲攻戰導也至於掌故之
鉅名物之細聲詰之雅七緯三式釋典道藏素靈之
奧景教之岐凡諸儒橋舌方皇者稱引首首如肉貫弗
絲在欄則又非恒量所能測識者也加以受性方直僞
書誣古必辨魏晉儒改故訓蔑先儒必力辨邪醜正否
嫉賢必覲縷辨嗚呼古心哉古人哉凡理初手成宏鉅
書不自名者甚夥年過六十而聽強審密不憊其著作

未可涯此冊斷自癸巳年故曰癸巳類稿刻成索序於
予予讀之甚愜也爰就所窺及者詭之其諸廣邃以俟
大雅

金石題詠彙編序

金石文字自歐趙著錄以後書不下百種而哀其題詠
爲一集則自甘君實庵始或曰詩以道性情至詠物則
性情絀咏物至金石則性情尤絀雖不作可也解之曰
詩騷之原首性情次學問詩無學問則雅頌缺騷無學
問則大招廢世有俊才洒洒傾倒一時一遇鴻章鉅製
則藹然無所措無它學問淺也學問淺則性情焉得厚

況吉金多三代物其文字與經表裏可補經闕樂石之
最古者與金同其文字與史表裏可補史闕宋人棄訓
詁談義理自謂得古人心不知義理自訓詁出訓詁舛
則義理亦舛又史傳年月官系之紊非碑碣不能證譬
若羣子姓議祖舊忽引一數百歲人在側啞然指其妄
而議者紛紛退矣然則吉金樂石之有關於經史如此
宜其自唐宋以來題詠不絕至我

朝尤盛也況訓詁通轉幽奧詰屈融會之者恍神遊於
皇古之世親見其禮樂制度則性情自莊雅貞淫正變
或出於史臣曲筆賴石之單文隻詞證據確然而人與

事之真偽判則性情自激昂是性情又自學問中出也
顧金石題詠散在各集非藏書家好古士不能輯則實
庵之功且出歐趙外矣余反復檢閱欣然序之時道光
十一年八月中澣

秦階六符後序

壬式之學失傳久矣明張仙槎得真訣於孫南峯遂傳
姚少師之學所謂以支爲體以干爲用者也干能使支
支不能使干猶陽能使陰陰不能使陽不明道干則分
毫無取驗理會門之外如五變中黃經玉藻金英照心
神鑒經直指析義等書俱能發道干之覆然用道干是

矣未嘗專用遁壬用遁壬因而六之則自先生始是書也探源於伍相范大夫而文之以東方大中縱橫勃窣九變復貫鉅析類神至纖至悉射覆責丁若捕盜之用遊魯至其文采吐屬蓋遠超金匱玉衡龍首之上下視漢唐以來附託之書不啻培塿矣先生績學嗜古無所不窺尤好闡天人之秘此僅騏驥一毛耳然聞先生居恒晨起必焚香占一式有求者則盡其求乃止著有奇驗布在人口澤識先生於楚南論古之暇必及壬式且言是書體例作意時匆遽未及索讀也今先生歸道山五年矣嘉嗣鏡海前輩出此見示並屬序於澤豈不以

澤予慮有一得然澤維管公明別傳云術數有數十家其書有數千卷然而世鮮名人皆由無才不由無書是則先生占驗之神才爲之也徒書云乎哉道光十年歲在庚寅日干辛支卯月將在子加酉古歛後學程恩澤拜撰

太原王氏族譜序

王氏巨戴有三曰瑯琊曰太原曰京兆瑯琊太原皆出武城侯離離二子曰威曰元元瑯琊祖之威太原祖之漢魏六朝瑯琊之望最著於是太原之偉人巨公往往混於瑯琊唐一朝王氏宰相凡十三人瑯琊得其四京

兆得其二而太原得其七是太原之望於唐尤甚榆次於古爲太原郡屬榆次之王蓋自受氏以來未遷徙者也宜有譜然世遠著錄竟少王氏孫世居榆次有裔長先生者慨然曰自吾十三世以上吾厯厯可指數若再上則無聞焉及吾身不著錄則日月益逝並此十三世將澹忘之故吾作譜斷自十三世始吾見某族某譜與史傳牾者有矣與碑碣牾者有矣官不辨制地不辨沿革聞疑稱疑廁以附會是重誣其祖也吾何敢吾甯紀於近也恩澤於先生之子蘭圃夫令爲亞聞先生之言如是於戲是於敬宗收族之道庶幾矣夫太原之望本

巨其中更世遠文獻不能徵遂紀於近蓋其慎也昔老泉蘇氏作譜僅及其高祖且自謂益州長史味道至其高祖二百有餘年其間世次皆不可紀今先生乃能及以上十三世不可謂不幸也况作譜以後其昭垂於後蓋無窮哉

遊香雪海記

吳郡以西之山蜿蜒磅礴若鼎峙而林列惟具區實吞之而不能盡若雜置大小石於庭而引水灌之其狀或出或沒或仰或俯或環或缺人咸知湖之盪乎山而不知山之竅於湖也竅於湖故愈近水愈靈秀殊異當湖

山之奧曰香雪海山固多梅梅根飲於湖而花醞釀於
雲上大江南北以梅著者無與香雪海比尋梅者以不
得至香雪海爲憾甚則一涉其涯而不見多梅於是香
雪海且負謗道光十年二月下澣陳玉生觀察招梁芷
林方伯汪寅禾編修及余爲香雪海遊余謝不往觀察
說曰君素豪於遊無君不樂也奚其辭余曰前數日曾
一至不見梅登高眺之則數十株廁桑林間乃詢海之
農云若梅何時可盡放則應曰盡放矣然觀察強聒不
已方伯亦使伴促登舟余踉蹌去是夜北風號怒雪媿
媿下客皆噤啞不成寐味爽泊光福司起覩蓬窗隙則

霽光皎然觀察曰天且假人倘花亦若是耶遂乘筍將
徑抵香雪海詣司徒廟觀四竒樹於是昇者譁曰欲觀
梅乎須至菖蒲潭及潭西乃至菖蒲潭彌望十數里若
明雲屯積時驕陽乍升芳馥漚鬱中人如醇酒至潭西
鐵幹斜立升者碧者縹者靛者色相糅者如以錦綺裹
虬龍愈掣攫愈媿媚香益酷烈順風聞數里外觀察乃
挪榆余曰若非香雪海乎海固不可一地限也君目中
之海何其隘吾意中之海抑何寬耶遂登六浮閣復赴
蟠螭山山斗入湖湖在几席下乃食於榔尉山之還元
閣登鐘樓歸途經潘氏園入舟乘夕照歸櫓聲穿叢綠

閒山光水態益明蓋來時暝無所見也是役也攬湖上之山佛螺帝青若煙點著明鏡上則燔螭最自萬梅影中掬湖光於掌上則六浮閣還元閣最花天然而夥則菖蒲潭最畦瑰吟竇各競姝麗則潭西最憑高下視使疏花面面規帶則香雪海最惜哉易梅以桑使數百年舊柯寥落不及十一也於是余十日間兩至香雪海矣令香雪海幾負謗者予知香雪海之勝而徧及者亦予然非方伯持之堅觀察行之力則不奪於人言亦格於天時矣遊小道也不親履則不易知親履之而尚得其一遺其十矧大於遊者哉因益歎余之憤憤而服方伯

觀察之去人遠也三君子皆有詩予因序之

重濬北湖記

柳州北郭外有湖曰北湖唐永貞初韓文公由陽山貶所量移而北待命於柳所觴詠地也湖蕪絕有流涓涓出山礮敗畦贖圃交絡其側其窪處有舊形可規今刺史曾君慨歎湮廢導泉成沼列植木草闢堂三楹拓堂以庭環庭以欄楯令可俯瞰沼堂祀文公而以張員外署李使君伯康配焉經始於道光六年春日落成於冬日以澤曾駐其地屬記於澤澤維公之待命於柳也由貶陽山其貶也或以爲論宮市或以爲論關中天下根

本遭逢旱饑徵斂不以急或以爲李實之譖或以爲公
謗時政有泄其語於王伾王叔文章執誼者疑不能明
也夫小人之厄君子也或罔以所必無或讎以所必有
或陷以有與無之間然君子辨於是非或不受其誣轉
相詰責則君子之身廢而其氣伸小人之術行而其惡
暴惟其茫昧掩抑不言其過臨之以朝廷之怒奔迫之
命則君子無可置喙而小人得以顯逃其鉗網固內之
罪嗚呼術至此亦巧矣迨赦書既下量移而北猶復使
公鬱鬱居此則小人之朋未翦而其陰鷲沉毒仍欲以
茫昧掩抑相困阻使小人不即翦則公之待命且無已

時也嗚呼術至此亦足以威君子矣然公不云乎凡禍
福吉凶之來不必在我必曰君子則吉小人則凶不可
也不又云乎儒者之患難苟非其自取之其拒而不受
於懷若築河隄以障屋雷是則公居柳三月餘盱衡
相羊快意於北湖之上極又魚行酒賦詩之樂所謂築
河隄以障屋雷而與騷人秋士悲憤怨尤激而爲此樂
者固大相河漢矣且公之始貶也宜咎李實其待命於
柳也宜咎伾叔文蓋貶以貞元十九年冬其時李實方
幸而待命以永貞元年春其時伾叔文方幸然則北湖
者乃羣小人舉以貶君子而爲君子樂天知命之地者

也嗚呼後之遊者可以觀矣曾君名珏第進士能文章其治柳也有李使君之風其濬湖建祠也得李使君之志不意千百年後尚有聯韓張李之交而令我文公傾倒者也若是者不可以不記

重修有明何文簡公緝楔記

大清道光八年龍集戊子夏四月恩澤以試士來柳有明何文簡之裔孫名某揖於途以文簡所著若干種進且曰文簡歿有表其功若德而緝楔者石厯久將泐名某等力任修修竣欲乞文以紀其事恩澤惟文簡以通儒偉才敷厯中外所至徯徯其功若德著於史與自著

不待覲縷然其出處也以忠而善用忠也以學忠故出處不私學故識卓識卓故見終始明當明世宗嗣位初議大禮者始萌芽宰執百寮論未沸而文簡於萬里外抗疏首爭皇叔考稱名之非而臆漢宣光武晉元之得禮斥漢哀安桓靈之失禮若有以灼見世宗必遂其私而後止者此其識不可及張桂勃與議禮愈支文簡發十三難以折之然不可奪也不獲已以哭爭倡應者二百餘而文簡廢此其忠不可及浸假帝興獻且去本生號且考興獻矣且加皇伯考於孝宗矣且作世廟祀興獻矣且躋興獻於武宗上矣而後知文簡始議以哀安

桓靈爲諷者之灼見本末不爽也而後知倡哭爭聲震殿陛之不爲激也且也張桂之爭有所爲文簡之爭無所爲無所爲則以禮事君而已引君當道而已有所爲則希榮顯排異矣不得君不已也是則張桂之議縱有合於人心已失其本心而况所議之詭於時而戾於古哉斯時議大禮者咸主濮議然宋英幼撫於仁與漢哀同與世宗小異張桂窺其隙故其言易入而世宗之始入也即不欲暫處太子位故承大宗之說百喙若弗聞若文簡之論則以漢宣帝不敢加號於史皇孫光武不敢加號於南頓君晉元帝不敢加號於恭王則其識出

於主濮議之上蓋舜至孝也未嘗加號於瞽瞍雖百張桂其何能辨然張桂益以伸文簡益以屈張桂得君終以垢文簡不得君終以潔千載之下莫不知文簡以忠退而張桂以佞進也且夫臣之於君非休戚一體則不能強諫無真誠感人則不能聚其徒數百泣而諫當其諫也不知有刀鋸鼎鑊也然非真誠如文簡則諫而退者有矣不若是之激也惟激愈見其忠也愈見其以引君當道爲志而他無所冀也惟激則愈見其識也知張桂之焰日烈世宗之心日渝不棄其統與嗣背禮遂私不止也吾故曰文簡之忠本於識識本於學學無所不

窺而尤邃於史故言成敗得失若指諸掌也是故其識卓其忠堅若視公家事如楚越君蹟而臣不扶者其見唾於文簡必矣吾慕其學欽其忠潛書於此以爲來者勸

孟縣修文峙閣記

孟縣形勝甲河內王屋迤其北大河亘其南洩水襟其東周爲盟津晉爲河陽邑唐宋以來皆爲重鎮河清柏崖無辟諸險要皆綦布境內蓋受扶輿之力厚故氣逆順風聚散皆靈響若蒼焉吾友徐君勳治斯邑有年政平而訟清穀穰穰山委綠以文字化其秀良者而邑父

老咸稱邑之東南向建鎖水閣後圯於河文運遂不振斯言也然乎否乎夫十室忠信好學以成之其舉措足以運量造化人固不爲地固也然而有舉莫廢實守土之責又河洩之間使巍然峗然者居之上足以奉星辰俎豆下足以壯遠邇瞻矚所謂靈響若蒼者意在斯乎於是邑侯捐白金三伯爲之倡紳士宮樞等釀白金三千竟其功鳩巨工庀大材經始於乙未之夏斷手於丙申之夏閣仍三層崇五丈祀文昌奎星凡閱十五日頓還舊觀於是父老欣欣子弟愉愉弦誦之聲與大河聲相應風俗且比鄒魯曾科目之足言而人材蒸蒸蔚起

科目亦相尋而至理可券也此一役也可以不朽事成
索記於予予爲易其名曰文峙閣銘曰
河漢之間傑閣峙焉以表我中潭而輝映麥山興廢舉
墜隆崇造天必起俊豪爲多士先

陶荑江先生崇祀鄉賢記

嘉慶十年閏六月某日安化陶荑江先生卒於里二十
二年夏四月湖南巡撫巴哈布公學政謝君堦樹以先
生祀鄉賢事具疏題請其年冬奉

旨俞允道光八年夏其哲嗣江蘇巡撫雲汀先生澍寓
書於恩澤屬記其事以恩澤曾任湖南學政知先生言

行尤悉也恩澤惟古大賢負鄉里碩望歿可祭社必也
秉純摯之性抱千百人之才其氣宏以剛以力峻以博
於是乎氣足以舉事力足以任事人所不能爲不能強
我爲之而必推及其至至則感感則明格乎天地而幽
泱乎神鬼其生也名著其歿也道存是故孝庸行也先
生之孝至於親病嘗糞感夢而親疾愈則孝至敏矧人
所勇也先生之仁至於親畚缶躬坎瘞則仁至以行型
於鄉以文化於鄉尤恐人心之不克勉先生則曲從形
家之言以遂其欲導其響贊絀不置病甚不舍疾風雨
不間卒也形家言所因建者建而書院亦從而華整人

心所趣文業遂日盛非義之至烏能肩勞怨若是是皆先生卓行犖犖可紀者且學人於治經史時有所謂天文律筭禮樂名物分其一足擾擾一生而先生囊括而并攻之發爲文若詩又雄卓深健楷模後生非蓄氣之宏且剛用力之竣且博有不能爲不能強者矣恩澤使湖南時凡湖南人稱篤行者方聞者必首先先生言文若詩若著述必尊先生先生之名溢於其知其道存即其神無不在也俎豆而尸祝之誰曰不宜古今卿先生一行一言之修湮沒者不少惟磊落竒偉之士流傳於無窮且天必有所發焉以顯著其才若德今雲汀先生治

江蘇宏績鉅畫不可殫述其任事也必推及其至則於先生之所蓄蓋能探其源而揚其瀾也是能使先生之名溢於一鄉而兼達天下也先生諱必銓字士升號莢江湖南安化人

潘少白文稿序

澤與少白山人交凡四載一日縱言至於文因出示大著若干卷澤三復讀之窺其性情正功力厚也促付梓梓成澤欣然序之其言曰無範非文也爲範以自盡非文也形似而多規仿毗倚非文也清而無包孕非文也夫文士之心與天地之心相貫其言皆人人所欲言其

言皆人人所不能言其言皆賢哲所未盡言然後其道
尊其藝傳是故狂文也狷亦文也正文也奇亦文也吾
於少白山人信之山人古狂者也負兼人才學與藝靡
不通足跡窮宇內政事人理物情靡不達於是由狂返
狷遂進乎道其爲文也探六經羣史諸子百家之奧涵
泳得義理損益得法度出入得鋒距於是由奇返正遂
進乎道夫神明於槩燧有範亦無範無所規仿毗倚則
可令古人似我包孕至厚則瀏然而清者愈見觀乎澗
溝之清與江湖之清殊江湖大波起則天地易嚮其激
也魚龍百怪隱現變幻不可迫視而清愈昭然矣蓋徒

狷無措施才徒奇無堅定志人知山人之狷而不知自
狂人知其文由正入而不知自奇出也使持此爲用世
資其運量詎可涯惜也潛處抱獨僅以文傳然而道固
在是此澤促付梓之意也

跋黃忠端楷書孝經墨刻

右黃忠端楷書孝經墨刻此庶人之孝也下增引詩云
我稼既同上入執宮功晝爾于茅宵爾索綯亟其乘屋
其始播百穀廿五字不知何所據其題首云孝經定本
似定本即所據也按忠端著述有孝經集傳四卷以集
傳證之亦無引詩廿五字而右經一章下注云孝經舊

本凡十八章千七百七十三字石臺本皆依劉向所校
河間獻王得於顏芝者獨標題差殊耳近儒皆疑四孝
俱有引詩而庶人獨否似有闕文又聿修之義大雅所
告天子無忝之詩小宛以勛庶民欲移大雅以發天子
之端推無忝以起庶民之例於說亦通然於首章文義
未終於過節發端多礙小宛之賦雖通於庶民有慶之
義反踈於侯國又云凡孝經之義不爲庶人而發其自
舜文以下獨推周公以愛敬爲道德之原豫順爲禮樂
之實又云劉炫繆以閨門之語溷於聖經閨門之內具
嚴兄妻子臣妾猶百姓徒朱子誤以聖人之訓自分經
後也古文多此二十二字

傳必拘五孝以發五詩則厥失維均去古愈遠矣據此
則忠端不以庶人章增引詩爲然况舉詩以實之乎且
定本之說既不見文集又不見集傳蓋無所謂定本也
然經義考引朱垣之言曰忠端在白雲庫中手寫孝經
百二十本本本各別或者增此二十五字之本是忠端
未定論以前所寫歟

孝經有古文今文之分王劭劉炫紛紛聚訟見於隋志
主古文者劉知幾主今文者司馬貞彼此駁議見於唐
會要自石臺孝經用今文而古文遂微石臺孝經即
唐明皇隸書然

據黃氏日鈔所載核之古文多閨門一章二十二字今

文無之其餘不過字句有增減章有分合耳即晚出之
足利本其經文亦無大異同惟偽託孔安國注為不足
信而今文鄭注是小同所作嚴可均所輯孝經鄭注仍以為康成所作阮福孝經通義則云小同三國漢魏隋唐不見之本宋元明不能見中國
不見之本海外或見之茲按古今文及足利本皆無庶
人章增引詩之說則所謂定本者蓋不可信矣吳草廬孝經定本亦無此引詩廿五字

朱子作孝經彙誤為此經添一改本吳草廬作孝經定本又為此經添一改本

吳少空傑奏唐陸宣公贊從祀

聖廟疏書後

聖門比天地燾載無不有也則賢詰忠孝文武俱宜入
有良限乎則唐人曾言之一為抱殘經於兵燹幾墜之
際一為有傳注功所謂代用其書垂為國冑者然七十
子不必皆著作皆抱殘經何也曰親炙可弗論外此雖
賢詰忠孝文武不傳道俱不宜入此荀董揚而後所為
落落也然則荀董揚何以入曰其立言中言語科故繼
入有韓昌黎繼入有陸宣公宣公仕孱朝覲庸主無赫
赫事功其立言則醇乎醇者也荀之言性惡激而為之
後世尚有抵其隙者揚出處大節已剴獨以立言耳宣

公其董韓閒乎宜其千百載後達者發之禮官承之
聖人領焉大抵漢宋大儒有傳注功方得入其見也拘
宋以後指心爲傳道雜以禪悅亦得入其弊也蕩而立
言以傳道其道也其文也則別樹一幟焉故必如宣公
乃可繼荀董揚韓而後非然則宜守唐人成議以峻聖
門良恨乃所以尊聖道也

神龍蘭亭跋

定武爲歐臨神龍爲褚臨常談耳謂神龍中太平公主
借出摹拓遂亡者董廣川也然未目爲神龍本謂宋理
宗嫁周漢國公主於楊鎮爲報奩之物者袁清容也是

神龍本之目權輿南宋間矣此本筆趣洋溢具斜簪散
髮之態實遠出穎上之右謂是宋摹拓誰曰不宜若泥
暢字左頂逆折和字收筆內轉及貞觀神龍開元印纒
纒然則是執牝牡驪黃衡千里馬矣

安玩堂藏稿後跋

右安玩堂藏稿文五十九首賦十三首詩二百四十首
先大夫榮祿公所著也恩澤生十一歲而孤記就塾時
先大父手時藝授恩澤且誨曰爾父少讀書一再過即
成誦不忘爲文析理用法至淡邃通鄭學於詩三禮尤
精核爾未知其涯也言罷纒款又記曹文敏公語恩澤

曰尊甫學士背誦十三經並注疏琅琅然爲文縱橫變化神明規矚業師王明府訓恩澤曰吾座主以韓柳筆爲時藝尤妙解題能補漢唐宋諸說所未備恩澤稍長謁法時忱丈謂曰尊甫文既工絕賦律尤整細不踰唐賢法詩無窮清新吾歎鮑覺生少司空以詩賦鳴謂恩澤曰尊甫賦律追唐賢詩格追兩宋雅潔精鍊卓然成家善乎吾座主曹丈正之言曰尊甫與僕爲總角交同志同業能以實學發慧慧識力才鋒俱峻絕故行文有宏逸之氣詩始喜鬥博似吳淵穎繼以清峭勝遂桀落陳言獨標雋旨惜乎年踰強仕遽歸道山平生貫弗羣

經尤浚詩三禮三傳未暇著述成一家言而僅以詩文傳矧臺艸又佚其大半耶恩澤不善讀父書習聞先師友所論因附識于簡末道光十有六年始校閱八月而成任其事訂其偽爲張石洲大令即前序張蓀圃太夫子之文孫也十有七年夏四月孤恩澤識

題倉龍集

右成卿詩草一卷詩凡卅二內失題者二繡夫姊丈得於令兄芝房處謂余曰成卿筆法當代之善鑒者稔知之然無款印思滋後人惑也子盍爲我跋其後予伏讀之下見有送吳祭酒錫麟還里詩者刻入詒晉齋帖見

有謝十色畫鏡詩者則訓先大夫弄於予家得此二證不必款印而斷其爲成卽無疑無疑者也况真草隨意天機盎然逋峻之法全收黜黜之神亦妙較矜練時不啻過之詩則五古得晉人意七古得蘇長公法律體兼初中唐而波及北宋其橫鶻捷出名論超雋則由學博而才贍位重而道高也且夫身處朱門而情遊江海地居枝旼而友接佳流懷抱之際尤難涯涘傳所謂雅道邁於東平之藝高於北海者庶幾見之矣先大夫曾遊梁苑頗甘楚醴投贈之句貫若文珠徇知之書光乎舊華而綠苔生後賓客先傾鳳尾畫餘賢藩亦謝反復斯

卷不勝憮然辛卯秋八月下浣

桂陽州重修試院記

桂陽州試院 國朝雍正十年朔乾隆四十八年修閱卅餘載未修地寔下水侵暴土沮洳不勝載棟阿蒸出茵又不勝甑甑使不即治則積且墟矣州刺史陳君同治涖此邦慨然思整懼無以飲也取諸民而懼民未孚倡而弗和也政成五年民信其長乃攘臂以邪許倡民皆諾遂積朱堤二萬餘進鄉老約曰某宜培某宜闢某宜更息者宜董撓者宜懲我職之我暇輒旦暮省支度出入雖纖毫若職之無以關鳩者庇者咸奮若營已室

增土至半丈末椽皆良材先廊舍次堂廡次務个庖福
房其外陳以直中門令士魚貫入且避雨經始道光七
年夏五其冬^年考室刺史嘆曰是勦也奚爲修彼昔日之
勦何異積且墟耶今勦不告後後何以繼踰年夏余按
試斯乞文紀厥事余惟宙台之奇不於人即於物桂寶
區也五金丹砂皆族故物羸而人絀今寶且衰而蠹蟪
鬱勃之氣猶是豈別有所洩耶抑人將羸而寶將絀耶
桂又瘠區也不足於穀乃羸於寶故可支今寶且賤民
穀益不足然邦君攘臂以邪許倡不旬日而朱提累萬
俱集不數月而工以藏夫求試而利祿青矜員領事也

自把耰鋤逐什一者視之弗急也咸奮若是意者人皆
知重儒不吝竭其貲以爲重儒地而儒者亦從容受厥
福歟夫人不愛寶則寶之數絀人重儒則儒之數羸天
相人則磊落奇偉之儒生人順天則磊落奇偉之寶棄
使儒者徒受厥福而不自淑其身厲其學則不惟悖天
兼悖人多士勉乎哉異日名山尊大儒明廷尊大臣所
謂萃五金丹砂之氣而英英以寶見重者將必有其人
矣然非邦君倡於民重厥儒則倡無以應非把耰鋤逐
什一者皆知棄寶而重儒則無以荅邦君之倡蓋重儒
之一念上下相應所關甚鉅若廊舍寬則士舒堂廡寬

程傳可遺身

則校士者舒去風雨之患腫鑿之疾猶其末焉者也故
紀其學業大者

程侍郎遺集初編卷八



河南按察使嚴公神道碑銘



公諱士鉉字震叔又字筠亭江蘇丹徒人先世太學生
永中居汴當宋靖康時與太學錄陳東等擊登聞鼓請
留李綱不報遂渡江而南居京口為遷丹徒始祖曾祖
之錫祖榮德輕財好施喜交魁儒碩彥鄉里敬之貽贈
中憲大夫父璟晉贈中憲大夫妣華氏曹氏贈恭人公
為中憲第三子少端靜及長儀度修偉性沈毅寡言笑
喜愠不形於色工文辭尤留心經世之學公叔祖元熒
以名進士教於家窮經治史旁及星緯象數公從遊盡

得其傳乾隆丁酉科公舉選拔以知縣試用四川攝秀
山內江題補墊江將赴任以憂去服闋攝天全州攝成
都兼攝金堂題補捷爲攝樂山奏調華陽以軍功擢資
州尋擢知甯遠府事攝夔州府事奏擢川東道攝布政
使攝永甯道攝按察使擢湖南按察使調河南按察使
未之任以疾去公善折獄任華陽時有以貨得道職仍
充潼商負犍商本不歸犍商訟之某怙勢亂鹽法不爲
屈公歎定禱其職加桎梏豪猾奪氣又有以貨得副指
揮某利嫠叔母財誣其與壻姦訟諸按察使飭公會鞠
嫠懷利刃欲自割于訟庭公廉知之訊其指姦無證乃

坐誣告者嫠與宗人數百伺公出焚香泥首馬前又富
家某債一婢忽逃去婢家以謀殺控公方集人證研鞠
時按察使承差明招佐者陰傾伺日一至縣庭公疑之
廉得招佐匿婢狀蓋招佐嫌富家欲陷之公帶幹役出
不意於二鼓後排闥入獲婢即禽招佐論如法公發姦
鋤強類如此平反獄至多錄其犖犖大者公尤知兵乾
隆六十年湖南苗疆軍興福文襄王帥師進剿孫文靖
再督四川駐節秀山時公攝夔州府事府據白帝控瞿
塘萃水陸之險又東縮宜昌東北袤鄭陽北指興安南
涉施南古戰爭地也公亟修水陸營堡誅匪徒潛伏者

未幾白蓮教匪齊王氏姚之富張漢潮覃加耀等起分
竄荆襄宜施各府在在與夔州牙錯公亟請於孫文靖
撥權銀集團勇積穀練兵爲守禦計選健卒數十人布
所轄六邑偵奸細而大甯之一碗泉開縣之周家槽有
伏寇公會營弁疾馳掩擊殆盡是時川中教匪尚未蔓
延改旋起旋撥滅文靖又以巫山爲川東門戶檄公守
馬巫山郭俯江憑大甯河距楚境不百里而巴東之培
石遼箭槽拐子坪皆有教匪欲攻巫山城得則據之不
勝則奔湖北與大股賊合其酋曰侯光斗李宗嵩無何
侯之宗人告變公時出巡陪石聞之遣親信入山偵即

約都司徐朝綱議剿撫時公度賊密約已久而未發必
脇從者眾心力未齊也乘其未發撫之則不煩兵矣語
都司都司奮曰朝綱任巫山各與各寨居民習當爲公
往公握其手下拜曰君信有膽識某亦同往義不獨令
君勞也各帶僱從數人而分撥兵勇每五里置二人爲
急遞脫有變即馳歸報巫山使登陣守瀕行探卒旋曰
居民數萬戶教匪三之一耳公與都司徑入不三十里
有寇儒冠者十餘人迎於馬首詢何姓皆侯李也曰來
者非太守與都司耶曰然曰是不可入中有教匪數千
戶將揭竿奔湖北矣都司曰知之眾曰既知之何不帶

兵而單騎入都司曰吾與太守不以教匪視吾民奚兵
爲且爾等不聞湖南苗疆凱旋之兵十餘萬圍賊於巴
東之黃柏山不日盡剿無孑遺乎彼棄其田廬墳墓妻
子欲往助至即授首耳愚甚彼能悔教從我我與太守
能生之眾頓首泣下曰太守與公來某等活矣某等亦
誤入教匪者公於是拔佩刀裂短後衣一幅示之曰所
不許爾投誠而食言者有如此衣眾曰首逆謀者侯光斗
李宗嵩耳某等願禽以獻公即委候補員馬鳴鑿吳國
鴻各率兵勇往追捕自與都司徐分歷各教匪巢穴宛
轉曲諭十餘日而徧皆革心爲良民尋獲侯光斗李宗

嵩斬之公下令赦悔教者於是數千戶人歡聲若雷嘉
慶二年川東達縣之王三槐徐添德川北巴州之羅其
清冉文儔等蠢起陝西亦然三省連兵曾剿而賊愈熾
參贊德楞泰公駐兵開縣之大團包公在參贊營總糧
餉乃獻策曰齊團練使之守招鄉勇使之戰參贊聽之
公招集鄉勇一月餘得萬人選隊長二一爲桂公涵一
爲羅公思舉今皆官提督總統宜綿公參贊德楞泰公
奏公勤力奉

旨賞帶花翎時賊匪出沒不恒德公屢挫之因選勁旅
乘夏漲爲下峽計公馳入夔州集兵船三百艘載官軍

隨德公自夔門下抵宜昌德公登岸將整隊忽前鋒傾
報賊匪不入鄖陽將竄荊州出襄陽以齊王氏樊城人
樊城接南陽德公恐震中州計賊匪已過宜昌不可追
甚憂之公進曰可仍由水路下荊州因手令箭傳呼曰
兵船無散仍載大兵下荊州舟子皆夔人感公舊政均
踴躍時宜昌餉絀不能給船值公即以川餉給之剋日
請德公登舟德公喜曰此行扼賊不使過南陽君之功
也果及賊於荆襄敗之復敗賊于鄖陽殲之公以軍功
加道銜隨德公營至漢中府漢中與保甯接公調川兵
及餉遂至保甯之廣元而土匪何四蠻刀等欲起應賊

公禽其首撫其餘境內以安大府上其事以道員即用
尋授川東道仍留軍營嘉慶十一年陝西甯陝新兵叛
川東毗陝西省公赴綏定籌邊而綏定新兵亦翻城出
欲由新甯竄巴山公即檄桂公涵迎擊盡淨時事起倉
卒公籌畫凡十晝夜不寐公自己邠兵興迄辛酉功竣
凡七年在戎行運用神速知山川夸險故所策多勝筭
恒出諸將帥先耐辛苦尤儉約食等士卒臥一敝穹廬
不避燥濕寒暑卒以是致顛眩疾大兵之後川北一帶
州縣有未治城郭者方伯方公積議開南江老林招商
出售可得城郭資請於常齡公檄公往勘公按行一閱

月致書方伯以五不可阻之大旨謂南江山谷阻深毗
陝西漢中爲南棧別支賊匪初平人宜散不宜聚聚則
易因緣爲姦而兩省墾荒之人不下數十萬皆衣食此
山一旦設廠伐木是奪其利又老林爲縣屏蔽伐之恐
地坼傷方公得書白制府罷之未幾陝西南山大饑木
廠倡亂人皆服公先見襄平相國蔣公攸銛時督四川
知公練達詢以川省情狀公條吏治兵政邊防盜賊四
事大約謂蜀中州縣起科目者半起投效者半易分門
戶角技能又瘡痍之後弱宜撫強宜戢當判其才之寬
猛使各盡其長去其短拘常例輪委則上才屈揣地方

肥脊則私門開又軍功超遷往往起微末洊至方面流
品至雜尤宜審擇蜀中兵久戰故兵強兵強則易叛糧
帑不可移動訓練不可廢弛以勇將兵以誠將將則百
萬統于一邊境番夸之黠者北曰果羅克三部南曰瞻
對三部又建昌道所屬各州縣永甯道叙州府馬邊峽
邊雷波等處民番交錯易侵占啟釁盜賊之尤者曰咽
匪咽匪有專律格殺勿論其民浮囂易動故剽掠作姦
不獨莠民富室豪強亦爲之且匪猾與通賄尚巫信祆
好結盟黨皆教匪之漸公所陳皆遠大蔣公一一施行
蜀以大治始公以知縣辦西藏軍務大員某僣從入局

索夫馬勢甚張公立擒治論如法嘉慶四年川督勒公
被逮以某公代某公至將與大獄公從容陳白以情理
折之其事遂解人謂公善用剛柔有如此公以嘉慶二
十四年疾劇在告道光六年就養于楚南官舍八年夏
感熱疾秋不起享年八十有三夫人趙氏封恭人晉淑
人先公十有一年卒子三長學瀛候選鹽場大使爲公
兄士銓後前卒次學淦舉人署湖南耒陽縣知縣三學
澄候選縣丞前卒孫六榕廷枋樽榦標承曾以道光十
年正月初七日葬公於城西曹王山枝之徐灣原趙淑
人祔焉記澤官黔時識公門下士糜方伯奇瑜方伯稱

公德量智術不去口恒奉以爲法尋澤移官楚南以年
家子禮拜公公時年過八十言語恂恂猶未釋恭去歲
從蔣襄平夫子遊夫子譽公一如方伯所言嗚呼魁儒
長者芳烈之昭著如是是可銘也已銘曰

其量淵淵其才磐磐洞深察微秉經達權市朝原野皆
天所棄戰人之命匪仁曷恃五過有疵弱肉饑強公折
鉅豪剽狼卹寇用武之國死若薤草公起白骨授以文
祿或摧機牙或爭須臾騰趨飛行如風御虛烽銷馬卻
雍容坐論東井有絡西川如鏡卅載服官七年枕戈心
燔欲枯筋憊猶磨屢筦億鏹退無四壁布裘白髮危坐

獨息有子謙慎循吏通儒公活萬生流慶必都武惠山
側嶽嶽華表過者式焉視此有道

戴尚書神道碑

道光十年六月二十八日署工部左侍郎前四川總督
戴公薨於京邸

旨加尚書銜照尚書禮賜卹越七月二十三日禮部尚
書湯公金釗奉

旨賜奠於私第戶部工部各遵頒發祭葬銀如例其年
秋公之喪至鎮江其嗣君卽中於義寓書於恩澤屬撰
神道碑恩澤於公有世誼且尋公知好甚久不敢以不

文辭按狀公姓戴氏諱三錫字晉藩號羨門江蘇丹徒
人曾祖京鸞祖士鵬湖北嘉魚縣典史父紀入籍順天
補府庠生考取三禮館校錄江蘇青浦金匱主簿三世
皆以公貴累贈榮祿大夫例晉光祿大夫母張氏凌氏
累贈一品夫人公讀書期大用不爲無益之學尤樂觀
古名賢大君子出處施設中乾隆丙午科舉人癸丑科
進士以知縣用署山西潞城縣補臨邑縣縣彫勣公撫
字有方以治行聞時公父光祿公母凌夫人春秋高不
能就官舍養公思慕不置一旦引疾歸而光祿公凌夫
人俱馨膳不半載相繼没人謂孝感若有先告云嘉慶

五年服闋引

見奉

旨發往四川時蜀方治軍公至即攝營山縣縣當四達之衝供帳絡繹公籌備無誤補南充縣攝綿州知州擢我邊廳撫夷通判公在綿有惠政去之日父老遮道哭請建生祠公力卻之乃已歷攝資眉邛各直隸州知州成都府通判保甯順慶夔州成都各府知府嘉慶二十一年公再攝邛州時有姦民黃子賢等嘯聚亡命千人約以州試文章日乘間發公領知聚謀之所屆期仍扁試如恒密遣民壯數百突往捕悉禽之案具大吏欲以

軍功奏公請戮首惡一餘以軍流處之得

旨獎飾時公已擢茂州知州二十三年擢甯遠府知府道光元年擢建昌兵備道時雲南永北廳夷匪啓釁與甯遠界一金沙江川民騷動公募鄉勇集數百人昕夕練習防衛永北難民沿江就食甯遠甯遠兵弁欲禁不使渡江公謂避難皆赤子悉廼撫之全活不下數萬人兵既息難民感公德不願旋因著籍於川時制府蔣公素以人才爲己任見公略能禦疆仁足撫眾曠薦甚力自是公膺特達之

知不三載即以布政使署總督蓋

聖主知人之明大吏舉賢之誠我公忠實之政遂昭著於天下而天下百職事成奮勉守道益篤

朝廷遂收得人之效實自公始其年擢四川按察使二年擢江甯布政使引避原籍調四川布政使三年奉

旨以二品頂署四川總督後復署成都將軍五年奉

旨實受四川總督公久宦蜀知蜀民立懂好勇教不先也於是正書院規制增義學三千餘區拓考舍一千餘區使士表其民民化于士又以治兵定亂預摧其機讞獄科罪須平其衡蜀舊多事非時過乃發致患禍成即好殺喜功不幸而激大變七年新都姦民楊守一等倡

邪教造妖書公弋獲之立正典刑越雋生番恃險遠時出沒劫商旅掠婦女僉議欲加兵公但飭吏捕狙黠者數十人治之雲陽盜販拒捕守令以夥梟論公謂售由官肆則非私販止十人則非夥當以重辟過矣惟當治拒捕罪耳官吏稱允其他濬渠堰水利禁販鬻子女斷鐙嬉侈靡掩埋軍興死綏之骨表彰國殤不屈之魄凡有關於世道人心者靡不修舉傳云公家之事知無不為惟公有焉七年七月公七十壽前期即蒙

恩賚并

賜御書數猷篤慶額時公哲嗣於義任吏部員外恭齋

赴蜀時人榮之九年內召署工部侍郎奉
命恭詣

東陵

西陵查估歲修事十年奉
旨以原品休致公具疏謝

恩蒙

召對

上諭以居官甚好全始金終公免冠謝公以久宦思省
卹墓入秋擬造歸即以是年六月得氣壅疾薨於京師
春秋七十有三公長身火色目爍爍有紫光情清峻不

受饋獻事上唯謹不阿從處同列以和不以己長掩人
短精力適厚每當繁劇益見緝密極嗜翰墨工行楷尤
工漢隸手錄書及讐校書盈篋喜讀薛文清呂新吾兩
先生書記道光元年恩澤典四川試見蜀士民述公爲
州縣時視民若子姓其班春也過一村墟則父老咸邀
停車奉茶果爲壽媪攜幼稚纍纍環車前公類能指其
姓氏與父老話農事課雨晴及家人瑣屑皆歡然應雜
然諾間有以事角口者求辨於公公爲譬況即散去
歲斷獄甚簡於戲庶幾古循良之風復見於今矣公配
張氏累封一品夫人子一於義甲戌科進士官吏部郎

中女一適山西試用知縣呂兆熊孫一朗女孫一以

年 月葬于 山之 原銘曰

大善之積自微成著下位廿年曾不數載

天子有命統東西川

天子壽公公七十齡不懈益虔文師文黨武師武鄉謀
略炳然人震貴速民知

主聖公宜累遷所居父在所去母失咸戴二天封圻遠
民惠罕下逮獨公如前鄙赫赫名曲突火始拔毛斧先
歷少壯老束身清勤植志貞堅

恩禮始終進退緝緝曷歸乎田不及省墓公心不怡奪

公何適墮浹之碑遺愛之碣過者式焉

贈長蘆鹽運使伍公神道碑銘

公諱光瑜字爭尹號屏秋姓伍氏始遷祖德全精麻學
明洪武朝授刻漏科博士掌欽天監事賜第宅居金陵
歷五世皆世其官六世少西以助振賜四品冠帶旌曰
高義曾祖致遠以嗜古善鑿藏稱祖宗鯉以孝稱父守
旃太學生以廉讓稱兩世俱累贈中議大夫妣楊氏陳
氏俱累贈淑人公生三歲而孤少即穎悟母督讀書寒
暑無間稍長治羣經尤邃于易善讀史嘗錄成事核所
行得失性好善見善必爲爲必有成乾隆間上元江寧

兩學宮將圯公與同學倡一錢約積數年整其圯如新
嘉慶廿一年羣議重建江寧府學明倫堂賴公成之廿
四年大成殿災節相孫公玉庭議修復公又成之是年
九月之晦大成殿先考漏初下殿上騰白光如晝又十
一月晦日將夕有黃雲幕櫺星門蓋公自束髮時每月
朔望必齋沐拜大成殿階下及是又督工竭心力人皆
謂誠敬有符驗由積累所致云公倡恤嫠局曰同善堂
行之有成效而慮官士族之嫠不能與歲暮必措貲計
戶厚飲之公倡棊生局曰生生堂法於大江磯狀設拯
溺船一歲內風濤險巖全活無筭又塗有墜者恒以塵

民畏牽匿不報致暴朽公偕眾白之大吏定規制凡途
墜即報局驗瘞嘉慶十九年江寧大旱百文敏公募助
振公時方抱疴力疾偕紳耆勸輸凡五振九閱月乃畢
大吏入奏奉

旨議叙主簿銜公以餘羨白大吏發質庫權子母作備
歉用迨道光三年大水發節相孫公復勸輸不給用而
公所請權子母已積鏹二萬餘取以益之乃足上元江
寧軍船之制有運籍有快籍快丁例助運丁費苦累殆
不支快費不解則官呈議催比急則丁死官與丁已交
困又快丁啖黠胥口攀齊民誣在快籍比辨明家已破

則困及齊民先是漕督許公兆椿守江寧時置官洲以劑快丁困而每年運糧造舟之助尚不給公請借庫貯若干勸快丁募捐若干皆權子母而運造一旦俱給是舉也快丁有恒產則丁便民免誣攀則民便官無催比過當則官便無繳繚糾纏則運亦便於是江寧所轄各縣有快丁籍者俱仿公所為行之循江至安徽聞風相效蓋公倡率之功幾徧東南維矣澤至江寧公適病尋卒凡哭公者皆失聲因究公樂善之專魄力之厚則咸謂公至孝友務賙卹自門內逮姻友俱徧乃知推暨覆被之廣且大由孝友然也人不先本原而務博施又烏

能施博哉公好詩著有補園集以道光十年四月卒于里第春秋七十有三歲貢生候選訓導議敘主簿銜以子貴累封中議大夫夫人馬氏累封淑人性好善與公同志凡議舉助公尤力子若孫曾林立且教且撫寢門以内雖難如也上下忻忻如也先公三年終于長蘆官廨春秋七十子六長齡歲貢生舉孝廉方正以知縣用長華進士廷試第三名授編修累官長蘆鹽運使長英舉人湖南常德府同知長松長馨俱庠生長貞孀女三長殤次適孫玉銘次適馬功浩孫十女孫十九曾孫女二以某年某月之吉葬公某山某原銘曰

葉陽助王息厥民億萬人值銜溢恩手拯活之口弗論
護聖杖履鍾離意葺絲竹壁謹敷瓌凡公所守敬無肆
積善衮衮福其嗣

戶部福建司郎中鶴皋祁公神道碑銘

公諱韻士字諧庭一字鶴皋姓祁氏山西壽陽人祁爲
晉巨戴其占籍壽陽自河東公始至公十有五世曾祖
敬德祖雲瑞贈朝議大夫貤贈榮祿大夫父文汪贈朝
議大夫晉贈榮祿大夫妣賈氏贈太恭人晉贈一品太
夫人公穎特善屬文自幼喜治史於疆域山川形勝古
人爵里姓氏靡不記鑿年十九館於靜樂李氏李氏多

藏書書樓十餘楹且弄善本公寢饋凡五稔益博洽
乾隆四十二年拔貢生是秋鄉試中式明年會試中式
官翰林五十年大考翰詹名列二等五十四年京察一
等記名以道府用五十五年擢右中允五十六年大考
翰詹改戶部雲南司主事嘉慶四年授河南司員外郎
五年升郎中秋八月充順天鄉試同考官六年充寶泉
局監督在局兩載九年局庫虧銅案發歷任監督皆逮
門下獄故事交卸憑冊籍不盤盤有期公不及盤期故
無自檢覆十年同逮之監督五靈秦遣子申訴得末減
發熱河公與宗室鳳麟等戍伊犁始公在史館也奉

旨創立蒙古王公表傳嵇文恭爲總裁知公深屬公任其事公核立傳體例計內札薩克凡四十九旗外札薩克若喀爾喀士謝圖汗車臣汗札薩克圖汗賽因諾顏若青海若阿拉善若土爾扈特杜爾伯特多至二百餘旗及西藏及回部均應立總傳分傳而苦無徵館送旗冊亦雜亂紛糾即人名重累驟不可逗乃悉發大庫清字紅本分檢之有涉外藩事跡者擇要詳譯作底冊每于塵盆中有所得共詫爲異聞於是按部落條析之人立一傳必以見諸實錄紅本者爲確復據

皇輿圖西北垂疆域爲綱領據理藩院世譜訂王公等派系凡八閱寒暑而成計書百十二卷終始佐公者則郭檢討在遼也及公戍伊犁也則創纂伊犁總統事略別摘山川疆里爲西域釋地蓋公學自乙部入窮源滌流薈萃貫弗能擘其鉅實經世可施用性介直自將不逐時爲俯仰遂見抑於權要力殫苦不食報而師友皆名儒偉公以文字受知則朱文正王支端阿文成紀文達曹侍御錫寶金殿撰榜汲引若不及戴文端那文毅松文清則服公才識斷大事必咨之及其趨萬里歸來以著書佐治授經老爲客而沒嗚呼可悼惜也已公繼

室劉夫人智識英毅公遣戍後家破夫人攜子輩還壽陽亟延師爲授學以鍼黹所入具師饌必潔酒肉而自攻苦食淡比公歸公之嗣君今閣學寓藻學有成入翰林人謂慈教半嚴教焉及閣學視學楚南背公久矣太君訓之若童時小拂意輒令長跽受杖環楚南人皆頌學使之廉敏有所自署內外斬斬無不憚太君者恩澤與閣學契交且同直十餘年一日閣學謂恩澤曰憶先公在狴犴奏當重辟寓藻甫十一齡與世弇實侍側聞翼日讞上當勾寓藻股弁泣涕不自勝先公意殊泰然就燭下爲削詩文章數首引枕軒輶睡迄今思之森森

若身置刀戟林也嘉慶二十年三月二十五日歿於保定書院年六十有五官郎中 誥授奉政大夫以子貴晉贈榮祿大夫內閣學士兼禮部侍郎加二級配弓恭人先公卒年三十劉夫人後公卒年七十有一皆贈一品太夫人子六歲藻增貢生四川鹽場大使宣藻殤案藻國學生候選府檢校富藻殤寓藻內閣學士兼禮部侍郎 南書房行走宿藻舉人女三長適候選訓導王敷政次適兵馬司吏目閻庭椿次適候選訓導張麗暹孫七世弇優貢生候選訓導世庠庠生世齡舉人世舒國學生世佶世敦世長女孫二公著有藩部要略若干

卷西陲要略若干卷西陲總統事略十二卷西域釋地
二卷萬里行程記己庚編書史輯要珥筆集袖爽軒文
集覆甌詩集濛池行藁西陲百詠訪山隨筆若干卷嘉
慶二十三年公暨弓太夫人葬於葦上之原道光十有
四年八月某日劉太夫人合塋封閣學屬恩澤爲神道
碑銘於墓道東南銘曰

公性介而和仇爽而英多學璞沈而輝華喜會友以文
清酷雅歌括史例通國書指掌輿圖蔚然著作家才富
遇嗇命也柰何不於其身於子若孫視此豐碑之峩峩

光祿寺卿興縣康公神道碑銘

道光十有四年四月二十五日前湖南巡撫康公薨越
明年其孤兆奎以武進李兆洛所爲行狀乞余銘神道
之碑余故知公者故剴其大要以顯焯之按狀公諱紹
鏞字鏞南別字蘭臯其先自陝遷山西清源數傳至登
有又自清源徙興縣今爲興縣人曾祖萬方祖惇俱縣
學生贈資政大夫江南河道總督晉贈振威將軍生基
田官南河總督次基淵即公考也與兄皆以進士縣令
起家歷官江西廣信府貤贈中憲大夫晉贈振威將軍
兼提督曾祖妣郭氏祖妣王氏妣孫氏王氏生妣顧氏
皆贈封一品夫人公兄弟七人於次居五生而資性過

人年十二廣信公歿於任執喪如成人乾隆壬子科舉
山西鄉試嘉慶己未科成進士引

見用兵部主事補軍機章京充會典館總纂修官歷兵
部郎中鴻臚寺少卿通政司參議大理寺少卿鴻臚寺
正卿公之官大理也當嘉慶十八年林清首亂畿南山
東河南教匪響應公方隨

扈塞外作小冊備書三省阨塞險要及將弁能否兵數
之多寡適會

上問當軸即以其冊進

仁廟由是知公才可大用擢安徽布政使

陞辭

上命之曰爾有老母皖江一水可通毋慮迎養時安徽
四十餘縣皆旱災公諭勸富室捐資各振其鄉凡輸銀
九十萬兩米麥七十餘萬石益以帑項數十萬兩荒賴
以濟然皖省數災而藩庫止存三十餘萬兩其借支款
項有出無入公嚴杜借支當奏銷時即於州縣應領項
畫抵正供省一領一解之費庫貯增多二年之內實積
帑三百二十九萬八千餘兩某年擢安徽巡撫公自少
負文武材機神開張不主故常鱗雜粟錯消以囊篋喜
跡弛異量之士務立名義功業有可成就及任封疆益

以艱鉅事爲已任不恤常談浮議安徽巡撫銜故兼提督而廬風穎民俗悍輕備宗暉氏之族村里相望又洪澤湖大江及阜陽亳州水陸奔轍爲私梟擒匪所出沒公相其扼要繕營房立巡船先後擒治李才楊七等五十餘人奏置之法盜乃戢又擇標下伉健者每日五十人入內射堂角藝募精技擊者教習而時賞罰之公自幼喜習騎射所至完器械簡卒伍後在湖南造檣槍數十桿以教撫標二營至瑤人稱亂猶賴其用二十四年調任廣東時總督祝嘏入京兼署其任明年三月入

覲奉

命於回任時赴豫察視馬營壩及儀封漫口

今上元年有

旨查辦陋規公奏數千言大意以陋規入奏似非政體若奏減其數則不減者官吏皆明目張膽視如廉俸而已減者且額必私增若盡裁之官不能堪反益病民議遂寢在粵二年先後緝獲劇盜會匪數十案行旅以安是年六月入京署禮部左侍郎奉

命偕相國松筠赴浙查辦事件丁顧太夫人憂服闋以禮部侍郎出爲廣西巡撫旋調湖南巡撫苗疆自故按

察使傅公鼎經理之畏帖者二十餘年公視事後即修葺傅公所築碉卡二千餘處禁民人毋得入苗疆射利以兆釁端洞庭湖多盜環湖州縣以水上道理遠近不明相諉避盜不時得公定其界址爲圖常置左右嚴徼巡令無文武無敢不用命編查漁舟如保甲法盜無所容而公猶以苗疆自初平時官其桀驁者羈縻之今日久倚官作威致凌犯自相殺不治則損威治之則法重如戕官例難盡行多設苗官未爲有益反益生事惟詳考其所轄道理近遠可歸併者缺出不補以次漸裁庶無後患欲陳奏之未發也而適值六年水災其醴陵茶

陵數縣城郭皆敗壞民田廬無貧富皆盡捐輸不可行而費用廣視安徽旱災事尤劇分率司道分行撫卹極民於高阜而棲之行糜粥及藥物棺槨乞恩展振及修屋宇費皆得

俞旨公伯父河督公善言水利公幼習之撫安徽時修堤堰於淮河北股河以遏黃水由減水滾水諸壩軼入靈璧宿州者又築捍江堤千二百丈於無爲州之黃綠灘及湖南水災後復澧州田侵入夕陽湖萬四千五百畝排水去污皆可耕其不可耕者萬一千八百畝豁免起科分別奏行至道光九年入

覲陳苗疆事宜

上命與督臣熟籌之議未定而公入爲光祿寺卿旋致仕道光十四年四月二十五日卒於河內里第年六十五公直軍機十年受特達

知巡撫四省

賜天府圖書稠疊優渥所建立多灼灼可指白而公常慊然未盡與僚友言每深慕孫文定陳文恭之爲人也事太夫人竭情承歡不計費多寡深交疏客莫不意滿配封一品夫人趙氏子二兆奎正二品廕生刑部直隸司郎中 記名以道府用兆臺國學生孫錫齡縣學生

與齡成齡椿齡億齡俱幼以道光某年某月日葬於某縣某鄉某原銘曰

謹出納以裕封椿不積而贏是師研桑日肄金版補苴泰平要隘允猶可治川治兵筭數大事雄略偉斷憑陵談笑懦者悚懣事君事親有古名臣我稔知之於洞庭之濱流丸歐夷公稔知之我銘幽宮寶無愧辭

翰林院修撰汪先生墓志銘

高宗純皇帝御極之四十五年歲在庚子臨軒策士時賜及第第一名二名三名皆鴻才博學員天下清望而先生以會試第一膺

殿試第一授職修撰年甫二十六長身玉色眸子顧盼
炯然朝宁偉之四十八年充三通館纂修官本衙門撰
文是年冬奉

旨入直

上書房五十一年典山東試是年冬督雲南學政使還
仍入直五十六年以本生母憂去官五十七年冬服闋
仍入直五十九年八月十五日先生疾終凡通籍十有
五年得年四十先生姓汪氏諱如洋字潤民號雲壑浙
江秀水縣人先世居休甯國初遷桐鄉曾祖繼燦吏
科給事中祖上墳雲南大理府知府父仲鈞舉人贈奉

直大夫母許氏封太宜人本生父孟銷進士吏部文選
司主事誥授奉直大夫以先生兄如藻官晉贈朝議大
夫本生母祝氏贈宜人晉恭人金氏封宜人晉太恭人
汪氏自先生以上五世文望輝赫祿位踵於朝先生
蚤慧博覽典籍雄於文豪於詩試輒冠軍每一篇出口
相傳以熟走數千里垂數十年諷詠者恒不絕及其冠
倫魁侍

禁近文若詩益鴻麗名益譟天下士識其面者以爲瑞
性沈厚喜怒不形外和易內方介守潔用敏設措部分
才常什伯人其視學滇也滇士志學而苦無師先生行

教家熟子弟法每試一題則操管成一藝試畢示諸生即召諸生環案前為評騭點竄言語灼灼使充然各有所得於是滇之文日以上身及詩賦皆雕繪可誦值已酉遴選科得人稱極盛時功令當以五經並試先生以士專經久遠使兼習或未能驟通奏請每科以一經輪試輪畢然後並試得

旨俞允先是大理公惠愛在民歿有廟祀屢著靈異先生按試大理拜謁於廟郡人以為明德之後必有達者天道之可信如是相與焚香擊跽以送先生自使滇還朝

帝心益眷顧

優獎渥賜俱稠疊而先生涵養淬厲躬躬匪懈知與不知皆以公輔之望歸之孰意年甫至疆仕官未轉一階抱其瑰璋奄即長夜有識者皆歎生才之不易而才不竟其用為尤可惜也先生同及第第二名為江丈德量其三名即先大夫先生視滇學

上書房缺出先大夫實充焉又先後同直廬出肺附論契好每當春秋佳日喟和談譙脩然意遠其視權要熏灼之門若水火之不可蹈憶恩澤總角時先生一日偕江丈集先大夫廬恩澤出拜謁因得識先生風範迄今

思之座次言次悉在眼止何江丈先歿次年先生歿次年先大夫歿嗚呼其舉也連茹其歿也踵相接知先世結締非偶然而恩澤以十齡孤露之身忽忽三十餘年追銘大君子之墓抑何幸也又何哀也夫人陸氏封宜人例晉太宜人清德世宦篤生賢淑逮事二姑皆得歡心先生早世而家以不墜教其子成名繼志以揚以顯皆太宜人力後先生三十六年而卒享年七十有七子三世植邑庠生世楠附貢生雄縣知縣世樽進士官編修提督湖南學政女三長壻江西贛南道加按察司銜潘恭常次壻直隸香河縣主簿管嗣許次壻邑庠生熊

鍾祺孫三葆煜葆烜葆光女孫六先生著述甚夥多散逸惟葆沖書屋詩集若干卷手自編也詩奄有唐宋諸大家風卓焉可傳以道光九年十二月吉日合葬於嘉興縣六萬金港之原銘曰
豐其才嗇其德則不竟其庸也先生則才蘊括於德中純鉤之錫而夫禔其鋒宜壽且崇而位未躋乎列卿書未滿乎名山尤可恫也宜後之人接武而隆隆也

候選同知李君墓誌銘

代

君姓李氏諱莫字堯階號竹君故金陵世族也曾祖國柱祖春父師韓歷任石阡南康知府 誥授中憲大夫

晉贈資政大夫妣凌氏封夫人生母徐氏封太恭人君年十二資政公及凌夫人先後棄養君哀毀骨立如成人事生母徐太恭人孝養周至尤慎疾疾則晝夜旁皇無措必安乃釋昆季凡六君居四志趣不必盡同君處之盡恭友仲兄蘭疾篤君念承先業非仲不克支乃焚香告天願以身代仲歿後教猶子尤盡瘁兩江秋試人數至多恒苦號舍隘每錄遺輒多所屏棄君請於邑宰白大吏願捐貲購隙地增號舍遂剋日鳩庀得八百餘間多士德之嘉慶十九年江甯洊饑君捐貲無慮巨萬復于城西永慶寺設粥廠目視手告疲執不少休使老

羸皆得所全活無算君家世席豐膾約出之人以爲侈謙出之人以爲倨君躬躬守盈泰之戒故堅持淡泊之志力行施予之惠誦法談道一滌金幹玉相之習而靜慧相發藻翰炳炳亦非時輩所跂及余知江甯府時君應童子試見其文異之事竣來謁則儀兒玉映進止溫雅知其澤於詩書者深是年君遊邑庠就余問字余欣然以爲爲 國家得一俊傑尋余莅淮徐君送餞江潯猶殷殷訂後約不數年而君之凶耗至矣世有豐其德嗇其遇者則必不嗇其壽今君數舉未得一第而其年甫壯而折若有可爲盡齋以歸九原嗚呼是可哀也已

君生於嘉慶二年六月卒於道光十一年二月得年三十有五上元縣學附生候選州同知 賜五品銜 誥授奉政大夫賜封中憲大夫娶于氏封恭人子二長作霖次作柏女一以 年 月 葬於 城之 山原銘
曰
崇其心田真意盎然以從王事則專也處富若尪拖人即忘以蓄己德則昌也舉舉其兒熊熊其文宜虹青雲而齋志未一伸也棗強之墓輔嗣之墳是生大雲以覆露其後昆也

王君元長墓志銘

君諱大善字元長姓王氏世為歙人曾祖廷格祖士璠父文述兩世皆贈奉政大夫妣余氏贈安人君性強立能任事尤工心計世父某業淮北鹺算絀多負命君振之君力竭度無可為棄而之毘陵毘陵亦世鹺業也君稱貸籌什一業以大興嘗語人曰凡業鹺當察天時審人事知物力贏絀則天時得知俯仰高下則人事修然非巧算不能解故特精乎算凡數過百億則持籌者苦茫昧君即屈指高倡曰若干算持籌者必往復詳核曰若干算如君言蓋君算沙等恒河亦不持籌也澤昔經毘陵恒宿君肆之別齋君每犯星起服浣濯衣儼坐容

止清肅子若弟雁行侍稍通悅即斥友朋造語皆唯諾
心甚異之及處里門聞族姪待君舉火者手指數百而
君不特無德色人偶詢及輒引愧自咎恒若不慊嗟乎
明算科不講久矣自司農司空之屬不能舉其籌而奸
吏日以文巧變亂射利君之算乃有天授不得為在官
用以市隱終可嘆也已君由太學生捐輸議敘通判銜
加二級封奉政大夫以道光九年六月十五日卒壽八
十配鄭氏繼配項氏陸氏子一太學生國屏先卒女九
孫一曾佑以 年 月葬於 山 原銘曰
其營拮据其施專餘九族待其鋪宜其考終于堂而哭

弔者塞路隅也

通政司副使顧公墓志銘

公諱蕤字希翰一字吳羹號南雅其先世自江甯遷吳
縣有貞孝先生名國本者載吳縣祀典為公五世祖曾
祖漸考授州同知祖階升國學生考應昌國學生俱贈
中議大夫妣汪氏贈太淑人公中嘉慶七年進士官編
修十三年充會試同考官十七年

御試翰詹公名列一等擢翰林院侍讀是年放雲南學
政廿五年授日講官秋九月擢侍講學士十一月上疏
不稱

旨降編修道光九年擢右中允擢侍讀十年擢侍講學士十一年擢通政司副使十二年五月卒春秋六十有八公爲詞臣儒官凡三十餘年文學動天下而結主知崇物望實以奏疏顯其督學滇也道河南以風聞墨吏奸民入告嘉慶十八年聞逆匪林清變疏稱中禁嚴密若輩敢闖入肆猖獗則圓明園距都城遠尤宜備其擢學士也適值

仁宗升遐後疏稱方今時勢所急惟崇君德正人心飭官方三者爲尤要今上召見凡

稱所言都是者三其復遷學士也疏稱西域逆回滋擾不難鋤慝於目前而難弭禍於日後欲請於喀什噶爾添重兵控制安集延俾回人不敢窺伺且其地密邇英吉沙爾葉爾羌又東南爲和闐皆有水草可耕牧宜募民屯田以備戰守更請

慎簡大僚無分滿漢務得讀書識大體者任之以廉靜寡欲通達事理者佐之其遷通政司副使也適湖南北江南江西浙江皆大水疏稱飢民與鹽梟糾合易生事鹽梟不盡去終爲巨患緩治之則養禍深急治之則召禍速故欲禁其妄行必先謀其生路復請變其鹽法聽

民挾貨趨產鹽地收買隨時納課收課之後即不必問其所住俟鹽產盛丁力紆即令課歸丁不限疆域二疏俱留中公課士嚴而恩簾閣據几口講手畫懇懇忘倦必其人領悟乃已滇士翹穎者多出其門來京輦者多就公問業或就公廬止舍凡四方士經指授者皆砥躬礪行有文學能自立而公文壇老尊宿之譽日益四馳知與不知皆欲乞書畫以自飾爲詩文師大蘇賦駢體俱師唐宋書由歐陽率更晚入乃傲褚登善間亦作墨績嗚呼即所造就已必傳無疑而公所學深醇實能通政教之源以生平所讀書反諸身驗諸事爲當世拯溺

於
抹焚之具加以忠愛惓摯急公忘己有所見聞必獻之

當宁或冀一行卒也屢荷

褒擢駸駸乎且大用而公衰病不能待矣史稱陸宣公言本仁義炳炳如丹如公其庶幾乎配汪氏贈淑人以其妹爲繼室封淑人子剛曾殤以猶子條曾爲嗣女二長適吳慶華次幼以 年 月 日葬公於 縣 山之原銘曰

弋名者鳴其利私其實也絢名者鳴其名沽其直也惓懷于君國近不喑遠不呿不叩而必鳴其言夷且貞請

程傳自述集
以觀先生

兵部尚書王公墓志銘

道光八年平西域功成

皇帝臨午門受俘兵部尚書以組縛逆酋生獻闕下萬眾爭覩驚歎而青陽王公適掌兵部禮成得越等褒賞公供職益虔久不懈

上亦倚畀不輕改他職任兵部尚書凡十六年道光十七年正月薨於位

天子震悼

詔以清勤端謹克盡厥職褒之

賜祭葬如禮子元榜乃以公狀屬恩澤爲之銘用不敢辭公諱宗誠字中字又字蓮府青陽王文禧公子也母阮太夫人以乾隆戊申年中順天鄉試舉人庚戌成進士

賜及第第三人授編修歷任禮部侍郎署工部侍郎工部尚書終兵部尚書 誥授光祿大夫 經筵講官 賜紫禁城騎馬當

純皇帝

睿皇帝時嘗屢爲雲南四川陝甘省鄉試主考官會試同考官及文武會試總裁於河南山東江西皆久任學

政及

今上即位時閱 殿試 朝考散館卷凡數科門下士
既多貴顯矣而公又少年早取科第文僖公官禮部侍
郎公已爲侍講學士同扈

蹕東巡

睿皇帝幸翰林苑父子同席

賜宴

和詩

純皇帝實錄成公以詹事爲纂脩

賜宴禮部而文僖公官尚書爲主席後文僖公以年引

退公又相繼入直

上書房

奎章珍器

賞賜重疊其一家父子極文臣眷顧之厚蓋同時所無
雖

睿皇帝亦嘉歎其兩世知遇忠謹自將時發
天音而垂

清問也而公謙牧自處接同官及舊嫻疏友寒暄後輩
皆自居敵以下不敢與鈞禮後進見公或避去不敢當
公之謙挹自少至老未嘗一出言一舉足先於人任

學政優禮愛士然遇奸弊事必發抉不稍受顏面留根
蔓居京師其宅當冠蓋衝衢車轍皆過不留無謁以私
者其嚴介不苟如是而人皆習其和而忘其峻昔班固
以道德之士皆出於史官知秉要執本清虛以自守卑
弱以自持合於易之嗛嗛一嗛而四益者此特公之跡
耳思澤自通籍時即受知文僖公與公至款曲每以禮
謁文僖公公必衣冠侍文僖公即正容悟物之萬石君
也而公則舉策數馬之大僕矣自其學以孝謹著世躋
高顯凡鄉里稱篤行者鮮不以名父子爲首稱焉其他
嘉言善行施乎家及乎朋友故舊尤人所易知者不具

載也公生於乾隆二十九年四月二十六日薨於道光
十七年正月十二日年七十有四配江夫人繼配翁夫
人大興翁學士方綱女皆先公卒子元林廕戶部主事
及三子元棻太學生四子元琛皆早卒今官刑部員外
郎者爲次子元榜女三適上海趙榮貴州邱煌上元董
斯廣以某年月日葬公於某鄉某原銘曰

九乳垂天作鎮青陽歸神於公父子正卿公逢福世粥
粥日晦植棟如林不私一士高門峻城奸莫敢攀惟其
和光不怨而慚用承天寵保世視躬哀榮之典以奠幽
宮

吳璽洲遷葬志

君諱銘字璽洲安徽歙縣人曾祖尚選祖文玉父煒光
祿寺少卿乾隆朝官御史直聲震朝野君以名父子工
詞賦應戊申科

召試

賜舉人屢試不得官以平山縣教諭終寄籍京師歿葬
永定門外翟家莊子贊瀛操履極謹飭溺苦于學飢寒
齋志以歿無嗣君門弟子鄭上舍復光痛君祀之將斬
也謀于同里諸君醵錢若干以道光十四年十月十二
日遷君柩及配蔣妾某柩凡三千石榴莊歙義園俾祭

掃無闕時上舍適有西河之慟抑哀制淚奔走數日子
定計嗚呼俗益衰薄有子孫愁置其祖若父故不祀而
餒其鬼者上舍乃門弟子獨惓惓于塾師而爲之謀永
久之祀而同里諸君推友誼以及其所尊事皆激于義
可爲世風勸且也乾隆間倡建今歙館者即光祿公也
其子孫之流寓者乃托于義園以食抑何不幸哉雖然
使上舍無此舉則光祿不享爲善之報矣今門弟子一
倡而會葬者響應皆詩書之緒所衍抑何幸哉

汪君別傳

汪君炯字士光號春齋歙人系出唐越國公華後曾祖

景晁有醇德婺源江經師永爲立生傳稱其孝友睦婣任恤祖秦安養志潔身秀水鄭贊善虎文稱爲隱德君子父孝漪爲父吮疽以孝聞君承三世舊德益自淬厲爲端人事繼母以孝姻婣黨以惠澤躬以詩書凡相知契有喪葬嫁娶不備禮者皆欣成之乾隆丁未甲寅壬戌年鄉里饑發粟減直全活無算家廟祖塋但有修葺皆傾橐計不下萬金行賈之暇輒手一編尤喜與文士接立文社約並捐貲爲應舉者助嘗謂人不自言不俟人請不責人報然受金者輒稱道不置居恒告其子曰吾曾祖明若公得江先生之傳而傳吾感慕江先生故

自號曰春齋子孫其勿諼也卒年六十有五子三時育有時譽

論曰假人不德不責食人不使不役親戚愛之衆人善之所謂隱德君子也昔文範先生以三世名德著況四世乎吾鄉多隱德其子孫或達或否然達者或遽謝而不達者終亦必達且曼羨也吾於汪氏卜之

湖南提督軍門楊君繼室龍夫人墓誌銘

夫人姓龍氏四川成都府華陽縣人曾祖某祖某父廷泰乾隆辛酉科舉人官至廣東佛山同知夫人年廿二歸軍門時軍門已貴顯爲總兵夫人幼讀書洞曉大義

才果識偉柔而能強溫淑而敏斷與軍門愛敬無比嘉慶十一年春軍門以寧陝鎮總兵攝固原提督夫人留寧陝署秋鎮所轄兵叛戕攝總兵某及中軍遊擊等先是額兵六千名例月給米折銀三錢遭匪賊蹂躪物值益昂所領不給食軍門白經畧某疏申請部議權加二錢俟三載後再定議及是執事者停支持報兵忍飢兩月有叛意攝總兵某不善撫以威裁之故有是變時七月辛亥也有聞叛而請夫人行者夫人曰不可若我出而兵叛是知賊情也人其謂我何至夕叛者蠶起焚廨舍劫軍民在官眷屬暨民婦女皆驚竄依夫人爲逃

死藪時未叛者譁於內曰夫人勿死我輩受主帥恩賊入當以死拒脫不敵主帥歸見我輩屍見我輩心已叛者譁於外曰夫人勿驚我輩受主帥恩今迫而叛不與夫人以人勿驚即仇怨有避夫人側者亦不報也夫人端坐後堂戒奴婢曰死生有命敢號泣者懲之嚮明叛衆叩閣請謁避難者皆繞夫人哭乞勿納夫人曰愚哉若輩欲入即入孰能禦之請見則見何懼爲命啓門叛首數十人手血淋漓環伏堂下痛哭曰我輩罪大惡極將欲竄身山谷緩頰免死恐去後有驚及夫人者求夫人行夫人大聲謂曰若輩雖戕官爲首者洵不可違於

多人何尤主帥旦夕歸且爲若輩白其事於朝非盡殲
也可各罷歸伍不然斬我首去衆曰我輩血誓同死生
能聚不能散乃昇輿以俟夫人將升輿避難者千數百
人齊慟曰我輩死矣夫人復諭叛衆此總總者須隨我
出毋傷殘衆皆唯唯於是出婢子衣履輿在官眷屬結
束先行乃肩輿殿後出署衆復請曰昨宵廳城亦同
時破衆掠未歸歸即傳來立隊夫人曰止何等狂悖而
猶循此規制耶在此者亦毋張皇恐多人驚衆復唯唯
送至澗溝痛哭而返癸丑夫人抵興安越十有四日公
子承注生會軍門自固原策單騎馳千二百里入叛軍

收降撫逸籠束歸伍乃誅其尤凶橫者而衆情汹汹有
悔降意於是叛首蒲大方等請於軍門往迎夫人以測
軍門心軍門不介一奴許其威往夫人冒雪抱公子泰
然登程蒲大方王奉口角歐夫人止之至漢陰廳夫人
踞坐使左右鞭蒲大方四十械而行者三日始釋之見
軍門絕不言尋羣帥官屬來賀夫人以其事詢軍門且
傾叛衆意軍門乃問夫人所以不告之故夫人曰知而
不言是廢法也告而加誅法無重科爲妾謝衆官妾不
見徹不敢發發而衆情貼伏何問爲衆官皆嘆服而退
軍門以卒叛故戍伊犁尋赦歸攜夫人還里待某太夫

人養益自夫人歸後頻年多故甫得謁太夫人太夫人
風緩不能言手索頤指惟夫人會其意日夕在側太夫
人喜見於色幾忘所苦亡何軍門復起鎮廣東奉太夫
人行夫人從軍門移鎮陝西甫之官而太夫人卒夫人
素善病至是益困然偕軍門返里門力疾營葬備盡哀
禮居恒謂軍門曰方寸靜潔則理勝欲念慮牽繫則欲
勝理人生最忌情流爲欲當軍門撫叛卒時自謂功足
以贖過而夫人謂曰君必赴伊犁當別經年顧屢立奇
績不久即還耳卒如夫人言嗚呼若夫人者可謂明智
矣夫人教子極嚴善鼓雅琴工畫蘭時時爲之不倦以

道光五年十一月廿五日薨於湖南提督署之內寢年
四十有三 封一品夫人子一承注 恩廕一品監生
娶福建按察使蘇公兆登女女一字原任陝西華州
知州劉君某之子宗浩孫一思棣以是年某月某日葬
於某縣之某原空其左方爲它日合窆計則公子承注
當夫人綿悒時度其意而請之禮也銘曰
猗歟夫人識力堅定相厥夫子勸勉以正作孀之初既
榮既都鳳車翟衣龍節虎符夫子好文對講師律心兵
不擾乃築鐵室主帥遠適叛軍一嗥男走女呼環城動
搖主帥有恩夫人贊之欲語叛軍麾以散之叛徒求謁

夫人踞見責以大義示以不變攘攘沙蟲爭舁魚軒夫
人叱之噤不敢言提嬰挈姆依夫人所翼之嫗之遂脫
禍暑其時夫人孕玉將產無驚無恐竟得雛贖主帥亟
歸招降叛軍叛軍疑之請迎夫人叛酋忽門若門兩虎
夫人鞭之若縛兩鼠帥謫帥還乃移歲陰有姑白頭風
緩不斟攜手歸覲載色載笑姑意甫動夫人以告夫人
有子賢而多能教督不休大愛似憎娛此泰平夫散妻
佩無作君父能治內外生犀繞帳鼓琴終夕曲罷寫蘭
華葉盡碧嫩曜忽隕將星蒼涼幸即珂里一舟可航靈
風灑灑痊此明月女丈夫碣過者無忽

先母項太恭人事略

母諱 字玉書歙縣人父雲騎公際會母程宜人項
固歙巨戴雲騎公任俠負逸氣能書畫騎射與我先大
父朝議公爲中表館先大父於家課子若弟時先大夫
學士公童年絕穎異誦十三經若流雲騎公奇之母讀
書內塾亦絕穎異以歲時伏臘謁先大父道勝常進退
合度若成人先大父亦奇之婚議遂定先大父治家謹
肅先大母吳太恭人率子婦承事若嚴君寢門內不聞
警歎聲兒啼聲我母年十八來歸性至敬慎操作尤勤
力先大夫文名日益諫試屢不第先大父望愈切先大

夫因泊於名而懼無以成親志也每報罷輒歎歎不自
勝母始勸慰繼則相與飲泣遂成心疾幾殆先大夫官
翰林僕值 內廷母佐內政凡十數年攻苦食淡無異
未仕時逮先大夫奉

命視學山左也母喜曰夫子以二老人煥離故恒欲解
組歸今遂迎養志矣孰意抵山左任甫七日而先大夫
遽見背母痛絕時叔父儒林公在任所經紀含斂百方
喻譬母母懼以一死益戚堂上心也度堂上聞此耗必
不支必覲堂上乃徇庶無憾遂扶柩挈孤間關旋里門
先大母一見恩澤涕下不可止先大父復喻譬母數四

母乃事先大父母愈敬慎操作愈勤力先大母憐之因
勞曰爾處官舍十餘年尚能親饋饗可謂賢矣然我念
爾若是輒痛兒甚兒幸有子子賢不肖不可知但使我
見兒勝其父之衣則我心釋然矣恩澤晝持束書侍先
大父側夜則侍母側母篝燈督恩澤讀恩澤弱且鈍吻
躁口苦猶未成誦母且泣且口授向明必背誦無譌乃
使詣先大父所恩澤年十五入泮先大父尚在年二十
舉於鄉年二十七成進士官編修先大母尚在至是先
大母謂母曰汝撫孤事已就兒出身事方起教不可一
日弛也先大母見背後三年恩澤奉母官京師及奉使

於外皆迎養母教責尤嚴常曰爾屢奉外使我豈不悅然奉使以廉爲體以明爲用汝何能明惟廉則生明若不廉則負

聖恩悖先人德雖奉養極華盛我不款也恩澤奉外使凡六年母食不重味躬服澣濯且晝夜兢惕惟恐恩澤或累於過差嗚乎痛哉母中歲頻厄所冀幸者一豹子耳未成立則憂未學則憂未仕則憂及能粗給供養而來日又苦短也況外迫公事則定省缺久膺幽憂則疾疾頻求從容笑語于燕閒時蓋亦不數數覲也嗚乎痛哉母事先大父母極孝記先大父病嗽上氣疾母治膳

必使與方藥無悖及病革晝夜不敢休歿後哀毀盡禮先大母病風緩神志恍惚卧榻凡二稔母時年過六十晝夜侍旁潔飲饌浣廁踰衣不解帶者亦二稔及歿撫棺一慟齒無故自墮者二承兄叔姊姒以和御下公以寬生平無疾言遽色聞人有阨若身受戚族稱貸雖典質勿吝是非善惡了然而不欲明辨讀書通大義幼所習者至老背誦若流尤好岐黃書辨寒熱虛實雖專家不能奪也常誨恩澤曰爾務泛覽而寡要若力行仁恕則所業進矣又舉漢劉寬傳相示蓋以恩澤持公事過奔急也嗚乎痛哉以恩澤蠢愚而內不拂于家外不戾

子官徒以有母在也今且失母知不免于小人之歸矣
恩澤生四十又五年自母視之猶孩提也寒暑飢渴日
必三四詔焉今噢咻之聲猶尚在耳而望其曠已皁如
也嗚乎痛哉慈孝如我母明智如我母而不得食子之
報侍養無狀其又奚追嗚乎痛哉母以道光九年二月
十六日卒得年七十有五子一恩澤孫一德威以先大
夫官學士封恭人以恩澤官祭酒晉太恭人

程侍郎遺集初編卷九

祭錢東生夫子文

於戲疊疊夫子敏穎超特文而又儒學統萬緒以蓄干
智未竟一勇既泊仕宦復廉取名用晦而愚由壯逮老
彌衰彌健半菟半枯豫尅亡日經畫合斂招詢友徒豈
有所赴都錄雲白委羽遮須音徽未沫春蘭秋菊請陳
其塵醜夫子才捷文不加點成誦借書分占口授十手擊
脫乞姑徐徐千詩百賦子唾而就眾喘而吁博闢典籍
尤邃鄭孔以經爲郭情律兒實芝菌虎龍炙景鍼芻閔
廓深遠百氏環橐九能大夫子嘗稱言經生偉人

昭代所儲薈萃著述錄采梗概以遺南孤學核壇宇治
課常變鈇析而臚子又稱言文蔽也雜詩蔽也誣和易
其體篤雅其節黼黻其祛圭陰江左謝華啟秀鎔一鞠
醴欲割橫流自守宗派以還古初子惠淵懿大直若誦
處愠以愉子識卓絕見微知著能斷且謀孝乎惟孝悌
懷故舊不遺甥呱弗籍貴胄歷官清要屢持文樞沛然
其名上徹

帝所遠波扶餘使尚待用秉經達權可公可孤憶受知
始賞臆顏裕詡詒癡符風雪清華鐙火夜集輒言姁姁
情怨理遺標然靜雲覆四座隅十有八載半以睽離迂

以開疏文藝寸長差可表裸子謹而譽憂患疾痛無可
告訴子聞而呼既畔函丈昔昔夢見猶憑竈觚歸拜牀
下秋疾來宅再葺再蘇不計生歿遑恤貴富紛紛奔帑
君子所息全歸爲亟不墮岐途遺草一篋枕鄰所授弄
之瓠壺後死之責剗厠流布且鉛且朱龍吉化矣瘦人
亡矣若津失柎尊酒既奠靈風颯然心光如珠小文譎
劣捧土益岱但形其劬有道之碑鄭鄉之業則俟大巫
哀哉尚饗

祭宋芷灣先生文

於戲太白一去大蘇不來天憫詩境夷於委灰公腹竒

氣如憑高臺西摘落月東浴蓬萊化為明霞焜煌九垓
尋子詩境非蘇非李古與我合我不古儼超然之神萬
彙其始猊鬥麟觸霹靂操筆捷若天馬彘若媚子秋館
桂魄春筵綺花醇耐千觴老手八叉草聖詩王公侯咤
嗟今日壘牆明日籠紗零縑碎楮傳走天涯為名翰林
良二千石才逸遇蹇卅五通籍使黔使蜀文路大闢滇
官一紀寂寞懷璧觀察一稔即削塵跡海內知己靡不
悼惜歎聲所到遂成今昔澤入芸館學宮體文教之誨
之伊子獨勤論符而癡滌蘭弗芬人覽叱叱子覽欣欣
謂我古賦蔚跂不羣袖稿歎客高吟入雲遂令走卒來

鑿大軍人雅重子信子所云子不惜譽溢其寸分我喜

且慚歸求典墳鄧林維流何處置斤子宦萬里我返鄉

國尺帛不達夢想即得秋遇如約子北我北嘉慶戊寅年公入都

澤亦入都參軍之堂元龍之側之渙自倡子聽嘿嘿時絕覺

設燕招澤趨陪座有陳伯雲王楷堂兩先生楷堂大聲歌近作公嘿爾而聽燭蘭尊冷珠斗

已仄送子上車微聞太息前此三年我使黔中子時在

滇音耗偶通子過且蘭貴陽省城訪我所宮我詢子詩垂老

愈雄我乞子書子曰遽匆我敏子政子謝無功我傾滇

吏述子之風灣甸有酋嘯聚羣凶肝人為舖喋血成虹

武弁翼之利其賤實大吏畏之恐衅邊烽子決殺之苦

無尺鋒上掣其肘旁縛厥躬子憤成疾勞心忡忡急練
鄉兵讐首以弓卒剗其頭以祭沙蟲曾否若是願聞始
終子曰罷休此何足庸惟子宦滇美政够夥士歌民頌
溢于道左小飲一霎欲問不果會有玉管奚待瑣瑣我
移沅權子艤楚舸同居鷄尾乃逃蹠坐轉粟天漢風雨
坎坷歸乃疲茶四末滅情遂令恒幹爲疾所禍跡子生
平大才觥觥支能著書武能將兵未罄所以詩文鳴
不撫所仕書日有名神劍夫禱三軍不驚偶露其銍萬
夫失爭子詩子書自視甚輕棄其胥餘後學所羹頡頏
其貌感輔而笑穎邁其性言簡以妙似狂似慤能忠能

孝都不經意動中窵要天懷散朗或飲或嘯一錢不選
萬卷獨校我登子堂未見奧窵多別少覲遠邇相照曾
不邂逅轉賀爲弔西愚傍徨如夜失曜江山文藻異代
同調遠致絮酒願子速醕靈遊靈歸不閱嶺嶠於戲尚
饗

祭家也園先生文

於戲有古豪傑起於新安天昌乃名不撫乃官少而通
籍老而爲客黃金山傾所至削跡早抱大志恥卑狹流
文章事功欲偃滄洲當其赴前不暇量力衆詫而驚自
顧甚得瑰意琦行珍裘玉輿神仙中人出入閭都獻賦

為郎遂入樞密兩轉銓署屢讞刑律英蕩所指曾雪厄
寬亮節清風卻賄與援熊湘戎事枕戈磨盾護麟符旋
左虎右隼尋其才望指顧九遷忽漫投簪弁九歸田進
避權相成我高潔退澣厠愉二老歡悅封公雄卓其施
恢恢公纘厥緒厦千萬開銅金陵穴非家所有揮霍在
即違計其後窮阮俵俵來收公門屢貸復貸公顏益溫
生死患難錢通可轉論公所求積無量善尤愛端士與
羣雅才既贍其身復廣其裁公性華逸詞翰俱妙壺輻
一巡絲管竝叫意錢博塞反雉擒魚脫手忘懷舉手笑
呼若公若侯皆金石友郎潛京輦四海趨走公不慕勢

人為名高息影江湖冠蓋滔滔筵芳友萃筵冷友散再
衰再盛哀樂參半晚學禽向與陶朱公逋負益多食客
益充吳楚遊倦遂窺海鏡粵都奇麗雅合公性瘴天如
瘴匪衰病宜淹忽長逝愴矣其悲我祖高足我父至契
我生公賀官邸連砌我戲鳩車公授我書公賙我家公
黷我裾乾蔭既失奉母南返我祖悒悒公語款款祖庭
又俎母憐其孤公曰勿憂此子易扶我年十七即學公
字與公仲子鉛槧樽俎我文無範公誠其馳斂而運鋒
公歎其奇我屢計偕公客吳會不第公愕既第公快我
素食貧奔走阻艱公泣公歌天涯水干別或數載聚不

三日念深綠淺心勞夢拙昭陽協洽我使且蘭逢公新
鄭大河漫漫玉骨鶴聳雙眸鏡徹語多恒昔賜老愈熱
夜半涕下曉來北南人語喧阗四目眈眈我黔而湘公
楚而粵風聽多阻書問亦闕公之貺我山海難量豈不
思報抔土太行金河以南別竟永訣五嶺以北苦矣消
息出處大節公無少虧不附勢要而戀庭闈使公徇祿
久躋大府定建宏偉龍文虎武公施既博不責人酬酬
者寥寥天道悠悠慈仁義勇筆不勝紀散在人口著必
良史公有三哲屢諫公歸仲也最豪博辨知幾公志未
伸當有達者我拭此目以俟方雅絮酒磨鏡未能親行

哭寢有淚激爲楚聲光孝鑒師華首葛老求公於是公
跡未掃於戲尚饗

祭葆逸舟觀察文

於戲國隕良士家失長者問天茫茫導以猶子從以懿
况君丁厥殃程書旁午讞牘未了燭難心益仲兄大賢
痛失白眉老淚萬行黔婁有妻伯道無兒後塵瘵傷君
以孝廉由國學師爲禮曹郎觀察東南亦習皋蘇亦宗
研桑際鹽法澈

帝命量吏改弦更張鋒車星使反覆詰難君言甚詳鞭
笞既得錢流地上利歸海王

帝嘉君賢移節歸綏長城巨防往者辛郊歲乃大水漂
朱雀航沈竈產鼃萬民凶凶牽船望洋君勸輸粟彌夜
連旦舌焦脣創抑鴻濬災誓波請命民用乂康改秋試
期士得平土不蹙河塘凡此美政大府俞之君實紀綱
我爲寓公見逐波臣舉室倉皇君傲華墅安我驚魂度
我中箱旅客多戚君左右我使登達莊我性狷介曲意
相喻婉辭而臧紅鄂破春素月行秋山明水蒼君歌我
呼連輿接茵窮花竹鄉一味之甘十漿之饋必分而嘗
送我北去天酸然雨離雲滿觴睽背二稔君來
覲宸五柞長楊直廬岑寂溫酒相勞有鳴寒螿君願益

豐添髯飄蕭甚口琅琅重話舊遊萍散蓬轉感時悽愴
謂君邊寄建樹必異克柔克剛君言南中風物清飭每
飯不忘西行索居黑水風急大青雪荒計抵秀容即攝
廉使其真未亾何來惡耗何疾殫碎何藥披猖走告諸
爰諸爰詫疑瞿瞿悵悵君性篤摯情慤德滿薰然善良
世宦熏灼尤所吐棄遊以迭湯訟庭花飛忽致雙鶴環
君舞鷄周妻何肉俱可屏卻矧日冕裳揣其襟抱清超
曠遠宜壽久長視官甚輕必能宏濟爲儉歲梁胡天不
愁折妻貞公悼盛孝章拙篆帖楹君所欣賞焚之陰堂
小文弁陋庶無愧辭聊申闡彰數耶命耶靈其自知無

程侍良遺集
任涕滂於戲尚饗

祭外姑劉太君童太夫人文

於戲痛哉二日不見疾來如風不語不食僵仆籠東胸
蓄萬言口無一字百呼弗荅瞠目闔淚喉森萃尊半體
遂枯心光熒熒乍有乍無投藥不入抵壺而嘆行就長
夜何術使旦遇否身泰節苦境旨反覆不訓孰測其理
請述母德孝於病姑姑臥三載昔昔爲奴以手掬穢以
口哺糜頰喏即應頤指斯知姑曰孝哉有婦若此願爾
女貴得壻如子先是外舅抱疴不斟金翦截膚石銚煎
心肉徇九原痕留一割若有所待隱忍生活時女未睟

未睟而孤卻顧女君亦腹文珠入地求亾祝天得雄兩
念交馳魂夢洵洵子羸女壯母意悵惘均乳而食冀子
速長嬌穉多眚幾赴殤宮就溼推漈保此阨窮家祀薦
時女君所治佐潔蘋蘩季蘭尸之干劬萬辛歷廿餘載
自後追思若涉淵海男賦綠衣既授室矣女卜鳳皇迨
其吉矣孰可壻者母心傍徨擇到黔婁不棄侯光新婦
來歸我母悅喜謂東母教婉孌循禮母與我母雅故既
久申以媿戚益相人偶槐榆橘柚合爲一家同上錦車
共走天涯黔雲漏雨楚風多暑我母慰安恐母意苦我
母數疾殄殒不支婦力弗給母能維持我母感母若姊

娣然朝怡夕娶若蛰壓焉我母綿傲呼母絮語我兒我
婦卿子卿女慈暉徂謝阻艱南行我咽我吽母止我聲
我毀我蹶我鬱我戚宛轉相我老淚潛滴母家雁門風
高折弦不耐溽蒸愁縛疾纏亦既北還一屋爲笑後堂
置酒子舞壻蹈玉雪諸孫或戲或訶梨栗繞牀軟語歡
和愧非章阜謬荷嘉譽亦效稚恭騎馬稱遽健婦夫半
直廬雙栖偶逐母軒渠沿桃蹊舊患漸痊常膳載進壻
階驟轉母意深慶尺五城南連宇接茆往來憧憧如一
團瓢經緯固綴庀我家政先人後已革衰崇正雞鳴膈
膊烏尾畢逋簪短帶長檝搨且瘠鏘籥如珮筐篋環瓌

施杖安於必得其所識惟卓犖性復卹賙撒環拔釵以
惠惇嫻昏黃燈火時話曩昔金張門第貂珥盈席外舅
雅性能績能琴母通奕旨亦解弦音投枰棗幹舊跡如
掃息古井波種拔心草施藥極急已疾曷瘳刀圭不聊
天道悠悠有孝者子事庶如嫡知母乳味悲母瘁力晝
夜不眠求醫籲天壻惶女癡繞柱而旋秋孟十九斜月
在屋純如二鼓婦孺咸哭年齒未耆旌封尚虛德盛運
促慶遺子帑事起倉卒我懷恍惚謂母尚存誤敬母闈
母憐孤雅安忍棄捐西風觸魂當亦潛然構疴彌酷繫
思彌永來日大難不盡哀哽於戲痛哉尚饗

祭吳蘭雪先生文

於戲有美一人起廬鄱東以詩而窮以詩而通卅載大名海內拜風萃古今才擷其妙空清若浴碧冶若癭紅能剛能柔且逸且雄雲錦鳳羅天巧國工綺歲高步秀矚玉頰歡場醉筆驕花寵葉解佩漢神躡柳佳俠連手縈繞願執巾笈上公通侯以禮爲羅入拜後堂出聯玉珂華天雪宵竒峯詭波眾摹難工獨聆君訶神畫僧繇曼聲韓娥一座盡傾萬本萬螺或寫宮紈或織鈿窠零句碎章口熟巖阿曰竝世生柰此才何亦登遴選亦舉廉孝薇省端牘露門司教性非坦率遇每錫璫超超阿

龍豈半袁豹斯人蕉萃識者私悼君懷豁如意不戀嫪其境彌窘其名益噪中山弟子擁書請造扶餘使臣聽詩踞竈聲譽文繡焉可戶告沛然有餘如響斯報懿哉前賢壇坫稱尊大波小瀾闢學者門屐屨其間君聞緒言同調蘭朋摩宰鯨鯢指窮爲薪似續斯文及君牧邊投老荒屯四海墨雨凝爲鬱雲繁敦蕭寥非君樂聞我齒廿餘邂逅長者見我塗抹詎以揚馬詫我博辨譏以終賈我詩舛律萬言灑灑拜君指植裁僞親雅精心銳力冥事侈侈杜韓難真漢魏易假曰才學識獨具陶冶我名未顯君乃大評袖我拙草投人夜珠強聒使聞或

否或俞我踐華近託於屬車君窺燕閒自佩一壺詆啁
醉歌月墮星疏我感白風君助我巧我購鸞膠君賦以
瑜我時奉母樞衣趨隅君遣魚軒蕙言灼灼珍善甯餽
必薦鯉鳧我即使黔客鄉棠館曾書寓君吾見亦罕君
後牧此柯古香暝對花豔豔得句款款荅曰築巢以寄
漫嬾由黔使湘由湘北返別君六載共歎晚晚慈暉隕
矣叫天莫回扶引南舟炎暑怒雷君送我行蕭寺夕來
坐不忍起語不勝哀僧揣友情亦佐嗟唉冀訂後約何
年何地遂成長訣豈所逆計庚寅之春君赴所治飄拂
吳會屢遣詩騎我客白下命駕未遂以後五載若背風

翅夢既艱到書亦尅寄聞君措施大有賢聲千室鳴弦
百夫得情文黨設堂麗參卹嬰敦厚溫柔詩教果行命
不龔黃壽或盱鏗唵老益工弗令吐傾梅景蓮花齋返
蓉城君福清逸名山幾遍滌筆匡瀑大雲菴硯久宿江
洲梅月如練有隨清娛玉貌盛鬢即吟妾繪淋漓東絹
惜哉早化如露如電昨接手畢深慨杏殤一官瓠懸萬
緒茫茫我徒依君曰銀河張惡耗遞來謂君坐忘懷任
彥昇哭盛孝章名輩漸稀詩道其荒丹旆東發久漸塞
抗靈娛或來垂帶相羊天末故人泣奠一觴君知不知
憑此心光為傳志銘後死所詳麤述大招臨風慨慷

祭曹文正公文

於戲元老耄嚙夙夜盡瘁心景其淪
帝乃震悼曰腹心賢曰股肱臣前此數日猶奉
尺一劄躬恣恣如何不憇精爽銷微寂無嘖呻月正三
日李將旦南有聲鏗訇公歸上霄朝野皇然失一正人
皋夔之衷灼知惟

聖篤信惟

聖守道不移心無偏曲

特謚曰正伊公學術本末鉅細一主於敬懷繩準鈎執
符明燭亢鋸之柄顧善韜晦不露厓岸莫克窮竟惟

聖誓之獻可替否昭臆而諍兒和辭訥不語不辯粹然
雅性惟

聖覺之弗辟嫌怨專抑浮競

明光若禊奉魁承杓十有五年參贊

宿勝縛渠龍沙圖像凌煙蕭勺靖矣動合幾宜山取澣
堧練習掌故顛畫清靜大猷炳焉一覽便記至耄彌彊
封章委闡雞次豈如占對不窮

皇心慰旃依之違之左右綏之以壹衡懸無笑嗔迹無
激揚語而能得賢頻頻鷓斯求比求繫望風而還端委
立朝正容悟物中外肅然身仕

三朝徧歷六官相廿三載以文起家以惠濟美以才展
案羣經背誦諸史括記體用攸在篇筆醇雅弗睽時好
聯鼓貫珠最樂商藻醴醕隻字夕炬起改誕章謫觚鬼
瑣回穴謝以不解五典春官十持玉尺金鑄四海方聞
槩人趣公所尚咸入模楷文軌既正道源所繫以建真
宰惟勤故敏惟儉故廉惟幾故深尤慎操履舉無口過
靡瑕可尋時際

堯舜寵重恩厚鑒此盡心公益奮厲深援安危思融古
今一言一策未緒未達反還酌斟條宜事比必聿必繹
犯星以齡惟

天聰明惟臣莫及敢竭斐忱綿悞之際猶念朝政誦誦
不禁

溫綸驟申任子增秩公感何若經被覆躬珍玲親體公
懽何若

親臨未臨
天意愴然

遺奠三爵留此耿耿眷顧愈厚思惟莫度歎聲所屆爰
自廷府以馳荒朔曰社稷臣百齡何悵九京可作公於
先子結肺附契爲金石盟我辱公知于彼生初先試啼
聲婉嫺近親崇重道誼相胥而成不干以私不逢以喜

愜公素情悠悠蒼天栽植之力推置之誠亦既孟晉曾
不計酬抔土太行師哉師哉桐子謾訖日即陌傾憶公
温温若氣之春百昌咸起去尤見思若燧厚夜若篋困
水生加太傅殉謚文正哀榮極矣靡不撫慟靡不賜禭
自

當宁始功著旗常慶流苗裔神在典祀大文清詩雉雉
麟麟充棟盈几千載而下測公笑兒惟憑故紙椒漿空
奠齊衰不御悲哽曷已靈風滿旗大星如月公其格止
哀哉尚饗

祭曹文正公德配劉大夫人文

於戲文正返真甫祺薦常柰何斗孀冥隨隕光亦有少
室峯積尤亟逐岱雲化距四挾日月穀歲旋哭寢者三
藉謂純終送者曷堪惟我女師婉婉德象以節度息作
嬪丞相爲曹大家爲劉令嫺明月采筆天風佩環節度
偉人母乃馮媛孺染禮教廣聞深見左右文正垂五十
年敬佩有道海內稱賢綠輿在門黃裳之偶大帥竿牘
望而卻走闕觀狐趙山公之妃辨才與量識幾燭微詎
特內政修尼井井亦轉風化亦賴戒警先是司農奉九
旬慈春暉盎壺大雲覆之母以孫婦逮祖姑事頤指目
潤動輒承志戴星劬劬煩擱織紉孝溢鄰譽喧傳迄今

我髮倪時隨母拜母繞牀黎棗娶春消九我母契母歡
若後先傾吐肺附情緒眇絲載乘載合倏哀倏樂我母
前逝母意殊索我娶於金繼室以劉母甥母姪唯母噢
咻絳帳生徒後堂弟子師思母慈涵泳無已受性寬懿
秉心懇勤不貴華撫獨宗誦芬通知大義亦文亦史蘊
才不露愈裸淵媿金幹玉楨八爵九華興慶首行榮顯
莫加蘭時內集屏謬深燕林林蘭玉雍樹負劔族嫺燁
焮羨母福完祝勻母福百分一端母曰茂哉綢擻錫類
宜勗子姓以紹門地善容仁氣藹如蕙風旁颺曲吹感
及媪童鳳靡鸞鍛中懷茹苦筠心瘁矣豈待淮雨尚憶

昨冬計及宗祠師入賢良母實尸之無成代終賴此朗
識警欬在耳若前日事師未卒空之後母歸乎春水方生
又送靈艫惟子孫曾彌賢彌俊足慰慈望金策玉印念
及小已於真冷時哭奠椒漿靈其鑒之哀哉尚饗

公祭李蘭卿都轉文

於戲鳳集及華海內文明所過謹諄願聆其聲亦有神
驥力竭猶騁仆於長坂見者哀哽豐遇嗇筭逝哉天聽
夫豈偶然抱道翊聖君如鄴侯如員半千生而慧成幼
即願天千詩百賦借書于手文采必霸歎飲萬有掇取
顯第若探筐篋抑然自下不侈形謀歷涉華近鳳閣樞

垣黼藻卿雲懸河筆端益習經史通知時務雷聲淵默
攬轡四顧成君盛名則守思田如搏丸泥指掌方圓以
渠龍骨則稻再熟以典雞次則戶勤讀百鼓統統盜草
而徂萬厦潭潭士晏而儒始是瘴深不覲驄馬父母在
庭瘴亦消治始是心聞耳塞目智良師導源見學海瀾
賀賀提陀精夫缺徒養印自充仁偃禮趨銅鼓應桴鑿
礪錯采陽明再來辰在戌亥悶古阿彌陽明再來具開
創功惟天下才展君領聞則權巨關船艤子徠鏡燭吏
姦決鴻害稼臥隄請命君盡止之弗番奚病湖波寬緩
堰虹穹然全生澹菑蟲人萬千權臬平亭採荒如火種

稜不齊生計遂左一歲再藝見賦吳都爾則全土吾能
障湖柰何賦重生金生粟圖始實難試視粵穀政和特
達有過其遷都轉山東借寇潁川平江練湖俟君盤錯
遂羈淮海紛攘六鑿百齡俄傾牙淺弦疾心光如月已
迫消乙君常稱言以古為師破萬卷書實為政資朕黨
儒效居此性真先教後刑厥化若神君樂山水驂鸞跨
鶴寧惟清暇觴詠閒作江淮東滙方聞所都偉哉主盟
比韓歐蘇憶同譜歲君甫十八外溫內腹丰儀俊拔二
十歸娶花月萬篇廿三典試章貢多賢強仕過三如日
方中好作功名圖麇卜熊未聞臥疾遽即長夜天球中

碎國棟折下翹想舊却哭呂衡州橫江迤南溢湘灘流
悲感所集定謀尸祝殉爲貴神上動瑄宿著作藏山詰
兄哀之身後千秋營魄戀斯椒漿泣奠銀灣側畔靈風
肅然助我三歎哀哉尚饗

大清武德尉四川建昌營守備王君及其子武義
都尉貴州思南營遊擊忠節誄并序

乾隆三十二年四川建昌營守備王君呈瑞偕守備馬
子健隨遊擊蘇爾相素克津泰入緬責貢以降聞於
朝於是藉武德家獄其孤宗祐又十年遊繫蘇爾相遁
歸白其事於朝曰蘇爾相囚素克津泰縊王呈瑞馬

子健死于江皆不屈也於是官宗祐以完其家實爲武
義君又十八年武義以清江營守備將兵黔楚間當苗
眾始立功尋以都司將兵剿教匪于蜀以遊擊將兵靖
永綏又從征興義苗平之勞績無筭賞賚無筭然寢食
戈刃間凡三年裏創吮血虐以寒暑病殫死不支未嘗
一日休也嘉慶三年七月四日武義在蜀營攻王三槐
于安樂坪大軍失利提督死武義收散卒以寡搏眾身
被數十創力屈伏地北面大呼曰不能報

君恩矣遂卒於陳于是武德以忠節殉于緬其子武義
以忠節殉于蜀前後聞于朝大白于天下嗟呼奉使

貴不辱命降不可也雖不死可也使武德不死與蘇爾相遁歸雖至今存無益也武義艱于獄勇于陳屢立戰功富貴而雍容雖白首統戎行可也然觀其戰先士卒篤病不少懈其心以爲彰前名報國恩出萬死不獲一生可也夫忠節天之榮名也其父取之其子又取之奉使臨敵人臣之大端也其父緬頌之其子蜀頌之太平之時而以忠節著尤不易之遭際也天何厚于王氏父子哉武德故黔人官于蜀遂家于蜀之西昌武義官於黔葬於黔復家於黔之思南武義子振基廕雲騎尉清慎有家法介安化令朱君以文請澤謂兩世忠節宜

誄也其辭曰

武德矯矯握節不屈魂趨金沙心向丹闕萬里孤臣不求人知忽暴于朝天寶爲之孤臣有子不絕如綫拜恩僖爵臥戈枕劍凡師之捷在義與勇武義一呼兵躍馬驟首首獲魁積甲嶙峋武義顧之

寵賚又新先登陷陳病困不已生爲國士死乃肖子金夷重夷有肉若糜血碧蜀天化爲虹霓鬼雄南驚直叩阿瓦歸來歸來同食方社

卹酒載清豐碑峩峩忠乎孝乎所得孰多朱波獻象岷絡如井如何琅邪不幸斯幸烏江熊熊掌溪來同忠孝

之廬千古以風

王母朱孺人誄

龍憐之孀未逾半稔而孺人僅三閱月也孫環之寡先喪厥姑而孺人泣三喪以血也任妻之少孤孩在側而孺人若流星之忽也然無子而有子子立而家庇抑何慈且喜也畫室而處瓶口而對靡不禮以節也閨門雍雍內外斬斬族媿悅也曰奚自奉之約而與人則周緯不恤也穀似孝慕我友王華字石甫以淚泚筆寫老銀而摧切也我居聖室未表母德叫蒼天而罔極也

祈晴文

道光十二年六月十九日廣東正考官程恩澤副考官邢福山為久雨祈晴事齋肅頓首致禱於所過名山大川之神惟貴神膺沈薶之盛典董常羊之巨維卷豐隆於掌握起萍號於呵吹故能沛百昌之沃膏興五土之熾苗今者小暑以後高原既滋非惟雨之又潤澤之淺已徵乎上尺下尺深復逮乎六施七施儻霖霽之不止轉損穀而壞粢非所以體奧菟之仁覆錫富媪之蕃釐也矧使臣者奉

天畀之英蕩併晝夜而載馳歷五都四瀆而不憚險遠

且欲度粵嶠而南窺珠海之虞迫有程限不可逶迤頃
行抵河涯之間閱數日而為積潦所羈縻變小澗成滄
淪化平涂為險巖馬十步而九蹶僕前進而退疑廢食
飲而忘寢興會不半程而已茶疲噫嘻乎雲將雨師豈
不屑使臣而為斯使臣官不足重材不足毗特恐渝薄
海

共主之簡命即

貴神亦以為非宜伏願速偃雨旆迅收雲旗消芒晦于
俄頃顯鼉暉與夕暉使臣御風而行晷刻不差納節之
日五善周咨是時覩大穗與長祠亦先後而登京茨則

貴神一舉而兩美備矣使臣當九頓首而謝如天之祺

第二次祈晴文

某等前次祈晴僅告所過名山大川不敢致禱天神以
天神尊貴非大夫所當祈也然春秋之義王人雖微序
於諸侯之上即行諸侯之事不為僭茲再禱風神雲神
雷神以達寸悃恭惟天神宰制陰陽迭用柔剛曰雨而
雨曰暘而暘今者二旬不見皎日厥咎常陰厥過流瀝
瞻彼大田其患惟潦哀我征人復仆于道懷私為每此
懷非私瓜時而往瓜摘乃遲使臣之心曾誓河水斯文
未喪宜受帝祉帝祉伊何所助者順霖止潦清乃利于

進伏陰伏雨有干赫曦孰網維是而令怨咨佚夫雖微
曾拜

帝命惟神聰明有籲必聽

謝開霽文

夏間過宿州值霖霪不止作文祈晴於所過名
山大川之神不二日而開霽茲復過此作文祇
謝焉

翳使者之南邁兮值霖霪之淹旬懼程限之孔迫兮路
坎輾而逡巡乞明神之嘉惠兮叩喬陟與齋淪惟濯靈
之桴應兮發勁颺於九垓耀赫曦之烏羽兮卷水雲之

魚鱗前金蛇而後玉虎兮皆道藏而不敢伸譬震怒而
忽霽顏兮非神力其孰振喜征蓋之不濡兮快劇驟之
可循爛川涯之媚晴兮斂山翠之久翠幸數日之偶開
兮恐後途之仍屯何明威之廣覆兮隔千里而一均計
自淮甸以達海壖兮無怪雨之或津頃使旋而納節兮
邕周原之駱駝過符離之古城兮心惓惓於貴神忱止
寸而恩倍尋兮雖巧言其曷陳冀蟲鳴而天聽兮葵真
香以上申

程侍郎遺集初編卷十

曹太傅相國八十壽文

聖天子御極之十有四載時聖道淳六寓晏然仕歡於
朝農耘於田於時我太傅相國老夫子位台鼎凡二十
二年領樞密凡十有五年而齡躋八豔丹顏而華顛天
下望之如周召公如古彭篯豈不以身繫社稷之身齒
冠中外僚采之先故介福者同辭而冀劬德者彌堅哉
聖天子嘉乃元老訐謨丕績

親灑丹毫

寵以得賢之章

書額書楹祝期頤與康疆

大賚珍異器重衣華金朱煌煌若湛露之滋鄧林赫曦
之耀扶桑宜其奮榮揚輝日引而月長也十月幾望歲
星在畢五老人正中

天使乘雲繞月而來賁乎公之宮南面磬折祇述

天顧之隆公九頓首九命茲益恭捧盈而躬躬自上公
通侯九卿以迄庶官弟子門人莫不觀盛禮而收寵崇
也酒行樂作或舉觴而言曰自某處公門下見

天使凡三至焉歲在甲戌公六十壽拜

渥恩於逾格實臣工所罕有歲在甲申公壽七旬如初

之禮即肇今之辰自今以始且屢荷

天之申豈云

三錫而未之前聞哉故語

體兒之隆則

玉瀾繪像

宸章鐫焉

紫閣圖勛

御贊縣焉青花龍尾之道易腰輿以肩焉舉輿服之貴
則翠羽吉光重暈圓焉乘馬吉黃紫纒翩焉其它殊恩
異數玉管不勝編焉盍推致此之錄以詭乎座賢或舉

觴而荅曰公以世祿鼎貴致身清要詩禮之氣蓋乎廊廟書誦三箴而不遺一字文約六經而下筆典誥抑譎觚之詭詞倡和平之雅調用能潤色鴻業概括雄鼻是以玉尺凡十一持而五典春官門生遍海內皆酌公之辭波而不敢溢其瀾至於總纂館裁

史成領

東孰直

西清掌翰苑則抒揆天之藻侍

講筵則聞說經之聲而贊機務之要尤爲

絲言出納之所程是則公之鴻才蓋濯乎銀潢而愈明

也公徧歷六官六官之職皆舉謀謨密勿千端萬緒若經緯之在杼

皇武既布干羽屢舞上安下視各得其所且也公昔以參知政事未三日而拜真相今也

加大傅崇銜冠公孤之上荷

三朝知遇之恩協百僚多士之望然則公之鴻才偉略其可度者在守正持重其不可度者則密對與

帝貺也然而智蓋一世材總四海名宰相之才也略也其本則基乎德公抱忠孝節廉之資以敬儉讓咨爲之式少性恬退絕權貴之謁長益勤慎勵堅貞之節事無

鉅細一主於敬閤室不欺若對天與聖平一己之好惡以齊人之好惡故有公非公是而無私喜私怒不激不隨一趨一步摧釁機於將萌培元氣於已固能使于于者視端行正來同我蕩平之路也以儉表率非庀一家以讓風世自無人加故實是咨聞善拜嘉仁氣煦言如春在花以是服官垂五十年無纖毫挂於過差尤可異者聰記疆識善斷與謀深自掩抑如被褐反裘卓識遠慮洞微燭幽載其清靜而廟堂既修惟

聖天子察其單心許其同德

獎以正人覺試之而愈優祓之而愈新故

寵眷稠疊不可涯而祿祉履戩以莫不臻也加以耄期守學彌敦攝故不懈以久建九紀以立純德以上登旗翼之壽晉語云惟德厚者能受多福揚子云壽可益乎曰德是則備三達尊膺九五福其爲德之固乎內教修舉子貴孫賢其爲福之藪乎合座乃舉醕而頌曰古我睿聖武公年九十五猶箴傲於國屬誦志之我補亦有甯川羅侯領三十六曹年百二十猶精爽而不憚勞亦有潞國太師年九十餘尊德樂善雍容玉除願公勳名媿乎潞國壽考齊乎甯川而持盈抗歆則如睿聖武公益益益虔也

王子吳鼎匱銘

虎阜寺寶王子鼎吳乘失載訪者梗程孟聞自梁子傾
洪季陳仲據几省古翠欲垢灰未冷捐灰滌翠吐金景
梁子且詠且詰訂龍龔攝提斗子柄陳仲作匱閉深靚
作銘者仲篆者孟王子有知定首肯

面東西晷銘

此器初於齊太守彥槐張大令作楹
然自午初至未初無景是一大病因
與吾友鄭浣菴
謀而補成之

非鏡非臺器圓靜節綫畫刻畫以銚欲平其地足仿鼎
可升可降極度等東表東景西西景日中無景何以省
乃規缺月弇其頂頂有小竅透光固方中方晚定俄頃

槐杵所遺裏而整

為張石洲篆薦雷書屋額并系以銘

游雷之游無不載游至作薦干所會通震以坎皆詰再
恐思修省乃得貝文孫識之祖詰誠

晉靖王寶賢堂硯贊為張石洲作

辨厥首印不辨厥足矜率然蟠朽鈍以斨身流水有光
宜受別墨之黔吁食其墨則贊三兆吐其墨則揆聯藻
無煇黃之被而有艸元之擾清事賢邸奔以密銀河張
宿寶其出甲子五光兮再見天日

祁淳甫食筍齋圖記

南湖之北樂泉之西有食筍齋焉不由旬廣而幽徑窈
窕無辨華飾而洞室燻閨雲歎西東山影黝庭月貫表
裏水光鏡戶加以來風防露翠溼暑人之裾冒霜停雪
碧成冬土之屋小堂佇軸文石如埽得非李藥師所問
訊王子猷所嘯詠歟時則有尚書黃夫子承北門之旨
繙東觀之籍羔羊委蛇魚鳥聲乳植援激水編町成篁
酒澆菡萏之繡墨寫升斤之影蓋十餘年而竹以森焉
亾何尚書請老衰衣過歸學士其興簪筆能舞良夜成
韻則犁然當心曾久競鱣則率爾步往或擇迷醉而補
植或見復筍而翦拂荏苒有年而竹復茂焉且夫詩咏

筍菽禮重落菹浮亞之旨可珍日華之胎以滌羊奚不
筍毋棄青甯此本義也八十之策乃滿爰所爲兼兩之
載亦汗青是削齊簡曰等讀書曰籀靡姦不傳搜之羽
陵此進義也尚書味道得腴學士食字而化波瀾莫二
屈屨相仍洵可謂水有異味識張陸之曾居舍開三徑
待羊求而沓至矣况士林之館藥院之廬樹分五柞之
蔭泉挹九成之醴孰謂是竹也非浮筠之幹截之仙山
嶰谷之產集茲鳴鳥也哉澤十稔移中三宿桑下昔栖
西舫今作東鄰猶憶尚書居此齋時展瑤局開芳筵縱
露初之觴發華始之詠錦被之策不嗔宮袍之奪必賞

今則葢蘭之宅越在天末王室之弼懸乎夢想懷遠感
舊我勞如何幸也其替人則黃羊大夫其轉徙則碧雞
才士也說者乃曰官廨也蘧廬也自有此屋歷有多賢
奚視爲甘棠之宅作爲瑞室之銘乎然假之丹青不能
壽其狀形之歌詠不能寫其神則無爲貴知矣故疏房
棧貌不必一再居冠倫魁能不必先後聚碧鮮玉潤不
必月日蕃圖之詩之雖風牛異轍歲節殊候而一弓在
握即千載猶面也則謂此圖爲藏山之臥遊激懷之故
事也奚不可

任階平太史寫經圖贊

并序

階平先生博關羣籍江詹眾言旗角繫鈴已踐舊夢樹
墨記柱尤傳家苑悖愛經典勃宰故訓以爲巾箱之妙
非賀玠所識蘭臺之私必中郎乃徵粵自開皇廢像長
興雕本人無書掌之瘁世乏壽胸之雅况血剗易減記
珠難索天口聖譯日付苟簡良可歎也於是久鈔雪纂
蒲荒柳剝隆古言凡之概方聞申難之喙一經寫定盡
歸默識爾乃龍伸蠖屈爛兮典寶之奇紂紅許綠琴諸
虎帝之躋蓋惟用志不二故能與皤然者爭年課功必
歲故能與齟然者比遇柳氏自備古美其稱雲禎細書
今尚未輟至於給五千番之麻紙以招俊又酬十五年

之嘉績用錫金紫則稽古之榮諒不越習者之門也爰
爲贊曰經紛綸兮井大春心若醉兮手之鵝是副墨之
子兮是雜誦之孫

藤花吟館記

藤花吟館者梁莖林方伯少時所觴詠地也楸槐貴里
檉柏小眠元瓠屯雲之勝屋山隨月之讀墨雨所濡地
飛黑蛟竇帛所葺牆剝白蜃鏡瀾倒檻聞策策堂堂之
聲蚪柯頁宇作瓏瓏疊疊之狀宜乎雪松久埒沈東陽
撫之長吟晨霞采鳳李贊皇思而寄句者也止何西向
一笑東營遂荒禮星師子爰題秀實之居龍原書窟頗

削闕西之跡而先生方入侍鸞掖出操麈符不特申嬰
室之謝抑且乏孔席之暎周捨赴官以荻爲障思光東
出居舟非水是則羅君章之蘭宅元貞子之回軒亦可
蘧廬視之逆旅唾之矣然而向子思舊園生多情滄波
一蓋尚奏竽於故巢石林雙蹠未淹蹤於闌雨憶筱中
九夏之飲締桑下三宿之緣輒未免池夢惠連磬戀光
政繹碧漱瑤翻之句則絳園在前賡黃泚竹里之章則
輞口如見此援成瑞室所以刻鍾嶸之銘而彙題浣花
抑以述端已之志也更有進者先生胸具萬間之厦而
足滿長梁才同九州之被而心儀環堵缺十住南還之

芥聽士池西潦之聲章傅則僅賦鬻茅友讓則未謀贖
券以故疏房椽貌偶托畫禪積金連石未邀仙賚求之
華廡尤所難能澤緯蕭已破靡萍無定邱亭爰止皋廡
暫棲每入白鹿之員莊過青楊之蕭巷輒作十日思焉
何況甘棠五畝緬雅興於謝公竹林別室滯芳年於遵
彥宅曰樊川墅築淮水齋成賜大官尊賭奇礪石花竹
秀野水木明瑟意將以此圖爲嚆矢乎儻用小文再泚
秃管

陳芝楣觀察傳硯圖記

傳硯圖者吾友芝楣觀察哀其兩世清德鴻筆而以文

之綸附之龍虎變化鸞鶴停峙兒其神也星涵玉李雲
暈久纈肖其器也至於仲興無忝祖德超宗殊有鳳毛
垂元珪之豐髭挺匿屏之異表匪惟繼美實能亢宗而
且青鐵未敝黃丸載波產天人科第之芝博尚書僕射
之號柳誠懸所寶惟研丁公雅傳之其裔古有其事今
乃過之緬惟尊大父成都君惠雨淡於參墟英風被於
井絡祀赫桐鄉神讐羅池宜其五色錦衾之雲覆諸筆
海三躔次月之影落我石屏胸羅手摘逸氣可想尊甫
宣城君學既博奧書復洞精攜玉帶一角磨看鼻三斗
而油幕蓮冷廣文瓊寒笏甫柱敬亭之雲頭已傾江令

之雪矣雲封凍結有深慨焉至我友芝楣觀察清節內
肅仁風外暄名達華近得元才子之日澤洽州郡接顏
有道之稱唵弄風月則呼萍妃其神講論道惠則置俊
人於側比者乘虹月之舫握英蕩之節露夕花午神怡
務閒藏孟公之牘者橐垂索智永之書相折結鄰常御
磨穴益深石言若曰是所謂副墨之子維誦之孫使
襲我若白科亦無悔也夫惟范馨之硯傳之伯孫而孝
行以著端明之硯字於老泉而文祥以顯我友應升卿
之兆傳扶易之經文則繪日樞雲武則飛章草檄是以
忠貞之子復爲司隸清白之後仍生強項之才之望乃

光於家且卿且公無愧於長況復鐵面傳世鳳味有朋
聚之一室比太邱之德星寶之百禩等文貞之棠笏不
特學弓學冶溯義門之高蹤抑且如風如錐增硯譜之
嘉話云爾

謝俞陶泉太守餉車螯啟

江干嫌燠堪供中御之拘酒畔蛤蜊屢折元長之對乃
蒼水元夸之忽至引白中脆尹以偕來自解斧箸欣看
礪柯素膚勝雪比移角而能端紫殼騰花較姑勞而益
厚醞釀寒湖之味豁訝新火之光當齒即消點湯欲化
何如北海醇醲含不兩之漿藉甚維揚甘脆啖二分之

月豈意破十城之蜃界致千里之鮭珍情深安邑之豬
肝貴壓屬州之蚌醬僕心慙劉湛議徇鍾岢北山之隱
士方飢東海之波臣難托珠宮新沐載賡楊萬里之詩
翠釜初烹敢拜王秦州之惠每當充腹輒切銘肌

謝祝蘄畦同年惠果子狸啟

絲絲繫臂方當烹驚之辰篋絡纏身忽覩懸貍之狀喜
君以狸首爲節使我操牛尾而歌爲問肌膚欠雪之凝
都緣梨栗霜天之飽並頌筍腊以佐肴烝白似截肪與
花豬而競美香能醒酒比竹飀以尤甘弟前處御關曾
驗汪龍溪之對茲來京輦又應管公明之占夢殘形以

載興去正脊而猶緩况逢五月重五之日得此八元第
八之才謹當封以糟邱薦諸鴉炙良朋高義深憐鮭食
之貧晝寢輞飢敢報豹肥之帖

謝王都轉餉果狸啟

俎肉已殘方續曾參之操

時汪鄰樓致果
狸已食大半

篋鈎乍解復

賡侯氏之詩三人執牛尾而誇一笑脫貂裘而換肥白
如瓠豈柱下之相君冰雪其肌類藐姑之仙子鸞刀載
削瑤甑初蒸聚空山百果之菁華佐淺酒一樽之風味
膏流饗饗似給事之裹熊肪品極芳鮮等孝儀之夸鹿
尾君從何處致此不來儻搜之瀟霍之旁曷置之糟邱

之側特蒙推食彌切朵頤獲珍有勝于三狐競爽奚慙
于叔豹風林露圃請吟楊萬里之章沙地雪天轉憶洪
容齋之對拜嘉貌賜識愧祥生

賀喜雪啟致陶宮保

禱霧豬泉已覺天慳之破收銅馳穴彌徵地寶之呈四
民盼五穀之精連日得六花之瑞伏惟宮保制府雲汀
先生時暘時雨已溺奮飢文昌之馬才過希逸之衣旋
溼推發粟振裘之意挾曠三軍啟惠禾室麥之祥賀書
五版鋪來木屑桓公之高曾初張掃入茶鐺秀實之清
風可挹縱春旗之簇簇猶臘鼓之鼕鼕憫下尺而久譽

即封條其何礙某倦從衰臥嬾藉孫書六朝之山色如
新九陌之車塵不起因憶聚星堂上仙官賡白戰之詩
定知堆麪井邊野老夢黃雲之稼乍嘗甜雪載詠甘謠

謝俞陶泉太守餉蚶啟

暖據竈觚方欲致刲羊之祭時十二月二十三日寵頒魁陸幾疑
開駭鹿之山列瓦縫以參差疊錢文而匝匝珍同天饗
甘瓠蜜丁一箸探紅湯沸春風之芼雙房釀紫酒淹明
月之光當海天欲雪之時正沙艇烹鮮之日然必淞江
東去始蓄寒苗嶺嶠南馳方登諫草若教寄遠定致役
郵何期淡然子專車而來一似左元放釣鱸之術對茲

璀璨彌切夥頤外形未折夫眉渠內味何虞其舊齧更
自哂者物非混沌人實餐餐芳鮮豈白蝠之遺呀呷類
青郎之嚼比馬甲與章舉君尤嗜南食之奇持羊酪喻
蔬羹我亦守北人之學昔也珍貽若士曾修化雀之箋
今茲送自右軍並得寶噉蚶之帖血營受益心版堅鑄
是所謂一味之甘必剖而分之百朋之錫方斯蔑如也

謝汪均之餉鹿尾啟

樂章殘缺方賡狸首之詩

時注鄴樓兄所惠
牛尾狸已食殘矣

禮注分明

復講鹿痿之法何來大尾用佐遨頭爛斑垂蒼玉之綏
圓湛截丹砂之柱既見珍於鄴下更遙閩乎遼東故因

大惠之休明能致遠方之瑰異操刀未割感君憐爨下
之桐承筐是將引我寢隍中之葉事類拜王公之塵柄
情同餉茂先以龍脩定知卓帳筵開空矜舌醬兼笑采
薇客倦徒飲乳潼角邊之瓊片難餐頂上之珠華比貴
惟丁子之獨有寶首機之所無正欲敬醫氏之門廣岐
書而作宴何妨塵太保之閤撫顏帖以裁箋象約同甘
牛心等惠

滄浪來鶴圖記

攝提之歲圍陽之月逸舟先生再權廉訪寓吳門蘇長
史之別館簿領之暇耽耽水石時則雪絮將返風枝自

鳴昏雅畢逋莫雀喋啐有物飄然降自霄漢元裳縞衣
昂立庭除先生心詫其異目快其潔且恐俄來旋去不
須臾而海天日域矣乃復儀態閒雅不驚不思仰啜俯
啄若習安焉不數日先生有權江甯方伯之信買艇同
載撫翎而還識者謂巢穴測天禽鳥驗氣則夫冠雀栖
宇三台其徵靈鳥滿戟屢擢不次矧鞋頰鼯耳燕膺鳳
翼者貴冠章服舞儀相庭識字含珠尤絕羽類知生祥
下瑞將無已時而某竊以爲一雙入雲非隱弗招二八
集扈非聾不感使子游之門如市元規之塵污人不歌
舞闐咽即竿牘紛擾唯鶴實智且避之不暇又安望其

擇木而止僚山而歸耶是則能致鶴者先生之抱超乎
俗能調鶴者先生之才餘於官訟庭花落閒堦蜨翔可
以想風儀攷政治矣諸君子皆樂道之繪圖繫詩而某
爲識其事

人日游龍樹院詩序

粵以翦人貼帳之日登高賦詩之辰欲作海王村之游
以證輸寥館之事而宵雪嫋嫋朝零譁譁甚妨東郭之
履無假北闕之步於是簪裹既集鋪歆其闌臺如重壁
有柝屑竹之度麩堆金井彌懷暝寒之徑乃策疲騎聯
高軒徘徊乎鹿王之宮頓憇乎龍樹之宇虛室生白小

窗多明遠眺五徑則擁絮酣卧近瞻萬雉則界墨益顯
重柯者勾喬之木壘帶者紆曲之塗掩九秋葦華之影
破蔽空鳥羽之墨俄而寒吞落暉醉紅千里清挂弦月
深白一色漏鼓坎坎寺鐘沈沈疏星爍銀斜漢絡玉混
茫天接如泛烟江之濤回旋地空似入水精之域尤可
快者煦春前屆良夜已暄苛謝觥笑縱談柄陶陶焉
衍衍焉揚令推古賞竒析疑膏以繼晷不知其劫茶也
嗟乎江關梅信即在琴尊之南上元燈火又繞星辰之
北海王村之游新霽少人尚可約焉坐客吳荷屋中丞
工詩善畫許繪一圖蔡友石岡卿梅伯言郎中張石舟

大令俱工詩皆有佳什是則幽蘭儷曲各騁妍秘之詞
山陰鼓棹聊乘倏忽之興爰拈拙筆以備引嚶道光十
有七年丁酉新正穀日歛程恩澤撰

修葺墩世忠廟啓

古之君子將營宮室必先寢廟吾儕小人皆有闔廬以
避寒暑當春秋之匪懈正霜露之既濡使旁風上雨之
不支對深藻賓蘋而有作此新宮之墜茨與守祧之修
除爲最亟者也我世忠廟者賜額於大宋遷基於有明
規樞自程聚而來棟宇在篁墩之上雖蒼楹弗墜儉有
契乎舊章而茆龍夏衣葺必勤乎後嗣仰惟我始遷祖

太守公仁能撫眾如朱邑之祀桐鄉我忠壯公武足禦
突若李冰之射江水有功德于民者國家禮亦宜之况
我子孫念厥祖考凡神靈翔泊之所皆寤寐經營之區
必占棟隆之吉而後即安倘有棟崩之虞其將焉仰嗟
乎服先疇食舊德叨福蔭者二千餘年備鼎俎陳犧牲
薦明禋者四十八派豈無富室傾千金之橐不為多亦
有貧家獻一斗之粟不為少譬之棊堂上之疾雖刳臂
其何辭醫眼前之創縱剗心而弗恤惟願我同族諸尊
長諸先生本仁行仁見義集義矇青蚨萬貫得大木百
車行見有寫有挺孔曼且碩不龔不石修舊日新天之

所支允矣在高明之室神罔時怨愾然聞歎息之聲謹
啓

銘補遺

北極出地四十度加節氣平晷銘

并說晷畫於團扇

扇平持柄向北
辰柄底贏丁出銅表取表插孔
中視表尖影所指在某節綫即得某時綫某刻
綫蓋節綫與時綫相經緯而南北自正故不用
南鍼

平規置槩識景曠也
綫節綫時互經緯也
經緯正矣鍼蠟
俛也極出地表表所既也
朔高南下一侯尉也用四
十度丁象魏也
蓋實通渾西法彙也
紈扇寫圓規且概也
手揮日光時熏颺也

節峯公白雲堂所藏書幻出自樂山觀惠仁家手批端楷天下數部